

I. DISPOSICIONES XERAIS

MINISTERIO DE AGRICULTURA E PESCA, ALIMENTACIÓN E MEDIO AMBIENTE

433 *Real decreto 5/2018, do 12 de xaneiro, para a aplicación das medidas do Programa de apoio 2019-2023 ao sector vitivinícola español.*

O Regulamento (UE) n.º 1308/2013 do Parlamento Europeo e do Consello, do 17 de decembro de 2013, polo que se crea unha organización común de mercados dos produtos agrarios e polo que se derrogan os regulamentos (CEE) n.º 922/72, (CEE) n.º 234/79, (CE) n.º 1307/2001 e (CE) n.º 1234/2007; o Regulamento delegado (UE) 2016/1149 da Comisión, do 15 de abril de 2016, polo que se completa o Regulamento (UE) n.º 1308/2013 do Parlamento Europeo e do Consello, no que se refire aos programas nacionais de apoio no sector vitivinícola e se modifica o Regulamento (CE) n.º 555/2008 da Comisión, e o Regulamento de execución (UE) 2016/1150 da Comisión, do 15 de abril de 2016, polo que se establecen disposicións de aplicación do Regulamento (UE) n.º 1308/2013 do Parlamento Europeo e do Consello, no que se refire aos programas nacionais de apoio no sector vitivinícola, regulan as disposicións sobre os programas de apoio que os Estados membros deben presentar á Comisión.

Para a posta en práctica no Reino de España da dita normativa ditouse o Real decreto 597/2016, do 5 de decembro, para a aplicación das medidas do Programa de apoio 2014-2018 ao sector vitivinícola español.

Unha vez aprobado pola Comisión Europea o novo Programa de apoio ao sector vitivinícola 2019-2023, procede aprobar un novo real decreto que regule as medidas subvencionables recollidas no dito programa para o novo período quinquenal, dado que se trata dun programa novo que debe ter o seu correspondente reflexo normativo.

Respecto do contido das axudas, sobre o réxime actualmente previsto no Real decreto 597/2016, do 5 de decembro, a novidade esencial é a reintrodución dos aspectos regulatorios da medida de apoio aos investimentos, xunto cos cambios derivados do novo Programa de apoio 2019-2023, como nas definicións, na posibilidade de que os entes sen personalidade xurídica (por exemplo, explotacións de titularidade compartida) poidan ser beneficiarios de axudas nalgunhas medidas, ou outros similares.

Débase destacar que a medida de investimentos se inclúe no Programa 2019-2023 de igual modo que xa formaba parte do Programa 2014-2018 na súa redacción orixinaria dada polo Real decreto 548/2013, do 19 de xullo, para a aplicación das medidas do Programa de apoio 2014-2018 ao sector vitivinícola. Durante o prazo de vixencia do dito real decreto tales medidas de investimentos continuáronse convocando, tramitando, resolvendo e aplicando. Non obstante, o posterior Real decreto 597/2016, do 5 de decembro, para a aplicación das medidas do Programa de apoio 2014-2018 ao sector vitivinícola, que substituíu o anterior por motivos de seguridade xurídica pero que tamén era vehículo para a aplicación no Reino de España do mesmo Programa 2014-2018 que agora conclúe, non incorporou as ditas referencias, dado que a totalidade dos fondos dispoñibles para todo o período 2014-2018 se comprometera xa nas dúas primeiras convocatorias, con base no anterior marco regulatorio establecido polo citado real decreto de 2013. Isto explica por que a medida de investimentos non apareceu no real decreto de 2016 e volve aparecer agora no presente real decreto, e determina a ultraactividade da sección cuarta do Real decreto 548/2013, do 19 de xullo, referida á medida de investimentos, prevista na disposición transitoria terceira deste real decreto, xa que os seus efectos non se esgotaron, en canto que as ditas medidas de investimento poden ter un prazo máximo de execución e de financiamento de catro anos.

Non obstante, non se inclúe na actualidade dentro do Programa 2019-2023 a medida de innovación, polo escaso interese, tendo en conta o reducido número de solicitudes recibidas, pois as dúas últimas convocatorias celebradas no marco do Programa 2014-2018 quedaron desertas. En calquera caso, se se constata un novo interese na medida durante a execución do Programa 2019-2023, considerarase unha eventual modificación do programa de apoio para incluír como medida específica a axuda á innovación.

O presente real decreto dítase en aplicación da normativa da Unión Europea antes citada e de acordo coa habilitación prevista na disposición derradeira primeira da Lei 24/2003, do 10 de xullo, da viña e do viño.

Na elaboración deste real decreto consultáronse as comunidades autónomas, así como as entidades máis representativas dos sectores afectados.

O proxecto de real decreto non se encontra incluído no Plan anual normativo 2018, xa que a súa aprobación estaba prevista para o ano 2017.

Na súa virtude, por proposta da ministra de Agricultura e Pesca, Alimentación e Medio Ambiente, coa aprobación previa do ministro de Facenda e Función Pública, de acordo co Consello de Estado, e logo de deliberación do Consello de Ministros na súa reunión do día 12 de xaneiro de 2018,

DISPOÑO:

CAPÍTULO I

Disposicións xerais

Artigo 1. *Obxecto e ámbito de aplicación.*

Este real decreto ten por obxecto establecer a normativa básica aplicable ás seguintes medidas recollidas no Programa de apoio ao sector vitivinícola español 2019-2023, presentado polo Reino de España ante a Comisión Europea, de conformidade co disposto no Regulamento (UE) n.º 1308/2013 do Parlamento Europeo e do Consello, do 17 de decembro de 2013, polo que se crea unha organización común de mercados dos produtos agrarios e polo que se derrogan os regulamentos (CEE) n.º 922/72, (CEE) n.º 234/79, (CE) n.º 1307/2001 e (CE) n.º 1234/2007; no Regulamento delegado (UE) 2016/1149 da Comisión, do 15 de abril de 2016, polo que se completa o Regulamento (UE) n.º 1308/2013 do Parlamento Europeo e do Consello, no que se refire aos programas nacionais de apoio no sector vitivinícola e se modifica o Regulamento (CE) n.º 555/2008 da Comisión, e no Regulamento de execución (UE) 2016/1150 da Comisión, do 15 de abril de 2016, polo que se establecen disposicións de aplicación do Regulamento (UE) n.º 1308/2013 do Parlamento Europeo e do Consello, no relativo aos programas de apoio no sector vitivinícola:

- a) Promoción en mercados de terceiros países.
- b) Reestruturación e reconversión de viñas.
- c) Eliminación de subprodutos.
- d) Investimentos.
- e) Colleita en verde.

Artigo 2. *Definicións.*

Para efectos da aplicación do presente real decreto, entenderase como:

a) Autoridade competente: respecto das axudas reguladas na sección primeira, será autoridade competente o órgano competente da comunidade autónoma en que o solicitante teña o domicilio fiscal, ou o Fondo Español de Garantía Agraria, para as axudas solicitadas polos organismos públicos de ámbito nacional. Respecto das demais axudas reguladas neste real decreto, será autoridade competente o órgano competente da comunidade autónoma en que o solicitante teña as superficies ou instalacións.

- b) Destilador autorizado: toda persoa ou agrupación de persoas que:
- 1.º Esta autorizada polas autoridades competentes para actuar no marco do artigo 52 do Regulamento (UE) n.º 1308/2013 do Parlamento Europeo e do Consello, do 17 de decembro de 2013, e
 - 2.º Figure debidamente inscrita no rexistro territorial a que se refire o artigo 40 do Regulamento dos impostos especiais, aprobado polo Real decreto 1165/1995, do 7 de xullo.
- c) Propietario: a persoa ou agrupación de persoas, con independencia da forma xurídica da agrupación ou dos seus membros, que ten o título de propiedade sobre a parcela onde se encontra a viña.
- d) Viticultor: a persoa física ou xurídica, ou agrupación de persoas físicas ou xurídicas, con independencia da forma xurídica da agrupación ou dos seus membros, que cultive a superficie plantada de viña, tendo á súa disposición a superficie en cuestión en propiedade, ou en réxime de arrendamento ou parzaría, ou calquera outra forma conforme co dereito que poida demostrar mediante documento liquidado dos correspondentes tributos. Tamén se aplicará esta definición á persoa física ou xurídica xa inscrita no rexistro vitícola como viticultor dunha superficie plantada de viña en 31 de xullo de 2017.
- e) Futuro viticultor: persoa física ou xurídica, ou agrupación de persoas físicas ou xurídicas, con independencia da forma xurídica da agrupación ou dos seus membros, como as comunidades de bens ou as explotacións de titularidade compartida, que sexa titular dunha resolución de arrinca, autorización de replantación, dereito de replantación ou autorización por conversión de dereitos inscritos ao seu nome no rexistro vitícola, e que non sexa viticultor segundo a definición anterior.
- f) Parcela de viña: a superficie continua de terreo en que un só viticultor cultiva a vide, formada por un conxunto de recintos cunha ou varias referencias alfanuméricas, representada graficamente no Sistema de información xeográfica de parcelas agrícolas, en diante Sixpac.
- g) Produtor: calquera persoa, física ou xurídica, ou agrupación de persoas físicas ou xurídicas, que produciu viño a partir de uva fresca, de mosto de uva, de mosto de uva parcialmente fermentado ou de viño novo en proceso de fermentación, obtidos por eles mesmos ou comprados, así como calquera persoa ou agrupación de persoas que posúa subprodutos resultantes de calquera transformación de uva distinta da vinificación. Esta definición non se aplicará á medida de investimentos.
- h) Programa: para os efectos da medida de promoción en mercado de terceiros países, considérase programa o conxunto de accións de promoción coherentes que se desenvolvan nun ou varios terceiros países, cuxo alcance sexa suficiente para contribuír a aumentar a información sobre os produtos en cuestión, así como a súa comercialización.
- i) Acción: para efectos da medida de promoción, entenderase como acción calquera das medidas de información e promoción recollidas no número 2 do artigo 45 do Regulamento (UE) n.º 1308/2013 do Parlamento Europeo e do Consello, do 17 de decembro, que se recollen no anexo I do presente real decreto. Para efectos da medida de reestruturación e reconversión de viñas, entenderase como acción aquelas actuacións especificadas como subvencionables no artigo 37.3 do presente real decreto. Para os efectos da medida de investimentos, enténdese como acción cada unha das establecidas no número 1 do artigo 33 do Regulamento delegado (UE) 2016/1149 da Comisión, do 15 de abril de 2016.
- j) Asociacións temporais ou permanentes de produtores: para efectos da medida de promoción, entenderase como asociacións temporais ou permanentes as agrupacións de produtores, persoas físicas ou xurídicas, públicas ou privadas, as comunidades de bens ou calquera outro tipo de unidade económica ou patrimonio separado que, aínda carecendo de personalidade xurídica, poidan levar a cabo os proxectos ou actividades para os cales se agruparon. Actuarán de conformidade co artigo 11.3 da Lei 38/20013, do 17 de novembro, xeral de subvencións.

k) Empresa vinícola: para efectos da medida de promoción, entenderase como empresa vinícola aquela empresa privada en que máis do 50% da súa facturación proveña do sector do viño, de acordo co seu último exercicio fiscal pechado.

l) Operación: para os efectos da axuda á reestruturación e reconversión, enténdese como operación o conxunto de accións tendentes a conseguir a reestruturación e reconversión dunha superficie de viña determinada, e incluída na solicitude dun viticultor. Para os efectos da medida de investimentos, enténdese como operación a acción ou grupo de accións que se inclúen nun proxecto formando o conxunto de investimentos obxecto dunha solicitude de axuda.

m) Operación anual: para efectos da medida de reestruturación e reconversión, entenderase como un conxunto de accións para a reestruturación e/ou reconversión, que finalizarán no exercicio financeiro seguinte a aquel en que se solicita a axuda.

n) Operación bianual: para efectos da medida de reestruturación e reconversión, entenderase como un conxunto de accións para a reestruturación e/ou reconversión, que finalizarán en dous exercicios financeiros seguintes a aquel en que se solicita a axuda.

ñ) Arrinca: a eliminación total de todas as cepas que se encontren nunha superficie plantada de vide. Esta arrinca inclúe a eliminación tanto do portaenxerto como da parte aérea da planta.

o) Establecemento: para efectos da medida de investimentos, enténdese como establecemento o conxunto de edificios, edificio, zona do edificio, instalación ou espazo aberto que se usa ou que se vai utilizar para a elaboración ou comercialización de produtos do anexo VII, parte II, do Regulamento (UE) n.º 1308/2013 do Parlamento Europeo e do Consello, do 17 de decembro.

p) Transformación: para efectos da medida de investimentos, entenderase como transformación calquera proceso que dá lugar a un produto do anexo VII, parte II, do Regulamento (UE) n.º 1308/2013 do Parlamento Europeo e do Consello, do 17 de decembro.

q) Comercialización: para efectos da medida de investimentos, entenderase como comercialización a posesión ou exposición dun produto do anexo VII, parte II, do Regulamento (UE) n.º 1308/2013 do Parlamento Europeo e do Consello, do 17 de decembro, para a venda, a entrega ou calquera outra forma de posta no mercado.

r) Empresa: para efectos da medida de investimentos, entenderase como empresa toda entidade, independentemente da súa forma xurídica, que exerza unha actividade económica, en aplicación da definición de empresa do artigo 1 do anexo da Recomendación 2003/361/CE da Comisión, do 6 de maio de 2003, sobre a definición de microempresas, pequenas e medianas empresas. En particular, consideraranse empresas as entidades que exerzan actividades a título individual, as sociedades de persoas e as asociacións que exerzan unha actividade económica de forma regular. As comunidades de bens quedan incluídas na definición de empresa.

s) Produtos vitivinícolas: para os efectos das medidas de investimentos, entenderase como produtos vitivinícolas os mencionados na parte II do anexo VII do Regulamento (UE) n.º 1308/2013 do Parlamento Europeo e do Consello, do 17 de decembro, e que se producen no territorio español.

t) Investimento intanxible: investimento en activos vinculados á transferencia de tecnoloxía mediante a adquisición de dereitos de patentes, licenzas, «know-how» ou coñecementos técnicos non patentados.

u) Investimento en enoturismo: para efectos da medida de investimentos, entenderase como investimento en enoturismo aquel investimento realizado para a súa utilización con fins turísticos, tales como bares, cafetarías, restaurantes, terrazas, cociñas e aloxamentos, entre outros.

v) Exercicio financeiro, ou exercicio Feaga: o que se estende desde o 16 de outubro dun ano ao 15 de outubro do ano seguinte.

w) Campaña ou campaña vitícola: a correspondente ao período comprendido entre o 1 de agosto dun ano e o 31 de xullo do ano seguinte.

CAPÍTULO II

Medidas de apoio

Sección 1.^a Promoción en mercados de terceiros países

Artigo 3. *Ámbito de aplicación.*

Co fin de mellorar a competitividade dos viños españois, as accións que se mencionan no artigo 6 poderán financiarse con cargo ao orzamento da Unión Europea nas condicións previstas na presente sección.

Artigo 4. *Tipos de accións e duración dos programas.*

1. A medida mencionada no artigo 45 do Regulamento (UE) n.º 1308/2013 do Parlamento Europeo e do Consello, do 17 de decembro, poderá incluír calquera das accións e actividades relacionadas no anexo I.

2. As ditas accións deberán levarse a cabo no marco dun programa, tal e como se define no artigo 2.h).

3. Os programas poderán ter unha duración máxima de tres anos para un determinado beneficiario nun terceiro país ou mercado dun terceiro país. Non obstante, se os efectos do programa o xustifican, poderase prorrogar unha vez por un máximo de dous anos, ou dúas veces por un máximo dun ano cada prórroga, logo de solicitude, de acordo co previsto no artigo 8.4.

Artigo 5. *Beneficiarios.*

1. Poderán presentar solicitudes para acollerse ao financiamento das medidas de promoción en terceiros países:

- a) Empresas vinícolas.
- b) Organizacións de produtores vitivinícolas e asociacións de organizacións de produtores vitivinícolas, definidas de acordo cos artigos 152 e 156 do Regulamento (UE) n.º 1308/2013 do Parlamento Europeo e do Consello, do 17 de decembro.
- c) Organizacións interprofesionais definidas e recoñecidas no ámbito nacional de acordo cos artigos 157 e 158 do Regulamento (UE) n.º 1308/2013 do Parlamento Europeo e do Consello, do 17 de decembro, e recoñecidas por España segundo o disposto na Lei 38/1994, do 30 de decembro, reguladora das organizacións interprofesionais agroalimentarias.
- d) Organizacións profesionais: entenderase como organizacións profesionais aquelas que exerzan a súa actividade maioritariamente no sector do viño, e que estean recoñecidas a nivel nacional de acordo coa normativa vixente, e que teñan entre os seus fins estatuarios a realización de actividades de promoción.
- e) Órganos de xestión e de representación das indicacións xeográficas protexidas e denominacións de orixe protexidas vínicas, así como as súas asociacións.
- f) Asociacións temporais ou permanentes de dous ou máis produtores que teñan entre os seus fins o desenvolvemento de iniciativas en materia de promoción e comercialización do viño.
- g) Organismos públicos con competencia legalmente establecida para desenvolver actuacións de promoción de produtos e mercados en terceiros países.

No caso das asociacións temporais ou permanentes de dous ou máis produtores designarase un representante da agrupación, o cal deberá ter poderes suficientes para poder cumprir as obrigacións que corresponden á citada agrupación como beneficiaria das axudas, tal e como establece o artigo 11.3 da Lei 38/2003, do 17 de novembro. Todos os membros da agrupación obterán a condición de beneficiarios e manteranse na agrupación desde o momento de presentación da solicitude ata o cesamento das obrigacións de control financeiro establecidas pola Lei 38/2003, do 17 de novembro.

2. Os beneficiarios deberán demostrar, en función do persoal de que dispoñen e, se for o caso, do tamaño da empresa e da súa experiencia profesional nos últimos anos, que teñen acceso á suficiente capacidade técnica para afrontar as exixencias de comercio cos terceiros países, e que contan cos recursos financeiros e de persoal suficientes para asegurar que a medida se aplica o máis eficazmente posible. Deberán, así mesmo, garantir a dispoñibilidade de produtos, en cantidade e calidade, para asegurar a resposta a longo prazo fronte ás demandas que se poidan xerar como efecto da promoción realizada unha vez concluída.

Artigo 6. *Produtos e países admisibles.*

1. Poderán ser obxecto das accións de información e promoción os produtos de calidade, destinados ao consumo directo, detallados no anexo II, que contén con posibilidades de exportación ou de novas saídas comerciais en terceiros países e que pertencen a algunha das seguintes categorías:

- a) Viños con denominación de orixe protexida.
- b) Viños con indicación xeográfica protexida.
- c) Viños en que se indique a variedade de uva de vinificación.

2. Considéranse elixibles para realizar accións de promoción todos os países terceiros e son prioritarios os recollidos no anexo III.

Artigo 7. *Características das accións e programas.*

1. As accións e programas estarán claramente definidos e especificarán o terceiro país ou países ou mercados do terceiro país ou países a que se dirixen, os tipos de viños que inclúen, as accións e actividades que se pretenden levar a cabo e os custos estimados de cada unha delas.

2. As accións distribuiranse en períodos de doce meses, que comezarán o 1 de xuño de cada ano.

3. As mensaxes basearanse nas calidades intrínsecas do produto e deberán axustarse á normativa aplicable nos terceiros países a que van destinadas.

4. No caso dos viños que contén con calidade diferenciada, deberase especificar a orixe do produto como parte das accións ou programas de información e promoción.

5. Sen prexuízo do disposto nos números 3 e 4, as referencias ás marcas, se for o caso, poderán formar parte da mensaxe.

6. O órgano colexiado previsto no artigo 10, para favorecer a coherencia e eficacia da medida, poderá establecer anualmente directrices sobre as campañas de información e de promoción, que se regularán polo disposto nesta sección.

Artigo 8. *Presentación de solicitudes.*

1. Os interesados que sexan persoas xurídicas e que reúnan as condicións previstas no artigo 5 presentarán, a través do Rexistro Electrónico Xeral, no modelo disposto pola comunidade autónoma ou o FEGA, as súas propostas de accións e programas e a documentación correspondente, a través de calquera dos rexistros e medios previstos no artigo 16 da Lei 39/2015, do 1 de outubro, do procedemento administrativo común das administracións públicas, antes do 15 de febreiro de cada ano.

Así mesmo, en aplicación do previsto no segundo parágrafo do número 5 do artigo 16 da Lei 39/2015, do 1 de outubro, os interesados persoas físicas que reúnan as condicións previstas no artigo 5 presentarán as súas propostas de accións e programas e a documentación correspondente na mesma forma prevista no parágrafo anterior.

No caso de que se trate dun grupo de empresas, como unha unión temporal de empresas, ou outro tipo de entidades, a solicitude, que será única para todo o grupo, será presentada pola empresa que teña unha maior porcentaxe de participación dentro do grupo, na comunidade autónoma en que radique o seu domicilio fiscal.

No caso das asociacións temporais ou permanentes de dous ou máis produtores, deberán presentar, ademais, os poderes do representante da agrupación para realizar as funcións que se lle encomenden, outorgados por todos os seus membros.

2. Os organismos públicos de ámbito nacional presentarán as súas solicitudes ante a Dirección Xeral da Industria Alimentaria do Ministerio de Agricultura e Pesca, Alimentación e Medio Ambiente, a través dos mesmos medios e nas condicións establecidas no número 1.

3. As accións e programas presentados deberán conter, polo menos, a información prevista no anexo IV, e:

- a) Cumprir o disposto nesta sección.
- b) Respetar a normativa da Unión Europea relativa aos produtos considerados e á súa comercialización.
- c) Reflexar co suficiente grao de detalle todos os requisitos necesarios como para que se poida avaliar a súa conformidade coa normativa aplicable e a súa relación calidade/prezo.
- d) Especificar os medios propios ou externos con que se contará para desenvolver as accións previstas.

4. En caso de solicitar prórroga dun programa, de acordo co artigo 4.3, ademais da documentación prevista nos números 1 e 3 do presente artigo, os interesados deberán presentar un informe de resultados dos dous primeiros anos de execución para a súa avaliación. O dito informe conterá, polo menos, información relativa aos efectos no mercado de destino do programa desenvolvido, ademais de detallar as razóns para solicitar a prórroga.

5. Xunto coa solicitude de axuda presentárase unha declaración responsable do solicitante de non ter solicitado nin recibido axudas incompatibles, de acordo co punto IV do anexo IV.

6. Os beneficiarios que teñan a intención de xuntar ás súas solicitudes de pagamento certificados dos estados financeiros conforme o artigo 15.7 deberán notificalo á autoridade competente no momento da presentación da súa solicitude de axuda. Os ditos estados financeiros poderán consistir nas contas anuais do beneficiario, en función das obrigacións contables correspondentes a este, segundo a súa personalidade física ou xurídica, ou noutro tipo de documentos.

Artigo 9. *Tramitación das solicitudes e avaliación dos programas.*

1. As comunidades autónomas examinarán as solicitudes en canto á súa conformidade con esta sección e, se for o caso, coas directrices elaboradas de acordo co previsto no artigo 7.6, requirirán aos solicitantes, se for necesario, a emenda da documentación que sexa precisa e avaliaranas de acordo coas seguintes etapas:

a) Fase de verificación da admisibilidade: comprobarase se as solicitudes cumpren os requisitos do artigo 10 do Regulamento delegado (UE) 2016/1149 da Comisión, do 15 de abril de 2016, polo que se completa o Regulamento (UE) n.º 1308/2013 do Parlamento Europeo e do Consello, no que se refire aos programas nacionais de apoio no sector vitivinícola e se modifica o Regulamento (CE) n.º 555/2008 da Comisión. Para isto, a documentación deberá estar o suficientemente detallada. As solicitudes que non cumpran estes requisitos non serán admisibles.

b) Fase de priorización, só aplicable aos programas que superasen a fase anterior. A puntuación adxudicárase de acordo cos criterios do anexo V «Criterios de priorización».

Serán excluídos os programas cuxa puntuación non alcance 25 puntos.

2. As comunidades autónomas remitirán ao Ministerio de Agricultura e Pesca, Alimentación e Medio Ambiente, no formato electrónico que se acorde, antes do 15 de abril, a lista provisional de accións e programas ordenada por puntos, de acordo co anexo VI. A puntuación final será a suma das puntuacións obtidas no número 1.b). O dito anexo será remitido en formato electrónico e estará asinado pola autoridade competente.

3. O Ministerio de Agricultura e Pesca, Alimentación e Medio Ambiente examinará e avaliará, de acordo co previsto nos números 1 e 2 do presente artigo, as solicitudes presentadas polos organismos públicos de ámbito nacional.

Artigo 10. *Comisión Nacional de Selección de Programas.*

1. No seo da Mesa de Promoción Alimentaria, aprobada na Conferencia Sectorial de Agricultura e Desenvolvemento Rural do 19 de febreiro de 2007 e integrada por representantes do Ministerio de Agricultura e Pesca, Alimentación e Medio Ambiente e das comunidades autónomas, constituirase unha Comisión Nacional de Selección de Programas, en diante a Comisión Nacional, que estará presidida polo director xeral da Industria Alimentaria e da cal formarán parte como vogais catro representantes do Ministerio de Agricultura e Pesca, Alimentación e Medio Ambiente designados polo secretario xeral de Agricultura e Alimentación e un representante por cada unha das comunidades autónomas que desexen integrarse.

Actuará como secretario, con voz e voto, un funcionario da Subdirección Xeral de Promoción Alimentaria, designado polo presidente.

A Comisión poderá aprobar as súas propias normas de funcionamento. En todo o non previsto nelas aplicarase o previsto na sección 3ª do capítulo II do título preliminar da Lei 40/2015, do 1 de outubro, de réxime xurídico do sector público.

2. A Comisión Nacional poderá, para cada exercicio Feaga e a partir das listas provisionais remitidas polas comunidades autónomas, propor á Conferencia Sectorial, segundo proceda:

a) Cando o gasto total previsto nas solicitudes preseleccionadas non exceda o límite orzamentario inicialmente asignado a esta medida, elaborárase unha lista definitiva de programas, que incluírá só aqueles cuxa puntuación sexa maior ou igual a 25 puntos e proporase para eles a axuda máxima prevista no artigo 13.2.

b) Cando o gasto previsto nas solicitudes seleccionadas implique unha axuda (segundo o máximo previsto no artigo 13.2) que exceda o límite orzamentario inicialmente asignado a esta medida, para aqueles programas cuxa puntuación sexa maior ou igual a 25 puntos, optarase por unha das seguintes opcións:

1.º Conceder a axuda máxima prevista no artigo 13.2, por orde de puntuación, ata esgotar a ficha financeira.

2.º Diminuír a axuda máxima prevista no artigo 13.2 ata nun máximo do 15 puntos porcentuais, ata esgotar o orzamento da ficha financeira.

3. En caso de empate, segundo as puntuacións obtidas de acordo co anexo V, serán prioritarios, en primeiro lugar, os programas con maior puntuación no número 1.a). En caso de continuar o empate, en segundo lugar, os de maior puntuación no número 2.a) e, en terceiro lugar, os que teñan máis puntos no número 2.c).

4. No caso de que exista suficiente dispoñibilidade financeira e sempre que os seus programas obtivesen unha puntuación maior ou igual a 25 puntos, os organismos públicos e as empresas vinícolas que sexan exclusivamente comercializadoras poderán ser incluídos na lista definitiva de programas.

No caso de que se optase por aplicar un rateo da axuda, estes programas poderán ser incluídos na lista definitiva aplicándolles o rateo menor.

Artigo 11. *Resolución.*

1. Unha vez alcanzado o acordo de Conferencia Sectorial de Agricultura e Desenvolvemento Rural sobre a lista definitiva das accións e programas seleccionados coa distribución de fondos e as condicións establecidas para estes, as comunidades autónomas ou o Fondo Español de Garantía Agraria, se for o caso, resolverán as solicitudes e notificaranas aos beneficiarios. O prazo máximo para a resolución e notificación do procedemento será de seis meses contados a partir do día seguinte ao da finalización do prazo de presentación das solicitudes.

Transcorrido o prazo de seis meses sen notificar aos interesados resolución ningunha, estes poderán entender desestimada a súa solicitude, de acordo co disposto no artigo 25.5 da Lei 38/2003, do 17 de novembro, xeral de subvencións.

Contra a resolución da comunidade autónoma poderase interpor o correspondente recurso en vía administrativa ou contencioso-administrativa, en función de que non esgote ou esgote a vía administrativa. Se a resolución corresponde ao FEGA, contra ela poderase interpor recurso de alzada ante o ministro de Agricultura e Pesca, Alimentación e Medio Ambiente.

Cando o solicitante sexa unha asociación temporal ou permanente de dous ou máis produtores, a resolución deberá diferenciar, se for o caso, o importe de subvención que se aplicará por cada un deles de acordo co artigo 11.3 da Lei 38/2003, do 17 de novembro.

2. Para o caso previsto no número 2.b) do artigo anterior, as resolucións poderán facer referencia á aplicación dun rateo e, en tal caso, cando haxa desistencias ou modificacións autorizadas de acordo co artigo 12, as comunidades autónomas poderán realizar resolucións complementarias de acordo co previsto no número 4 do presente artigo.

No caso de resolución positiva, os beneficiarios comunicarán ao órgano competente da comunidade autónoma, ou ao Fondo Español de Garantía Agraria no caso previsto no número 3 do artigo 9, no prazo máximo de dous meses, a aceptación da resolución nos termos establecidos, así como a xustificación da constitución dunha garantía, de acordo coas condicións previstas no Regulamento delegado (UE) n.º 907/2014 da Comisión, do 11 de marzo de 2014, que completa o Regulamento (UE) n.º 1306/2013 do Parlamento Europeo e do Consello, no relativo aos organismos pagadores e outros órganos, á xestión financeira, á liquidación de contas, ás garantías e ao uso do euro, por un importe non inferior ao 15 por cento do montante anual do financiamento da Unión Europea, co fin de asegurar a correcta execución do programa.

No caso de resolución complementaria, deberase ampliar a garantía inicial ata completar o importe exixido no parágrafo anterior. O beneficiario deberá comunicar ao órgano competente da comunidade autónoma ou ao FEGA, se for o caso, a aceptación desta resolución complementaria. A non presentación da ampliación da garantía entenderase como a non aceptación por parte do beneficiario, e o programa manterase tal e como foi aprobado inicialmente.

No caso de que o beneficiario, para o exercicio Feaga correspondente, teña varios programas aprobados, o organismo xestor da comunidade autónoma poderá admitir o depósito dunha garantía global que garanta o importe de todos eles, sempre e cando os ditos programas sexan xestionados nunha mesma comunidade autónoma.

No caso de que os beneficiarios sexan organismos públicos, estes estarán exentos de cumprir co requisito de ter que depositar a garantía de boa execución, tal e como establece o Regulamento (UE) n.º 1306/2013 do Parlamento Europeo e do Consello, do 17 de decembro de 2013.

3. A obrigaición, segundo o artigo 66.1 do Regulamento (UE) n.º 1306/2013 do Parlamento Europeo e do Consello, do 17 de decembro de 2013, será a execución de, polo menos, o 50 por cento do orzamento total do programa obxecto da última resolución favorable. Por debaixo deste executarase totalmente a garantía de boa execución, ademais de non pagar a parte executada independentemente da porcentaxe que sexa.

4. Como máis tarde o 1 de febreiro de cada ano, as comunidades autónomas en que se producen desistencias dos beneficiarios cuxa solicitude fose obxecto de resolución estimatoria e modificacións autorizadas de acordo co artigo 12, enviarán a lista de programas revisada de acordo coas ditas desistencias e modificacións, para os efectos de coñecer os fondos que se liberen.

En caso de que se aplicase un rateo da axuda e existan fondos sobranceiros durante a execución dos programas, poderase propor á Comisión Nacional de Selección de Programas a repartición dos ditos fondos con ámbito nacional, co fin de mellorar a dotación financeira dos programas que non fosen obxecto de desistencia nin modificación, excepto se son debidas a pequenas modificacións. Os criterios de repartición destes fondos serán establecidos pola Conferencia Sectorial para cada exercicio Feaga en función das necesidades.

Artigo 12. Modificación das accións e programas.

1. Antes da presentación da solicitude de pagamento final, antes dos controis sobre o terreo previos ao pagamento final e, en todo caso, antes da finalización da execución do programa, os beneficiarios poderán presentar modificacións dos programas inicialmente seleccionados, sempre que non comprometan os obxectivos dos programas no seu conxunto, non se modifiquen á alza os orzamentos dos programas, non supoñan cambios na admisibilidade nin variacións da puntuación á baixa, estean debidamente xustificadas, se comuniquen dentro dos prazos fixados polas autoridades competentes e estean autorizadas por elas.

2. Non obstante, poderase permitir que se efectúen de forma automática, sen autorización previa do órgano xestor, pequenas modificacións dentro do importe da axuda autorizada na última resolución vixente, sempre e cando se cumpran os requisitos do parágrafo anterior.

3. Para os efectos previstos no número 2, entenderanse como pequenas modificacións, entre outras, os seguintes supostos:

a) As transferencias financeiras entre as accións dun programa xa aprobado ata un máximo do 20 por cento do importe autorizado na última resolución vixente para cada acción, sempre que non se supere o importe total da axuda autorizada para o programa.

b) As modificacións á baixa do orzamento do programa autorizado na última resolución vixente dentro do límite do 20 por cento sempre que sexan debidas exclusivamente a aforros orzamentarios e se executen todas as accións, que serán admisibles mesmo se as ditas modificacións supoñen unha diminución da puntuación do programa.

Tales circunstancias deberán estar debidamente acreditadas e serán comunicadas ao órgano xestor.

4. As comunidades autónomas comunicarán ao Ministerio de Agricultura e Pesca, Alimentación e Medio Ambiente, antes do 1 de febreiro de cada ano, as modificacións que se produciron e que afecten as anualidades en curso.

5. As modificacións que afecten anualidades non comezadas, no caso de programas plurianuais, deberán ser notificadas, antes do 15 de febreiro de cada ano, ao órgano competente da comunidade autónoma para a súa aprobación, quen, pola súa vez, as comunicará ao Ministerio de Agricultura e Pesca, Alimentación e Medio Ambiente antes do 15 de abril.

Artigo 13. Financiamento.

1. O financiamento da Unión Europea das accións recollidas no artigo 4.1 do presente real decreto realizarase de conformidade co artigo 4 do Regulamento (CE) n.º 1306/2013 do Parlamento Europeo e do Consello, do 17 de decembro de 2013.

2. A participación financeira da Unión nos programas seleccionados non poderá superar o 50 por cento dos gastos subvencionables. Nos programas de dous ou tres anos de duración, o dito límite máximo considérase para cada ano de execución.

3. Só se concederá a porcentaxe de axuda aprobada na última resolución vixente cando o grao de execución do orzamento do programa obxecto de resolución alcance, polo menos, o 70 por cento.

Se a execución do dito orzamento se encontra entre o 50 e o 70 por cento, aplicaranse os seguintes tramos de intensidade de axuda aos gastos subvencionables:

a) Un 40 por cento de intensidade de axuda se a execución é maior ou igual ao 65 por cento e menor do 70 por cento.

b) Un 30 por cento de intensidade de axuda se a execución é maior ou igual ao 60 e menor do 65 por cento.

c) Un 20 por cento de intensidade de axuda se a execución é maior ou igual ao 55 e menor do 60 por cento.

d) Un 10 por cento de intensidade de axuda se a execución é maior ou igual ao 50 e menor do 55 por cento.

Non se concederá axuda e executarase a garantía depositada se o grao de execución está por debaixo do 50 por cento.

4. A contía máxima de axuda solicitada por beneficiario non poderá superar o 5 por cento do orzamento total destinado á medida regulada nesta sección na ficha financeira do programa de apoio para o exercicio Feaga correspondente. A dita limitación só será aplicable aos beneficiarios recollidos na letra a) do artigo 5.

5. A achega económica dos beneficiarios poderá proceder de tarifas ou contribucións obrigatorias.

Artigo 14. *Anticipos.*

1. O beneficiario, se non é organismo público, poderá presentar ao organismo competente da comunidade autónoma unha solicitude de anticipo, que poderá chegar ao 80 por cento do importe da contribución da Unión Europea anual.

2. O pagamento dun anticipo supeditarase á constitución dunha garantía a favor do órgano competente da comunidade autónoma, por un importe igual ao 100 por cento do dito anticipo, de conformidade co Regulamento delegado (UE) n.º 907/2014 da Comisión, do 11 de marzo.

Artigo 15. *Pagamentos.*

1. Poderase solicitar un único pagamento ou pagamentos intermedios da contribución da Unión Europea anual. As solicitudes referiranse ás accións realizadas e pagadas.

2. Todos os pagamentos se deben realizar a través dunha conta bancaria única dedicada en exclusiva a este fin, salvo as excepcións que poida establecer o órgano competente da comunidade autónoma ou o FEGA no caso de organismos públicos de ámbito nacional.

3. As solicitudes de pagamentos intermedios deberán presentarse ante o órgano competente da comunidade autónoma, ou ante o FEGA no caso de organismos públicos de ámbito nacional, antes de que conclúa o mes seguinte a aquel en que finalice cada período de catro meses, a partir do 1 de xuño.

Os pagamentos intermedios e o pagamento do anticipo previsto no artigo 14 non poderán superar no seu conxunto o 80 por cento do total da contribución da Unión Europea.

4. Unha vez finalizadas as accións de cada anualidade, e antes do 1 de xullo, o beneficiario poderá solicitar o pagamento do saldo da axuda ante o órgano competente da súa comunidade autónoma ou ao Fondo Español de Garantía Agraria, se for o caso.

5. A comunidade autónoma ou o Fondo Español de Garantía Agraria, se for o caso, realizará os pagamentos nun prazo máximo de 75 días desde a recepción completa da solicitude de pagamento.

6. Para que se consideren admisibles, as solicitudes de pagamento irán acompañadas, polo menos:

a) Dun informe resumo das accións desagregadas en actividades co correspondente importe orzamentario e o custo final de cada unha delas, e unha avaliación dos resultados obtidos que se poden verificar na data do informe.

b) Das facturas e demais xustificantes de gasto dos pagamentos realizados. No caso de accións cuxa execución se subcontrate a provedores de servizo, deberase achegar factura do dito provedor e proba do pagamento efectivo.

c) Do cadro repertoriado das facturas.

d) Do extracto bancario da conta mencionada no número 2 do presente artigo, en que se poida comprobar a realización dos pagamentos xustificadas mediante as facturas citadas na letra b).

e) O beneficiario quedará exento de achegar a documentación indicada na letra b) cando se acolla á presentación do certificado dos estados financeiros, recollido no número 7 deste mesmo artigo.

7. No caso de programas cuxa subvención aprobada sexa igual ou superior a 300.000 euros, os beneficiarios poderán presentar un certificado dos estados financeiros xunto coa solicitude de pagamento, que deberá cubrir un importe correspondente a unha contribución da Unión dun importe igual ou superior a 150.000 euros. As comunidades autónomas, e o FEGA para o caso dos organismos públicos de ámbito nacional, poderán establecer limiares inferiores cando existan probas de que este método de control non aumenta o risco para os fondos da Unión.

Así mesmo, as comunidades autónomas e o FEGA poderán establecer a obrigatoriedade para o beneficiario de presentar este certificado xunto coa solicitude de pagamento.

O certificado será emitido por un auditor externo inscrito no Rexistro Oficial de Auditores de Contas do Instituto de Contabilidade e Auditoría de Contas, que preste a garantía financeira a que se refire o artigo 27 da Lei 22/2015, do 20 de xullo, de auditoría de contas, e deberá ofrecer probas adecuadas da subvencionabilidade e autenticidade dos gastos propostos, conforme os seguintes criterios:

a) Trátase de gastos realmente contraídos polo beneficiario ou pola entidade organizadora a que o beneficiario confiase a aplicación do programa de información ou promoción ou de partes del.

b) Corresponden aos gastos considerados subvencionables pola autoridade competente no orzamento do programa aprobado e son necesarios para a execución do programa, nos termos aprobados pola autoridade competente.

c) Son identificables e verificables: están consignados, por exemplo, na contabilidade do beneficiario ou da entidade que execute as accións de promoción e determináronse consonte as normas de contabilidade, aplicables ao beneficiario ou á entidade que execute as accións de promoción.

d) Axústanse ás exixencias da lexislación fiscal e social aplicable.

e) Son razoables e xustificadas e cumpren o principio de boa xestión financeira, en especial no referente á economía e á eficiencia.

8. Así mesmo, de cara á xustificación técnica das accións, poderase solicitar ao beneficiario que achegue os medios de proba que acrediten a realización das accións promocionais.

9. Con carácter xeral, os tributos só se poderán considerar gastos subvencionables, sempre que o beneficiario os aboe efectivamente. En ningún caso se considerarán gastos subvencionables os impostos indirectos cando sexan susceptibles de recuperación ou compensación. Queda, por tanto, excluído o financiamento do imposto sobre o valor engadido (IVE), así como o imposto xeral indirecto canario (IXIC), na medida en que sexan deducibles.

10. Só se poderá estimar favorablemente unha solicitude de pagamento cando quede acreditada a situación do beneficiario respecto ás súas obrigacións tributarias e fronte á Seguridade Social, así como polo reintegro de subvencións.

11. No caso de que o beneficiario sexa unha agrupación, non se poderá realizar o pagamento da subvención mentres que algún dos membros da agrupación non estea ao día das obrigacións establecidas no punto anterior.

Artigo 16. *Gastos subvencionables.*

1. Con carácter xeral, consideraranse gastos subvencionables aqueles que respondan inequivocamente á natureza da actividade subvencionada.

2. Serán subvencionables tamén:

a) Gastos administrativos do beneficiario, sempre e cando os ditos gastos se consignent nunha partida específica do orzamento recapitulativo do programa. Estes gastos incluírán, se for o caso, os correspondentes ao certificado dos estados financeiros.

b) Custos de persoal, se se producen con motivo da preparación, execución ou seguimento desa operación subvencionada concreta, incluída a avaliación. Os ditos custos

de persoal inclúen os custos do persoal contratado polo beneficiario especificamente con motivo da operación e os custos correspondentes á proporción das horas de traballo investidas na operación por parte de persoal permanente do beneficiario.

As condicións para a subvencionabilidade destes e outros gastos son as establecidas no anexo VII deste real decreto.

3. O gasto será subvencionable sempre que:

a) se levase a cabo a actividade promocional subvencionada que orixina o gasto dentro da anualidade do programa, é dicir, entre o 1 de xuño e o 31 de maio, e

b) o gasto fose efectivamente pagado polo beneficiario con anterioridade á finalización do prazo de xustificación, é dicir, antes do 1 de xullo

4. Non se poderán considerar subvencionables os custos referidos no anexo VIII deste real decreto.

Artigo 17. *Liberación de garantías.*

1. A garantía recollida no artigo 14 liberarase cando a comunidade autónoma recoñecese o dereito definitivo a percibir o importe anticipado.

2. A garantía recollida no artigo 11 deberá ter validez ata o momento do pagamento do saldo e liberarase cando a autoridade competente da comunidade autónoma acorde a súa cancelación.

Artigo 18. *Controis.*

Os órganos competentes da comunidade autónoma e o Fondo Español de Garantía Agraria, se for o caso, realizarán todos os controis antes de aboar o pagamento final dun programa.

Como máis tarde o 15 de xaneiro de cada ano, as comunidades autónomas comunicarán ao FEGA un informe anual sobre os controis efectuados durante o exercicio financeiro anterior para dar cumprimento aos requisitos establecidos no capítulo III do Regulamento de execución (UE) 2016/1150 da Comisión, do 15 de abril de 2016, polo que se establecen disposicións de aplicación do Regulamento (UE) n.º 1308/2013 do Parlamento Europeo e do Consello, no que se refire aos programas nacionais de apoio no sector vitivinícola, con respecto á medida de promoción de viño en terceiros países do programa de apoio. O dito informe anual comunicarase utilizando o modelo que figura no anexo IX.

No caso de levarse a cabo controis posteriores ao pagamento no ámbito de auditorías da Intervención Xeral da Administración do Estado (IXAE) ou outros organismos nacionais ou internacionais, o resultado dos ditos controis, en calquera caso, non afectará o grao de cumprimento do programa.

Artigo 19. *Controis administrativos.*

1. Efectuaranse controis administrativos de todas as solicitudes de axuda e de pagamento.

2. En caso de que o beneficiario presente o certificado dos estados financeiros poderanse realizar controis administrativos do dito certificado. Non obstante, en caso de que a comprobación administrativa do certificado dos citados estados financeiros non ofrezca probas adecuadas da subvencionabilidade e realidade dos custos, ou do cumprimento dos criterios enumerados no artigo 15.7, solicitarase a información adicional que se considere necesaria e levaranse a cabo outros controis, se for preciso.

Artigo 20. *Controis sobre o terreo.*

Os órganos competentes da comunidade autónoma e o Fondo Español de Garantía Agraria, se for o caso, realizarán un plan de control anual que incluírá unha mostra, como

mínimo, do 5 por cento das solicitudes seleccionadas conforme o establecido no artigo 21, así como, polo menos, do 5 por cento dos importes polos cales se solicite axuda.

Adicionalmente, os programas para os cales os beneficiarios comunicasen a súa intención de presentar un certificado dos estados financeiros, de conformidade co artigo 15.7, deberán ser sistematicamente obxecto de controis sobre o terreo, polo menos, unha vez antes do pagamento final.

Os controis sobre o terreo terán por obxecto a verificación da realidade e subvencionabilidade dos gastos e consistirán no cotexo das facturas e xustificantes presentados cos rexistros contables e, se for o caso, doutros documentos xustificativos.

Na contabilidade xeral do beneficiario comprobarase que non se perciben axudas recollidas no artigo 16.2 do Regulamento (UE) n.º 1305/2013 do Parlamento Europeo e do Consello, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader) e polo que se derroga o Regulamento (CE) n.º 1698/2005 do Consello, ou do Regulamento (UE) n.º 1144/2014 do Parlamento Europeo e do Consello, sobre accións de información e de promoción relativas a produtos agrícolas no mercado interior e en terceiros países, e polo que se derroga o Regulamento (CE) n.º 3/2008 do Consello.

Poderanse realizar controis sobre o terreo dos programas de información e promoción nas dependencias do beneficiario ou da entidade que executa as accións de promoción a que o beneficiario confiase a aplicación do programa de información ou promoción ou de partes dela.

Durante estes controis sobre o terreo, os inspectores poderán comprobar unha mostra equivalente, como mínimo, ao 30 por cento do importe da axuda solicitada e, como mínimo, ao 5 por cento do total das facturas ou doutros xustificantes presentados ou cubertos polo certificado dos estados financeiros, achegados ata o momento en que se efectúa o control sobre o terreo.

Artigo 21. *Selección da mostra de control.*

1. A mostra do plan de control reflectido no artigo 20 será seleccionada cada ano pola autoridade competente sobre a base dunha análise de riscos e da representatividade das solicitudes de axuda presentadas.

A eficacia da análise de riscos avaliarase e actualizarase anualmente de acordo co disposto no artigo 34.1 do Regulamento de execución (UE) 2016/1150 da Comisión, do 15 de abril de 2016.

2. A representatividade das solicitudes antes referidas garantirase seleccionando de forma aleatoria entre un 20 por cento e un 25 por cento do número mínimo de solicitudes que deban ser sometidas a controis sobre o terreo.

3. A autoridade competente levará rexistros dos motivos que conducisen á selección dun beneficiario determinado para os controis sobre o terreo. O inspector que realice o control sobre o terreo será informado deses motivos antes de iniciar o control.

Artigo 22. *Comprobación do material.*

Os beneficiarios da axuda deberán asegurarse da conformidade do material de información e promoción elaborado no marco dos programas tanto coa normativa da Unión Europea como coa lexislación do terceiro país en que se desenvolva o programa. Para isto, o beneficiario presentará ante a comunidade autónoma competente ou o Fondo Español de Garantía Agraria, se for o caso, unha declaración responsable onde indique a conformidade do dito material e o cumprimento da normativa de aplicación correspondente, así como evidencias da proba de chegada a destino do material promocional utilizado por parte do destinatario no terceiro país, sempre e cando sexa susceptible de ser utilizado noutro mercado distinto ao do país de destino.

Artigo 23. *Comité de avaliación e seguimento da medida.*

1. No marco da Mesa de Promoción Alimentaria, aprobada na Conferencia Sectorial de Agricultura e Desenvolvemento Rural do 19 de febreiro de 2007, constituirase un comité de avaliación e seguimento da medida de promoción, en diante o Comité, en que se integrarán catro representantes do Ministerio de Agricultura e Pesca, Alimentación e Medio Ambiente, designados polo secretario xeral de Agricultura e Alimentación, un representante por cada unha das comunidades autónomas que desexe integrarse, un representante do ICEX España Exportación e Inversións, designado polo presidente do organismo, un representante da Federación Española do Viño, un de cooperativas agroalimentarias e un representante de cada unha das OPA representativas.

2. O Comité estará presidido polo director xeral da Industria Alimentaria e actuará como secretario un funcionario da Subdirección Xeral de Promoción Alimentaria, designado polo presidente, que actuará con voz, pero sen voto. En caso de ausencia, vacante ou enfermidade, o presidente será suplido polo vicepresidente, que será un funcionario con nivel de subdirector xeral, designado polo secretario xeral de Agricultura e Alimentación.

O funcionamento do dito Comité será atendido cos medios persoais, técnicos e orzamentarios do órgano en que se encontra integrado.

3. As funcións do Comité serán:

- a) Elaborar a estratexia e as directrices previstas no artigo 7.
- b) Seguir a execución e avaliación das accións e programas.
- c) Propor accións e programas de interese xeral.
- d) Propor prioridades respecto a produtos e países destinatarios.

4. O Comité reunirse periodicamente en función das necesidades ou por petición dos seus membros. Para tal fin, será informado, en relación con cada un dos programas, do calendario das accións previstas, dos informes das actividades realizadas e dos resultados dos controis practicados.

5. O Comité axustarase no seu funcionamento ao previsto na sección 3.^a do capítulo II do título preliminar da Lei 40/2015, do 1 de outubro, de réxime xurídico do sector público.

Artigo 24. *Informes.*

1. As comunidades autónomas elaborarán un informe anual do resultado dos programas e controis efectuados, que se presentará antes do 1 de novembro de cada ano ao Comité de avaliación e seguimento da medida previsto no artigo 23.

2. O Ministerio de Agricultura e Pesca, Alimentación e Medio Ambiente realizará anualmente un informe xeral dos programas acompañado, se for o caso, de propostas de modificación da medida.

Sección 2.^a Reestruturación e reconversión de viñas**Artigo 25. *Ámbito de aplicación.***

A axuda á reestruturación e reconversión de viñas recollida no artigo 46 do Regulamento (UE) n.º 1308/2013 do Parlamento Europeo e do Consello, do 17 de decembro de 2013, será de aplicación ás viñas que se destinen á produción de uva para vinificación.

Artigo 26. *Beneficiarios.*

1. Poderanse acoller á axuda á reestruturación e reconversión de viñas, no marco do Programa nacional de apoio ao sector vitivinícola 2019-2023, os viticultores e futuros viticultores cuxas viñas se destinen á produción de uva para vinificación.

2. Non poderán ser beneficiarios:
 - a) Aqueles viticultores que contraveñan a normativa vixente en materia de plantacións de viña, para calquera das superficies de viña da súa explotación.
 - b) Aqueles viticultores que solicitasen axuda, no marco do Programa de apoio 2019-2023, para realizar unha operación de reestruturación e reconversión de viña e unha vez aprobada esta, segundo o artigo 34.2, renuncien á súa execución ou non inicien a súa execución no exercicio financeiro indicado na solicitude aprobada ou modificada segundo o artigo 47, salvo causas de forza maior ou circunstancias excepcionais, segundo se recolle no segundo punto do artigo 2 do Regulamento (UE) n.º 1306/2013 do Parlamento Europeo e do Consello, do 17 de decembro de 2013, e nos casos excepcionais que estableza a correspondente comunidade autónoma na súa normativa.

Subsección 1.^a Reestruturación e reconversión de viñas

Artigo 27. *Actividades subvencionables.*

1. O apoio para reestruturación e reconversión de viñas só se poderá conceder para unha ou varias das actividades seguintes:
 - a) Reimplantación de viñas.
 - b) Reconversión varietal.
 - c) Mellora das técnicas de xestión de viñas.
2. Non se poderán acoller a este réxime de axudas:
 - a) A renovación normal das viñas que chegasen ao final do seu ciclo natural, entendida como a replantación dunha mesma parcela de terra coa mesma variedade de uva de vinificación e segundo o mesmo «método de cultivo».
 - b) As superficies que se beneficiasen desta axuda á reestruturación e reconversión de viñas nos últimos dez anos, salvo para o cambio de vaso a espaller ou a outro sistema de condución. O período contabilizarase a partir da data en que o beneficiario solicitou o pagamento definitivo da axuda para esa superficie ou a liquidación do saldo en caso de ter solicitado anticipo.
 - c) Os custos das accións recollidas no artigo 14 do Regulamento delegado (UE) 2016/1149 da Comisión, do 15 de abril de 2016.
 - d) As superficies plantadas cunha autorización de nova plantación concedida en virtude do artigo 63 e 64 do Regulamento (UE) n.º 1308/2013 do Parlamento Europeo e do Consello, do 17 de decembro.
 - e) As superficies plantadas cunha autorización de plantación concedida en virtude do artigo 68 do Regulamento (UE) n.º 1308/2013 do Parlamento Europeo e do Consello, do 17 de decembro, que foi orixinada por dereitos adquiridos doutra explotación ou concedidos a partir dunha reserva ou novos dereitos de plantación.

Artigo 28. *Solicitudes de axuda á reestruturación e reconversión de viñas.*

1. O réxime de reestruturación e reconversión de viñas levarase a efecto a través de solicitudes para a reestruturación e reconversión de viñas, que conterán as correspondentes operacións que se realizarán, así como o detalle das accións de cada unha delas. As solicitudes poderán conter operacións anuais e/ou bianuais, sen que en ningún caso se estendan máis aló do exercicio financeiro 2023.
2. As solicitudes poderanse presentar de forma individual ou colectiva. No caso de que se presenten de forma colectiva, isto deberase realizar a través dun interlocutor único coa Administración correspondente.
3. Para a presentación das solicitudes de forma colectiva requirirase un mínimo de 10 solicitantes individuais. As comunidades autónomas poderán reducir o número mínimo de solicitantes ata 5 cando, polas súas especiais características, non se poida alcanzar o número citado.

Artigo 29. *Presentación de solicitudes de reestruturación e reconversión de viñas.*

1. Os solicitantes que sexan persoas xurídicas e queiran acollerse á axuda de reestruturación e reconversión de viñas obxecto de financiamento da Unión Europea deberán presentar, a través do Rexistro Xeral Electrónico, no modelo disposto pola comunidade autónoma, a correspondente solicitude ante o órgano competente da comunidade autónoma en que estean situadas as superficies que se pretenden reestruturar ou reconverter, a través de calquera dos rexistros e medios previstos no artigo 16 da Lei 39/2015, do 1 de outubro, antes da data que determinará o citado órgano competente.

Así mesmo, e en aplicación do previsto no segundo parágrafo do número 5 do artigo 16 da Lei 39/2015, do 1 de outubro, os solicitantes persoas físicas presentarán as súas solicitudes na mesma forma prevista no parágrafo anterior.

2. Os solicitantes deberán achegar a seguinte información mínima:

a) Identificación do solicitante.
b) Obxectivos perseguidos por cada operación da solicitude.
c) Calendario de execución das operacións incluídas na solicitude, no cal se indicará o exercicio financeiro en que se prevé que se solicitará o pagamento de cada unha das operacións incluídas na solicitude.

d) Descrición detallada das accións propostas e custos subvencionables e, en caso de que se pretenda solicitar anticipo para algunha operación, indicación da contía do anticipo e do exercicio financeiro en que se vai solicitar o pagamento do dito anticipo.

e) Superficie afectada por cada operación, así como localización e características das parcelas, iniciais e reestruturadas (variedades, sistemas de formación, marco de plantación, etc.), con achega da identificación dos recintos Sixpac das parcelas que integran a solicitude.

f) Naqueles casos en que o viticultor non sexa o propietario da parcela que se quere reestruturar ou reconverter, necesitarase unha autorización do propietario.

g) En caso que a arrinca se realice con anterioridade á presentación da solicitude de axuda:

1.º Resolucións de arrinca e/ou autorizacións de plantación concedidas en virtude do artigo 66 do Regulamento (UE) n.º1308/2013 do Parlamento Europeo e do Consello, do 17 de decembro, que se utilizarán.

2.º Dereitos de replantación que se van converter en autorizacións de plantación e/ou autorizacións de plantación concedidas en virtude do artigo 68 do Regulamento (UE) n.º 1308/2013 do Parlamento Europeo e do Consello, do 17 de decembro, orixinados polo arrinca de viña na explotación do mesmo viticultor, que se utilizarán.

Artigo 30. *Requisitos das solicitudes.*

1. A superficie total reestruturada ou reconvertida no marco dunha solicitude de reestruturación e reconversión de viñas deberá ser de, polo menos, 0,5 hectáreas.

Non obstante o disposto no parágrafo anterior, as comunidades autónomas poderán establecer límites superiores ou inferiores sempre e cando, neste último suposto, o tamaño medio das parcelas de viña desa comunidade sexa inferior a 0,2 hectáreas. Así mesmo, as comunidades autónomas poderán establecer un límite inferior só para determinadas rexións vitícolas diferenciadas dentro da súa comunidade autónoma, sempre que dispoñan de datos obxectivos que xustifiquen a dita redución para esa rexión en particular.

2. A parcela de viña, unha vez reestruturada, terá que ser, polo menos, de 0,5 hectáreas. Non obstante, o dito límite poderá ser inferior se o número de parcelas, tras a realización da operación de reestruturación e reconversión, é inferior ao 80 por cento do número de parcelas iniciais, ou se o tamaño medio das parcelas de viña para unha comunidade autónoma é inferior a 0,1 hectáreas. Tamén poderá ser inferior a 0,5 hectáreas se é lindeira con outra parcela do mesmo titular ou viticultor. Así mesmo, as comunidades autónomas poderán establecer un límite inferior só para determinadas rexións vitícolas

diferenciadas dentro da súa comunidade autónoma, sempre que dispoñan de datos obxectivos que xustifiquen a dita redución para esa rexión en particular.

Nos casos en que a operación se limite a accións de sobreexertía ou de cambio de vaso a espallar ou a outro sistema de condución, a superficie mínima será a inicial.

3. A superficie máxima obxecto de resolución aprobatoria será de 25 hectáreas por viticultor e ano. Non obstante, as comunidades autónomas poderán reducir a superficie máxima que se pode reestruturar ou reconverter por viticultor e ano.

4. Será obrigatoria en todas as plantacións, salvo as localizadas na Comunidade Autónoma de Canarias, a utilización de portaenxertos certificados. Para percibir a axuda é necesaria a presentación da factura do viveirista ou comerciante autorizado, e o xustificante de pagamento.

Artigo 31. *Criterios de admisibilidade.*

1. De acordo co número 1 do artigo 23 do Regulamento de execución (UE) 2016/1150 da Comisión, do 15 de abril de 2016, as comunidades autónomas examinarán as solicitudes baseándose nos criterios de admisibilidade establecidos no artigo 13 do Regulamento delegado (UE) 2016/1149 da Comisión, e non se poderán incluír criterios de admisibilidade adicionais.

2. Así mesmo, requirirán ao solicitante, se for o caso, a presentación da documentación ou información que debe emendar, ou da adicional pertinente.

3. Ás solicitudes que non cumpran os requisitos de admisibilidade do número 1 aplicaráselles o número 6 do artigo 23 do Regulamento de execución (UE) 2016/1150 da Comisión, do 15 de abril de 2016.

Artigo 32. *Criterios de prioridade.*

1. Na aprobación de solicitudes de operacións de reestruturación e reconversión de viñas, darase prioridade en todo o territorio nacional:

a) Aos solicitantes que no ano de presentación da solicitude non fagan máis de 40 anos.

b) Ás solicitudes presentadas de forma colectiva a través dun interlocutor coa Administración.

c) Ás explotacións agrarias de titularidade compartida, previstas na Lei 35/2011, do 4 de outubro, sobre titularidade compartida das explotacións agrarias.

2. Así mesmo, as comunidades autónomas poderán establecer criterios de prioridade adicionais aos establecidos a nivel nacional, sempre que estean baseados na estratexia da medida ou nos obxectivos estratéxicos fixados por cada comunidade, e que sexan obxectivos e non discriminatorios.

3. Estes criterios de prioridade adicionais deberán ser comunicados á Dirección Xeral de Producións e Mercados Agrarios do Ministerio de Agricultura e Pesca, Alimentación e Medio Ambiente antes do 1 de maio do exercicio financeiro anterior ao anterior ao da súa aplicación, xunto coa estratexia e obxectivos estratéxicos que o xustifiquen, máis a ponderación que aplique cada comunidade a cada criterio de prioridade, nacional ou autonómico, para a súa inclusión no Programa de apoio no marco das modificacións que se permiten facer segundo o artigo 2 e de acordo co artigo 3 do Regulamento de execución (UE) 2016/1150 da Comisión, do 15 de abril de 2016.

4. Só se poderán aplicar os criterios de prioridade e ponderacións comunicados ao ministerio e incluídos no Programa de apoio e comunicados á Comisión Europea, conforme o número 3.

Artigo 33. *Asignación de fondos.*

1. As comunidades autónomas remitirán á Dirección Xeral de Producións e Mercados Agrarios do Ministerio de Agricultura e Pesca, Alimentación e Medio Ambiente, antes do 1

de maio de cada ano, as necesidades de financiamento para o exercicio financeiro seguinte, de acordo co anexo X.

As ditas necesidades estarán baseadas no importe total das operacións de novas solicitudes admisibles que se financiarán no exercicio Feaga seguinte, e na estimación dos pagamentos pendentes do exercicio Feaga en curso ou exercicios Feaga anteriores, que terán que efectuarse no exercicio Feaga seguinte.

2. Unha vez coñecidas as dispoñibilidades financeiras para a reestruturación e reconversión de viñas de cada exercicio Feaga, a Conferencia Sectorial de Agricultura e Desenvolvemento Rural, tendo en conta a información remitida polas comunidades autónomas prevista no número anterior, acordará a asignación de fondos para cada comunidade autónoma. A dita asignación realizarase tendo en conta, en todo caso, a superficie de viña e a necesidade de reestruturar determinadas viñas como consecuencia da non adecuación das súas producións ao mercado, sen prexuízo da reasignación posterior de fondos, que se realizará, se for o caso, segundo o disposto no artigo 35.

3. A asignación de fondos que reciba cada comunidade autónoma para o exercicio Feaga seguinte deberá ser distribuída da seguinte forma:

a) En primeiro lugar, a comunidade autónoma deberá tomar dos seus fondos os necesarios para atender os pagamentos pendentes do exercicio Feaga en curso ou exercicios Feaga anteriores que teñan que efectuar no exercicio Feaga seguinte.

b) Os seus fondos restantes constituirán o orzamento dispoñible para que esa comunidade autónoma aprobe as operacións de novas solicitudes, que se financiarán no exercicio Feaga posterior, conforme o artigo seguinte.

Artigo 34. *Procedemento de selección.*

1. As comunidades autónomas, despois de examinarens as solicitudes presentadas e avaliaren a súa admisibilidade segundo o artigo 31, elaborarán unha lista de operacións admisibles ordenada con base na puntuación obtida ao aplicar a ponderación dos criterios de prioridade do artigo 8, conforme o número 2 do artigo 23 do Regulamento de execución (UE) 2016/1150 da Comisión, do 15 de abril de 2016.

2. Cando o importe total das operacións de novas solicitudes que se financien no exercicio Feaga seguinte supere o orzamento dispoñible para as operacións de novas solicitudes do artigo 33.3.b), as comunidades autónomas, segundo establece o punto 3 do artigo 23 do Regulamento de execución 2016/1150, aprobarán definitivamente as operacións de novas solicitudes admisibles presentadas en orde decrecente da clasificación obtida ao aplicar a ponderación dos criterios de prioridade ata esgotar o orzamento dispoñible.

3. Como alternativa, segundo establece o segundo parágrafo do punto 3 do artigo 23 do Regulamento de execución 2016/1150, as comunidades autónomas poderán fixar un limiar cunha puntuación mínima e aprobar todas as operacións de novas solicitudes admisibles que alcancen a puntuación do limiar. Neste caso, se o importe total das operacións de novas solicitudes que se vaian financiar no exercicio Feaga seguinte supera o orzamento dispoñible para elas, as comunidades poderán aplicar pagamentos rateados ás operacións de novas solicitudes admisibles aprobadas definitivamente ata axustarse ao orzamento dispoñible do artigo 33.3.b).

4. En calquera caso, na aprobación definitiva de operacións bianuais de novas solicitudes, as comunidades autónomas non poderán comprometer, para o exercicio Feaga en que se indicase na letra c) do artigo 29.2 que se prevé solicitar o pagamento para as ditas operacións, un orzamento que supoña máis do 50% da asignación recibida para o exercicio Feaga, seguinte segundo o artigo 33.

5. As comunidades autónomas resolverán sobre as operacións presentadas, no prazo máximo de seis meses desde a finalización do prazo de presentación de solicitudes. Transcorrido o prazo de seis meses sen notificar aos interesados resolución ningunha, estes poderán entender desestimada a súa solicitude, sen prexuízo de que se dite resolución expresa que, en caso de ser desestimatoria, conterà os motivos desta.

Contra a resolución da comunidade autónoma poderá interporse o correspondente recurso en vía administrativa ou contencioso-administrativa, en función de que non esgote ou esgote a vía administrativa.

6. Cando existan operacións excluídas resultantes do establecido no número anterior, segundo o número 6 do artigo 23 do Regulamento de execución (UE) 2016/1150 da Comisión, do 15 de abril de 2016, os solicitantes deberán ser informados dos motivos da exclusión. Non obstante, as comunidades autónomas poderán aplicar o disposto no artigo 5 do artigo 23 do Regulamento de execución (UE) 2016/1150 da Comisión.

7. Unha vez finalizada a aprobación definitiva de operacións admisibles ata esgotar o orzamento dispoñible en virtude dos números 1, 2, 3 e 4 deste artigo, non se poderán aprobar máis operacións da lista mencionada no número 1.

Artigo 35. *Reasignación de fondos entre comunidades autónomas.*

1. Co fin de garantir a total execución do orzamento dispoñible do Programa nacional de apoio, como máis tarde o 30 de xuño de cada ano, as comunidades autónomas enviarán, mediante escrito asinado polo director xeral competente, á Dirección Xeral de Producións e Mercados Agrarios do Ministerio de Agricultura e Pesca, Alimentación e Medio Ambiente, os fondos que prevexan gastar ata o 15 de outubro do exercicio financeiro en curso, de acordo co anexo XI. Así mesmo, a Dirección Xeral de Producións e Mercados Agrarios do Ministerio de Agricultura e Pesca, Alimentación e Medio Ambiente solicitará ao FEGA os pagamentos realizados polo organismo pagador no exercicio financeiro en curso, referidos ao venres da semana inmediatamente anterior á data do 30 de xuño.

2. Cando unha comunidade autónoma comunique, conforme o número anterior, que prevé gastar uns fondos inferiores á asignación recibida segundo o artigo 33.2, os fondos que considere que non vai utilizar distribuiranse entre as comunidades autónomas que comunicasen, segundo o número 1, que prevén gastar unha cantidade de fondos superior á súa asignación, en función dos criterios acordados segundo o artigo 33.2.

Artigo 36. *Prazo de finalización e pagamento das operacións.*

A presentación da solicitude de pagamento referida no artigo 39 por parte dun beneficiario deberase realizar non máis tarde do 31 de xullo de 2023. O pagamento aos beneficiarios realizarase o antes posible no exercicio Feaga en que finalizou a operación ou, como máis tarde, nun prazo máximo de doce meses desde a data da presentación da solicitude de pagamento válida e completa, sen que en ningún caso o pagamento da operación se estenda máis aló do exercicio financeiro 2023.

Artigo 37. *Cálculo da axuda.*

1. Poderanse conceder axudas para:

- a) Compensar os viticultores participantes no plan pola perda de ingresos derivada da súa aplicación.
- b) Participar nos custos da reestruturación e reconversión de viñas.

2. A compensación aos viticultores por perdas de ingresos concederase durante un máximo de dúas campañas. A compensación será do 25 por cento do valor medio da uva das tres últimas campañas no ámbito territorial onde se localicen as parcelas obxecto de reestruturación ou reconversión, que a comunidade autónoma deberá definir. As comunidades autónomas poderán establecer que esta compensación adopte a forma de coexistencia de vides vellas e novas durante dúas campañas.

Non obstante o disposto no parágrafo anterior, non terán dereito de compensación por perda de ingresos aquelas superficies reestruturadas coa achega dunha autorización de plantación concedida en virtude dos artigos 66 e 68 do Regulamento (UE) n.º 1308/2013 do Parlamento Europeo e do Consello, do 17 de decembro, e xerada por unha arrinca efectuada con anterioridade á presentación da solicitude de axuda.

Cando a operación que se leve a cabo sobre unha parcela de viña sexa a sobreexertía, ou a transformación de vaso a espaller ou a outro sistema de condución, concederáse a compensación por perda de ingresos para esa superficie durante unha campaña.

3. A participación nos custos da reestruturación e reconversión da viña unicamente poderá efectuarse para as accións recollidas na segunda columna do anexo XII e non se poderán financiar accións de forma illada, a excepción da sobreexertía, ou do cambio de vaso a espaller ou a outro sistema de condución. Tampouco serán subvencionables as accións con material de segunda man.

4. A participación nos custos da reestruturación e reconversión da viña será o resultado de aplicar a porcentaxe fixada no artigo 46.6 do Regulamento (UE) n.º 1308/2013 do Parlamento Europeo e do Consello, do 17 de decembro de 2013:

a) Ao caso de que se aplique o pagamento mediante a forma recollida no número 5.a) deste artigo: os importes máximos establecidos para cada unha das accións recollidas na segunda columna do anexo XII, ou ben ao gasto efectivamente realizado e acreditado, realizado mediante factura e xustificante de pagamento, en caso de que sexa inferior que o importe máximo correspondente.

b) Ao caso de que se aplique o pagamento mediante a forma recollida no número 5.b) deste artigo: os valores dos baremos estándar de custos unitarios establecidos para cada unha das accións da segunda columna do anexo XII.

En calquera dos dous casos anteriores, as comunidades autónomas poderán dispor, para o seu ámbito territorial, a aplicación dunha porcentaxe inferior á fixada no artigo 46.6 do Regulamento (UE) n.º 1308/2013 do Parlamento Europeo e do Consello, do 17 de decembro de 2013, e non aplicar a subvención dalgunha das accións recollidas na segunda columna do anexo XII.

5. O pagamento da axuda por estas accións subvencionables poderase realizar das seguintes formas, conforme o establecido no artigo 44.1 do Regulamento delegado (UE) 2016/1149 da Comisión:

a) Con base en xustificantes presentados polos beneficiarios e no establecemento de importes máximos subvencionables por accións, de maneira que a axuda concedida se baseará no menor dos dous importes, o presentado polos beneficiarios ou o importe máximo subvencionable. Para o establecemento dos importes máximos cumprírase o establecido nos dous últimos parágrafos do artigo 44.1 do Regulamento delegado (UE) 2016/1149 da Comisión.

b) Con base en baremos estándar de custos unitarios. Para o cálculo e establecemento dos valores dos baremos estándar de custos unitarios terase en conta o establecido no artigo 24 do Regulamento de execución (UE) 2016/1150. O dito cálculo incluírá os valores das contribucións en especie.

6. As comunidades autónomas comunicarán á Dirección Xeral de Producións e Mercados Agrarios do Ministerio de Agricultura e Pesca, Alimentación e Medio Ambiente a forma de reembolso dos custos subvencionables que vaian aplicar, antes do 1 de maio do exercicio financeiro anterior ao anterior ao da súa aplicación, para que poidan ser recollidos no Programa nacional de apoio, e a seguinte información referida á forma de pagamento que aplique:

a) O método de cálculo.
b) Valores obtidos por cada acción subvencionable.
c) Metodoloxía de actualización periódica e valores actualizados, en caso de que corresponda.

7. As comunidades autónomas que vaian aplicar a forma de pagamento mediante xustificantes presentados polos beneficiarios poderán aplicar os importes máximos subvencionables indicados na última columna do anexo XII, sempre que o comuniquen á Dirección Xeral de Producións e Mercados Agrarios do Ministerio de Agricultura e Pesca,

Alimentación e Medio Ambiente, antes do 1 de maio do exercicio financeiro anterior ao anterior ao da súa aplicación para que poidan ser recollidos no Programa nacional de apoio. Nese caso, non terán que enviar a información requirida no número anterior.

8. Unha comunidade autónoma que aplique a forma de pagamento mediante xustificantes presentados polos beneficiarios poderá pagar as contribucións en especie en forma de provisión de traballo que non fose obxecto de ningún pagamento en efectivo xustificado con facturas e xustificantes de pagamento, segundo o establecido no artigo 45 do Regulamento delegado (UE) 2016/1149 da Comisión, do 15 de abril de 2016, sempre que o prevexa e o comunique á Dirección Xeral de Producións e Mercados Agrarios do Ministerio de Agricultura e Pesca, Alimentación e Medio Ambiente, antes do 1 de maio do exercicio financeiro anterior ao anterior ao da súa aplicación, para que poidan ser recollidos no Programa nacional de apoio.

Para efectos do cálculo do importe da axuda correspondente ás contribucións en especie, teranse en conta os números 2.b) e 3 do artigo 45 do Regulamento delegado (UE) 2016/1149 da Comisión, do 15 de abril de 2016.

Co fin de cumprir co establecido no artigo 3.a).vi) do Regulamento de execución (UE) 2016/1150 da Comisión, do 15 de abril de 2016, o método de cálculo que vaia aplicar cada comunidade autónoma para determinar o valor do traballo propio e a súa adaptación anual deberá comunicarse á Dirección Xeral de Producións e Mercados Agrarios do Ministerio de Agricultura e Pesca, Alimentación e Medio Ambiente antes do 1 de maio do exercicio financeiro anterior ao anterior ao da súa aplicación, para que poidan ser recollidos no Programa nacional de apoio.

9. Non se financiarán os custos de arrinca naquelas superficies onde se utilicen autorizacións de plantación concedidas en virtude dos artigos 66 e 68 do Regulamento (UE) n.º 1308/2013 do Parlamento Europeo e do Consello, do 17 de decembro, non xeradas pola arrinca efectuada na aplicación da operación de reestruturación e con anterioridade á solicitude da dita operación.

10. Para determinar o importe da axuda a que ten dereito un solicitante pola reestruturación e reconversión dunha superficie de viña, as comunidades autónomas realizarán unha medición da parcela reestruturada e, se for o caso, da parcela arrincada, seguindo o método previsto no artigo 44 do Regulamento de execución (UE) 2016/1150 da Comisión, do 15 de abril de 2016.

11. Poderase autorizar a subrogación dos dereitos e obrigacións derivados da aprobación da solicitude a un novo viticultor se este asume os compromisos adquiridos polo viticultor ao cal se lle aprobou a solicitude nas parcelas subrogadas.

12. Salvo causas de forza maior ou circunstancias excepcionais, segundo se recolle no segundo punto do artigo 2 do Regulamento (UE) n.º 1306/2013 do Parlamento Europeo e do Consello, do 17 de decembro de 2013, e nos casos de expropiación, as superficies acollidas á axuda de reestruturación e reconversión de viñas de acordo co presente real decreto deberán permanecer en cultivo un período mínimo de dez campañas contado desde a campaña seguinte a aquela en que se solicitou o pagamento. O seu incumprimento obrigará o beneficiario da axuda á devolución da axuda percibida máis os xuros legais correspondentes.

Artigo 38. *Anticipos.*

1. Non obstante o disposto no artigo 39, os participantes nos plans poderán solicitar un anticipo máximo do 80 por cento da axuda inicialmente aprobada cando constituísen unha garantía por un importe, polo menos, igual ao importe do anticipo.

2. Sen prexuízo do previsto no artigo 36, cando se concedan anticipos, a garantía executarase cando non se cumprise a obrigación de gastar o importe total do anticipo concedido na execución da operación de que se trate antes de que finalice o prazo máximo fixado pola comunidade autónoma para solicitar o pagamento da operación. No caso de operacións anuais, o prazo situarase no mesmo exercicio financeiro en que se pague o anticipo e, no caso de operacións bianuais, no mesmo exercicio financeiro en que se solicite o pagamento final da operación. En ningún caso o prazo poderá ser superior á

finalización do segundo exercicio financeiro seguinte a aquel en que se pagou o anticipo, salvo caso de forza maior ou outras circunstancias excepcionais.

Cando as superficies consideradas se encontren nunha zona que sufrise unha catástrofe natural recoñecida polas autoridades competentes ou as operacións previstas non se poidan levar a cabo debido a problemas fitosanitarios certificados por un organismo acreditado, poderase adaptar o prazo para o gasto do importe anticipado.

Cando o organismo pagador competente considere que o importe dos gastos reais correspondentes á contribución da Unión Europea destinada ás operacións de que se trate supera o importe do anticipo, a garantía poderá ser liberada.

Artigo 39. *Pagamento da axuda aos beneficiarios.*

1. Despois da finalización de cada operación, o beneficiario deberá presentar unha solicitude ou comunicación para o pagamento da axuda, ante o órgano competente da súa comunidade autónoma, no prazo que esta determine, que non supere o 31 de xullo do exercicio Feaga en que finalizou a operación.

2. A dita solicitude ou comunicación deberá ir acompañada, polo menos, das facturas e xustificantes dos pagamentos que realice o beneficiario, no caso de que se aplique a forma de pagamento do artigo 37.5.a), ou dos documentos probatorios da execución da operación que, se for o caso, requira a comunidade autónoma cando se aplique a forma de pagamento do artigo 37.5.b).

3. A axuda pagarase segundo o cálculo establecido no artigo 37 do presente real decreto e unha vez que se comprobe que a operación se executou totalmente, e axustarase á solicitude aprobada ou modificada de acordo co artigo 47.

4. Se o viticultor non executa a operación na superficie total para a cal se aprobou a axuda, terase en conta a diferenza entre a superficie aprobada ou modificada segundo o artigo 47 e a superficie realmente executada determinada polos controis sobre o terreo. Se esta diferenza non supera o 20%, calcularase sobre a base da superficie determinada polos controis sobre o terreo. Se a diferenza é superior ao 20%, pero igual ou inferior ao 50%, calcularase sobre a base da superficie determinada polos controis sobre o terreo e reducida no dobre da diferenza comprobada. Porén, non terá dereito á axuda en caso de que esta diferenza de superficies supere o 50%.

5. No caso de que o beneficiario percibise un anticipo superior á axuda definitiva, deberá reembolsar a diferenza. Se, polo contrario, a axuda definitiva resulta superior ao anticipo percibido, terá dereito ao cobramento da diferenza, sen que en ningún caso a axuda total sexa superior á inicialmente solicitada.

6. No caso de que o solicitante presente a solicitude do anticipo dunha ou varias operacións fóra do exercicio financeiro indicado no número 2.d) do artigo 29, a axuda que lle corresponda, calculada segundo o artigo 37, reducirase nun 20%, salvo causas de forza maior ou circunstancias excepcionais, segundo se recolle no segundo punto do artigo 2 do Regulamento (UE) n.º 1306/2013 do Parlamento Europeo e do Consello, do 17 de decembro de 2013, e nos casos excepcionais que estableza a correspondente comunidade autónoma na súa normativa, para a operación ou as operacións afectadas.

7. No caso de que o solicitante presente a solicitude de pagamento dunha ou varias operacións fóra do exercicio financeiro indicado no número 2.c) do artigo 29, a axuda que lle corresponda, calculada segundo o artigo 37, reducirase nun 20%, salvo causas de forza maior ou circunstancias excepcionais, segundo se recolle no segundo punto do artigo 2 do Regulamento (UE) n.º 1306/2013 do Parlamento Europeo e do Consello, do 17 de decembro de 2013, e nos casos excepcionais que estableza a correspondente comunidade autónoma na súa normativa, para a operación ou as operacións afectadas.

8. No caso de que se executase unha arrinca no marco da solicitude de axuda, dunha superficie da propia explotación do viticultor, nunha comunidade autónoma distinta á que execute o resto das accións da operación e solicítase a axuda, a comunidade autónoma onde se realizase a arrinca facilitará á comunidade autónoma onde se solicitou a axuda toda a información necesaria para o pagamento da axuda correspondente por esta acción.

9. A comunidade autónoma deberá emitir unha resolución de pagamento e realizar o pagamento ao beneficiario o antes posible no exercicio financeiro en que se executou a operación ou, como máis tarde, nun prazo máximo de doce meses desde a data da presentación da solicitude de pagamento válida e completa.

Subsección 2.^a Replantación de viñas tras arrinca obrigatoria por motivos sanitarios ou fitosanitarios por orde da autoridade competente

Artigo 40. *Ámbito de aplicación.*

Poderá concederse apoio á replantación aos viticultores que foron obrigados a arrincar unha superficie de viña por motivos sanitarios ou fitosanitarios por establecelo así a autoridade competente da comunidade autónoma a partir da publicación do presente real decreto, sempre que na dita arrinca obrigatoria se cumprise co disposto na Directiva 2000/29/CE do Consello, do 8 de maio de 2000, relativa ás medidas de protección contra a introdución na Comunidade de organismos nocivos para os vexetais ou produtos vexetais e contra a súa propagación no interior da Comunidade, e na Lei 43/2002, do 20 de novembro, de sanidade vexetal.

Artigo 41. *Requisitos da medida.*

1. Esta medida deberase executar antes do 1 de xuño da campaña seguinte a aquela en que se solicitou.

2. Será obrigatoria en todas as replantacións, salvo nas localizadas na Comunidade Autónoma de Canarias, a utilización de portaenxertos certificados.

Para percibir a axuda é necesaria a presentación da factura do viveirista ou comerciante autorizado e do xustificante de pagamento.

Artigo 42. *Presentación e requisitos das solicitudes.*

1. Os interesados que sexan persoas xurídicas e que queiran acollerse a esta axuda deberán presentar a solicitude ante o órgano competente da comunidade autónoma en que estea situada a superficie arrincada de forma obrigatoria por motivos sanitarios ou fitosanitarios, mediante o Rexistro Xeral Electrónico, no modelo disposto pola comunidade autónoma, a través de calquera dos rexistros e medios previstos no artigo 16 da Lei 39/2015, do 1 de outubro, con anterioridade ao 1 de febreiro da campaña anterior a aquela en que se pretenda executar a replantación.

Así mesmo, e en aplicación do previsto no segundo parágrafo do número 5 do artigo 16 da Lei 39/2015, do 1 de outubro, os solicitantes persoas físicas presentarán as súas solicitudes na mesma forma prevista no parágrafo anterior.

A solicitude deberá conter, polo menos, a seguinte información:

a) Descrición detallada das accións que se van realizar e calendario de execución en que se indicará o exercicio financeiro en que se prevé que se solicitará o pagamento de cada unha das operacións incluídas na solicitude.

b) Superficie que se vai replantar, con indicación da localización e das características das parcelas, iniciais e finais (variedades, sistemas de formación, marco de plantación, etc.), con achega da identificación dos recintos Sixpac das parcelas.

c) Documentación xustificativa de ter arrincado a dita superficie por obrigação da autoridade competente debido a motivos sanitarios ou fitosanitarios.

d) Autorizacións de plantación concedidas en virtude dos artigos 66 do Regulamento (UE) n.º 1308/2013 do Parlamento Europeo e do Consello, do 17 de decembro, e autorizacións de plantación concedidas en virtude do artigo 68 do Regulamento (UE) n.º 1308/2013 do Parlamento Europeo e do Consello, do 17 de decembro, orixinados pola arrinca de viña na explotación do mesmo viticultor, que utilizarán.

e) Custos subvencionables.

2. A superficie máxima pola cal se solicita a axuda non superará a superficie que foi arrincada de forma obrigatoria por motivos sanitarios ou fitosanitarios.

Artigo 43. *Tramitación de solicitudes e asignación de fondos.*

1. De acordo co número 1 do artigo 23 do Regulamento de execución (UE) 2016/1150 da Comisión, do 15 de abril de 2016, as comunidades autónomas examinarán as solicitudes presentadas e avaliarán a súa admisibilidade en relación co cumprimento do prazo de presentación, a adecuación do seu contido e os custos subvencionables. Así mesmo, requirirán ao solicitante, se for o caso, a presentación da documentación ou información que debe emendar ou da adicional pertinente.

2. As comunidades autónomas remitirán ao Ministerio de Agricultura e Pesca, Alimentación e Medio Ambiente, antes do 1 de maio, as necesidades de financiamento para a replantación por motivos sanitarios ou fitosanitarios para o seguinte exercicio Feaga, de acordo co anexo XIII.

3. A Conferencia Sectorial de Agricultura e Desenvolvemento Rural acordará a asignación financeira para o seguinte exercicio Feaga en función das necesidades comunicadas no parágrafo anterior. Na dita asignación terase en conta que o gasto total para replantación por motivos sanitarios ou fitosanitarios para un exercicio Feaga non poderá superar o 15% do gasto total para a medida de reestruturación e reconversión de viñas no mesmo exercicio Feaga. En caso de que as dispoñibilidades orzamentarias non alcancen a cubrir a totalidade das solicitudes, darase prioridade ás que proveñan de explotacións de titularidade compartida, de acordo coa Lei 35/2011, do 4 de outubro.

Unha vez acordada a asignación financeira, as comunidades autónomas resolverán as solicitudes e notificaránlles aos beneficiarios. O prazo máximo para a resolución e notificación será de seis meses desde a finalización do prazo de presentación de solicitudes e, en caso de non se ditar e notificar resolución expresa no dito prazo, os interesados poderán entender desestimada a solicitude. Ás solicitudes que non cumpran os requisitos de admisibilidade do número 1 aplicaráselles o previsto no número 6 do artigo 23 do Regulamento de execución (UE) 2016/1150 da Comisión, do 15 de abril de 2016.

Contra a resolución da comunidade autónoma poderase interpor o correspondente recurso en vía administrativa ou contencioso-administrativa, en función de que non esgote ou esgote a vía administrativa.

Artigo 44. *Cálculo da axuda.*

1. Poderase conceder axuda para participar nos custos da replantación, polas accións de preparación do solo, planta e plantación, sistema de conducción, desinfección e protección individual de plantas contra coellos no momento da plantación, e non se poderán financiar accións de forma illada, coa excepción da operación de planta e plantación.

En ningún caso será financiada a acción de arrinca nin se poderá conceder unha compensación por perda de ingresos.

2. A participación nos custos da replantación será o resultado de aplicar a porcentaxe fixada no artigo 46.6 do Regulamento (UE) n.º 1308/2013 do Parlamento Europeo e do Consello, do 17 de decembro de 2013, aos importes máximos recollidos no anexo XII establecidos para as accións subvencionables. O montante percibido en ningún caso poderá ser superior ao que resulte da aplicación das ditas porcentaxes sobre o gasto efectivamente realizado e acreditado mediante factura e xustificante de pagamento para todas aquelas accións que non fosen executadas por medios propios.

3. Segundo o establecido no artigo 45 do Regulamento delegado (UE) 2016/1149 da Comisión, do 15 de abril de 2016, as contribucións en especie en forma de provisión de traballo que non fose obxecto de ningún pagamento en efectivo xustificadas con facturas xustificantes de pagamento poderán optar á axuda sempre que a comunidade autónoma o preveña e o comunique ao Ministerio de Agricultura e Pesca, Alimentación e Medio

Ambiente, antes do 1 de maio do exercicio financeiro anterior ao anterior ao da súa aplicación para a súa comunicación á Comisión no Programa de apoio.

Para efectos do cálculo do importe da axuda correspondente ás contribucións en especie, teranse en conta os números 2.b) e 3 do artigo 45 do Regulamento delegado (UE) 2016/1149 da Comisión, do 15 de abril de 2016.

Co fin de cumprir co establecido no artigo 3.a.vi), o Regulamento de execución (UE) 2016/1150 da Comisión, do 15 de abril de 2016, o método de cálculo que aplicará cada comunidade autónoma para determinar o valor do traballo propio e a súa adaptación anual deberase comunicar á Dirección Xeral de Producións e Mercados Agrarios do Ministerio de Agricultura e Pesca, Alimentación e Medio Ambiente, antes do 1 de maio do exercicio financeiro anterior ao anterior ao da súa aplicación.

4. Para determinar o importe da axuda a que ten dereito un beneficiario pola replantación por motivos sanitarios ou fitosanitarios, as comunidades autónomas realizarán unha medición da parcela reestruturada e, se for o caso, seguindo o método recollido no 44 do Regulamento de execución (UE) 2016/1150 da Comisión, do 15 de abril de 2016.

Artigo 45. *Solicitud de pagamento e pagamento aos beneficiarios.*

1. Despois da finalización da operación, o beneficiario deberá presentar unha solicitude ou comunicación para o pagamento da axuda ante o órgano competente da comunidade autónoma, con anterioridade ao 1 de xuño da campaña en que se executou a replantación.

2. A dita solicitude ou comunicación deberá ir acompañada, polo menos, das facturas e xustificantes dos pagamentos que realice o beneficiario.

3. A axuda pagarase segundo o cálculo establecido no artigo 44 do presente real decreto, unha vez que se comprobase que se executou a operación e se axusta á solicitude aprobada.

4. Se o viticultor non executa a operación na superficie total para a cal se aprobou a axuda, terase en conta a diferenza entre a superficie aprobada ou modificada segundo o artigo 47 e a superficie realmente executada determinada polos controis sobre o terreo. Se esta diferenza non supera o 20%, calcularase sobre a base da superficie determinada polos controis sobre o terreo. Se a diferenza é superior ao 20%, pero igual ou inferior ao 50%, calcularase sobre a base da superficie determinada polos controis sobre o terreo e reducida no dobre da diferenza comprobada. E non terá dereito a ela en caso de que esta diferenza supere o 50%.

5. Salvo causas de forza maior ou circunstancias excepcionais, segundo se recolle no punto segundo do artigo 2 do Regulamento (UE) n.º 1306/2013 do Parlamento Europeo e do Consello, do 17 de decembro de 2013, nos casos de expropiación, as superficies acollidas a replantación por motivos sanitarios ou fitosanitarios de acordo co presente real decreto deberán permanecer en cultivo un período mínimo de dez campañas contado desde a campaña seguinte a aquela en que se solicitou o pagamento. O seu incumprimento obrigará o beneficiario da axuda a devolver a axuda percibida máis os xuros legais correspondentes.

6. A comunidade autónoma deberá emitir unha resolución de pagamento e realizar o pagamento ao beneficiario no exercicio financeiro en que finalizou a operación ou, como máis tarde, nun prazo máximo de doce meses desde a data da presentación da solicitude de pagamento válida e completa. En ningún caso o pagamento da axuda se estenderá máis aló do exercicio financeiro 2023.

Subsección 3.^a Disposicións comúns á reestruturación e reconversión de viñas

Artigo 46. *Condicionalidade.*

Se se constata que un beneficiario, en calquera momento durante un período de tres anos a partir do 1 de xaneiro do ano seguinte ao ano natural en que se producise o primeiro pagamento en virtude da presente sección, non respectou na súa explotación os

requisitos legais de xestión e as boas condicións agrarias e ambientais a que se refiren os artigos 91, 92, 93, 94 e 95 do Regulamento (UE) n.º 1306/2013 do Parlamento Europeo e do Consello, do 17 de decembro de 2013, o importe da axuda, en caso de que o incumprimento se deba a unha acción ou omisión atribuíble directamente ao beneficiario, reducirase ou cancelarse, parcial ou totalmente, dependendo da gravidade, alcance, persistencia e repetición do incumprimento, e o beneficiario deberá reintegrala, se procede, conforme o establecido nas citadas disposicións. Para efectos deste control de condicionalidade, as comunidades autónomas deberán dispor de información actualizada sobre as referencias alfanuméricas Sixpac de todas as parcelas que forman parte da explotación do beneficiario.

Artigo 47. *Modificacións das operacións aos beneficiarios.*

1. Segundo o establecido no número 1 do artigo 53 do Regulamento delegado (UE) 2016/1149 da Comisión, do 15 de abril de 2016, e sen prexuízo do establecido no artigo 53, punto 2, do citado regulamento, os beneficiarios poderán solicitar modificacións das operacións inicialmente aprobadas previamente á solicitude de pagamento final e, en todo caso, sempre que non se realizasen os controis sobre o terreo previos ao pagamento final. Todas as modificacións deberán estar autorizadas previamente á súa execución pola comunidade autónoma que aprobou inicialmente a operación.

2. A solicitude de modificación deberá estar debidamente xustificada, non comprometer o obxectivo global da operación, non modificar á alza o orzamento aprobado nin supor cambios na admisibilidade ou na ponderación recibida no procedemento de selección, e presentarse ante o órgano competente de comunidade autónoma, antes de entregar a solicitude de pagamento de axuda, no prazo e forma que esta comunidade determine.

3. No caso de operacións anuais, poderase solicitar a modificación do calendario de execución presentado na solicitude en virtude da letra c) o artigo 29.2. Non obstante, en caso de que a dita modificación supoña un atraso na solicitude de pagamento fóra do exercicio financeiro previsto inicialmente, aplicaráselle a redución da axuda indicada no artigo 39.7, salvo causas de forza maior ou circunstancias excepcionais, segundo se recolle no segundo punto do artigo 2 do Regulamento (UE) 1306/2013 do Parlamento Europeo e do Consello, do 17 de decembro de 2013, e nos casos excepcionais que estableza a comunidade autónoma na súa normativa.

Artigo 48. *Comunicacións.*

1. As comunidades autónomas remitirán ao Ministerio de Agricultura e Pesca, Alimentación e Medio Ambiente, antes do 15 de novembro de cada ano, e referido ao exercicio financeiro precedente, un informe anual sobre a aplicación do réxime de reestruturación e reconversión de viñas, incluído, se for o caso, un informe da replantación tras arrinca obrigatoria por motivos sanitarios ou fitosanitarios, segundo o anexo XIV.

2. As comunidades autónomas comunicarán, en caso de aplicar a medida de replantación por motivos sanitarios ou fitosanitarios, ao Ministerio de Agricultura e Pesca, Alimentación e Medio Ambiente, antes do 1 de maio de cada ano, a lista de organismos nocivos que estean cubertos por esa medida, así como un resumo do plan estratéxico que establecesen para actuar contra estes.

3. As comunidades autónomas que apliquen o establecido no artigo 37.7 remitirán ao Ministerio de Agricultura e Pesca, Alimentación e Medio Ambiente, antes do 15 de novembro de cada ano, información referida ao exercicio financeiro precedente sobre os custos das operacións executadas polas que se pagou a axuda, sobre a base dunha mostra de xustificantes de pagamento, co fin de revisar e, se for o caso, actualizar os importes fixados na última columna do anexo XII.

Sección 3.^a Eliminación de subproductos

Subsección 1.^a Obrigación da eliminación de subproductos

Artigo 49. *Ámbito de aplicación.*

1. Os produtores estarán obrigados a eliminar os subproductos obtidos na transformación. Non obstante, os produtores que, na campaña vitícola de que se trate, non produzan máis do 25 hectolitros de viño ou mosto nas súas instalacións non estarán obrigados a retirar os subproductos.

2. Poderase cumprir parcial ou totalmente coa obrigación de eliminar os subproductos de vinificación ou de calquera outra transformación de uvas mediante a entrega dos subproductos para a destilación ou realizando unha retirada baixo control, tal e como se establece no artigo 52. Sen prexuízo do previsto no número 1, a comunidade autónoma poderá establecer a obrigatoriedade de eliminar a totalidade dos subproductos producidos na súa rexión mediante a destilación.

No caso de que o cumprimento sexa mediante a entrega dos subproductos para a destilación, os produtores porán á disposición da autoridade competente, para o control desta obrigación, os xustificantes que permitan acreditar o dito cumprimento cando así lles sexa requirido.

Artigo 50. *Requisitos dos subproductos eliminados.*

1. O volume mínimo de alcohol contido nos subproductos eliminados deberá ser:

a) O 10 por cento do volume de alcohol contido no viño producido obtido por vinificación directa da uva. As comunidades autónomas poderán reducir a porcentaxe do volume de alcohol contido nos subproductos ao 7 por cento para os viños brancos con denominación de orixe protexida do seu ámbito territorial, sempre que se xustifique polo sistema de elaboración a imposibilidade de chegar ao 10 por cento, e que o seu rendemento en viño non supere os límites establecidos polo consello regulador correspondente.

b) O 5 por cento do volume de alcohol contido no produto elaborado, para os elaboradores de viño a partir de mosto ou de viño novo en proceso de transformación.

2. Para determinar o volume de alcohol que deben ter os subproductos en relación co do viño producido, aplicaranse os seguintes graos alcohólicos volumétricos naturais do viño nas diferentes zonas vitícolas, tal e como se establecen no artigo 21.3 do Regulamento (CE) n.º 555/2008 da Comisión, do 27 de xuño, polo que se establecen normas de desenvolvemento do Regulamento (CE) n.º 479/2008, do Consello, polo que se establece a organización común do mercado vitivinícola, no relativo a programas de apoio, comercio con terceiros países, potencial produtivo e controis no sector vitivinícola:

- a) 9,0 por cento para a zona CI.
- b) 9,5 por cento para a zona CII.
- c) 10 por cento para a zona CIII.

3. O contido mínimo de alcohol puro dos subproductos da vinificación que vaian eliminar deberá ser o seguinte:

- a) Bagazo de uva: 2,8 litros de alcohol puro por cada 100 quilogramos.
- b) Borrás de viño: 4 litros de alcohol puro por cada 100 quilogramos.

4. De non se alcanzaren as porcentaxes fixadas no número 1, poderán entregar viño a un destilador ou a un fabricante de vinagre, segundo o número 2 do artigo 23 do Regulamento (CE) n.º 555/2008 da Comisión, do 27 de xuño. No caso de produtores que entreguen viño a unha fábrica de vinagre, a cantidade de alcohol contida nos viños entregados deducirase da cantidade de alcohol que deba entregarse para cumprir coa obrigación establecida.

Artigo 51. *Prazo de entrega dos subprodutos.*

Os subprodutos retiraranse sen demora e, como máis tarde, ao final da campaña vitícola en que se obtiveron. No caso de entrega de subprodutos para destilación, a data límite de entrega será o 15 de xuño desa campaña.

Artigo 52. *Retiradas baixo control.*

1. Poderase utilizar un procedemento de retirada controlada para a eliminación de subprodutos, cando se comunicase á autoridade competente que se vai optar por este sistema de eliminación, mediante a presentación dun proxecto detallado.

O citado proxecto deberá conter a referencia ao tipo de produto e unha descrición detallada do procedemento proposto para a retirada. Así mesmo, deberase achegar, cando a comunidade autónoma o considere necesario, a conformidade da autoridade ambiental sobre a procedencia da dita retirada.

A operación de retirada controlada debe ser autorizada pola autoridade competente, que establecerá as condicións da súa realización, e debe notificarse ao produtor.

Contra a resolución da comunidade autónoma poderase interpor o correspondente recurso en vía administrativa ou contencioso-administrativa, en función de que non esgote ou esgote a vía administrativa.

2. A retirada das borras, en caso de non se enviaren para a destilación, poderase considerar efectuada cando estas se desnaturalizasen de forma que se imposibilite a súa utilización no proceso de vinificación e a súa entrega a terceiros se consignase nos rexistros correspondentes.

3. O contido mínimo de alcohol puro dos subprodutos que se vaian retirar será o indicado no artigo 50.3.

4. Esta autorización non exime das obrigacións fiscais previstas na normativa dos impostos especiais cando os produtos para os cales se autoriza a retirada controlada están suxeitos ás ditas obrigacións.

Artigo 53. *Sancións.*

O incumprimento da entrega dos subprodutos para destilación ou da realización, na súa falta, da retirada baixo control, ou en caso de non alcanzárense as porcentaxes mínimas de alcohol contido nos subprodutos fixados no número 1 do artigo 50, será considerado unha infracción leve, segundo o disposto nas letras j) e k) do artigo 38 da Lei 24/2003, do 10 de xullo.

Subsección 2.^a Axuda á destilación de subprodutos

Artigo 54. *Autorización de destiladores.*

1. Os destiladores que desexen participar neste réxime de axudas deberán estar autorizados polo órgano competente da comunidade autónoma en cuxo territorio estean radicadas as instalacións de destilación para actuar no marco do artigo 52 do Regulamento (UE) n.º 1308/2013 do Parlamento Europeo e do Consello, do 17 de decembro de 2013.

Así mesmo, deberán estar debidamente inscritos no rexistro territorial a que se refire o artigo 40 do Regulamento dos impostos especiais, aprobado polo Real decreto 1165/1995, do 7 de xullo, e dispor do código de actividade e do establecemento (CAE) previsto no artigo 41 do dito regulamento.

2. As autorizacións terán validez mentres non se retiren expresamente ou o destilador non renuncie a elas. Non obstante o anterior, os destiladores deberán comunicar á autoridade competente, antes do inicio de cada campaña vitícola, a súa intención de prorrogar ou suspender a súa colaboración na campaña, así como declarar que cumpriron satisfactoriamente os requisitos establecidos na normativa da Unión Europea durante a campaña anterior.

En caso de solicitar esta prórroga, a autoridade competente confirmará a autorización, se procede, e comunicará esta circunstancia aos interesados.

3. O destilador que sufra algunha variación en relación coas condicións en virtude das cales se lle concedeu a autorización deberá comunicalo de forma inmediata á autoridade competente.

4. As comunidades autónomas remitirán ao Fondo Español de Garantía Agraria, antes do 1 de setembro de cada campaña, a relación dos destiladores autorizados que colaboran con este réxime de axuda, con indicación do enderezo onde se localicen as súas instalacións.

5. O destilador deberase comprometer a non fabricar alcohol a partir de melazas nin de calquera outro produto non vínico, nin almacenar aquel ou estes no recinto da fábrica, durante o tempo de vixencia da autorización.

Artigo 55. *Prazos de entrega e de destilación.*

A data límite de entrega dos subprodutos obtidos nunha determinada campaña a un destilador autorizado será o 15 de xuño desa campaña.

As operacións de destilación deberán finalizar, como máis tarde, o 15 de xullo da campaña vitícola de que se trate.

Artigo 56. *Axuda á destilación de subprodutos.*

1. Concederase unha axuda aos destiladores autorizados que transformen os subprodutos da vinificación obtidos en territorio nacional, coa finalidade prevista no artigo 42 do Regulamento delegado (UE) 2016/1149 da Comisión, do 15 de abril de 2016, entregados para a súa destilación en alcohol cun grao alcohólico mínimo do 92 por cento vol.

Como se indica no punto 1 do artigo 42 do Regulamento delegado (UE) 2016/1149 da Comisión, do 15 de abril de 2016, o parágrafo primeiro non impedirá a transformación posterior do alcohol obtido, sobre cuxa base se calculará o importe da axuda, de conformidade co artigo 18 do Regulamento de execución (UE) 2016/1150 da Comisión, do 15 de abril de 2016, co fin de cumprir o requisito do artigo 52, número 5, do Regulamento (UE) n.º 1308/2013 do Parlamento Europeo e do Consello, do 17 de decembro de 2013, relativo á utilización exclusiva para fins industriais ou enerxéticos.

2. O importe da axuda que se pagará aos destiladores autorizados pola destilación dos subprodutos é o seguinte:

- a) 1,100 €/por cento vol./hl para alcohol obtido a partir de bagazo.
- b) 0,500 €/por cento vol./hl para alcohol obtido a partir de viño e borras.

3. Como compensación aos gastos de transporte e recollida dos subprodutos, o destilador pagará ao produtor os seguintes importes cando este último demostre que soportou os ditos gastos:

- a) 0,571 €/por cento vol./hl polo bagazo entregado.
- b) 0,400 €/por cento vol./hl polo viño e borras entregados.

4. O alcohol obtido da destilación de subprodutos polo cal se concedeu unha axuda utilizarase exclusivamente con fins industriais ou enerxéticos para evitar distorsións da libre competencia.

Artigo 57. *Solicitudes de axuda.*

1. A solicitude de axuda deberá presentarse entre o 16 de outubro e o 20 de xullo de cada campaña, polo alcohol obtido durante esa campaña vitícola, ante o órgano competente da comunidade autónoma onde radiquen as instalacións de destilación, a través do Rexistro Xeral Electrónico no caso de persoas xurídicas, mediante calquera dos rexistros e medios previstos no artigo 16 da Lei 39/2015, do 1 de outubro.

Así mesmo, e en aplicación do previsto no segundo parágrafo do número 5 do artigo 16 da Lei 39/2015, do 1 de outubro, os solicitantes persoas físicas presentarán as súas solicitudes na mesma forma prevista no parágrafo anterior.

2. As solicitudes presentaranse conforme un modelo que conteña, ao menos, os datos que figuran no anexo XV, e acompañadas, polo menos, da seguinte documentación:

- a) Proba de destilación dos subprodutos.
- b) Relación das entregas de materias primas efectuadas polos produtores que deron orixe ao alcohol obtido.
- c) Proba do pagamento por parte do destilador ao produtor dos gastos de transporte, ou a renuncia deste a efectualo.
- d) Se for o caso, a xustificación do destino do alcohol obtido de acordo co indicado no artigo 59.

Se, tras a verificación dos datos contidos na solicitude, se comproba a existencia de datos falsos que en ningún caso poidan considerarse erros ou defectos emendables, a solicitude non se considerará admisible para recibir ningunha axuda por esta medida, isto sen prexuízo da instrución do procedemento de infracción segundo o previsto no artigo 39.1.d) da Lei 24/2003, do 10 de xullo.

Contra a resolución da comunidade autónoma poderase interpor o correspondente recurso en vía administrativa ou contencioso-administrativa, en función de que non esgote ou esgote a vía administrativa.

Artigo 58. *Pagamento da axuda ao destilador.*

1. Non se aboará ningunha axuda polo volume de alcohol contido nos subprodutos que supere o 10 por cento da riqueza alcohólica do viño producido a nivel nacional.

2. O destilador autorizado poderá recibir un pagamento parcial do 80 por cento da axuda polos volumes solicitados, sempre que xustifique:

- a) Que efectuou o pagamento de, polo menos, a porcentaxe equivalente dos importes establecidos en concepto de transporte ao produtor, cando este o efectuase, ou presente a renuncia deste a efectualo.
- b) Que o alcohol obtido da destilación polo cal se solicita a axuda foi destinado con fins enerxéticos ou industriais, ou que foi desnaturalizado, tal e como establece o artigo 59.

En caso de non dispor dos xustificantes indicados, poderá recibir un anticipo do 80% da axuda, para o cal se exixirá a presentación dunha garantía igual ao importe do anticipo.

Nos casos en que se aboase un anticipo, a garantía liberarase cando se dispoña dos xustificantes indicados anteriormente.

3. En cada campaña, e unha vez que se coñezan as cantidades efectivamente entregadas á destilación polas cales se solicita a axuda e a cantidade de viño producido, contrastarase o volume do alcohol polo que se solicita axuda contido nos produtos entregados coa riqueza alcohólica do viño producido a nivel nacional.

Cando a cantidade de alcohol pola que se solicite axuda nunha campaña determinada supere o 10 por cento da riqueza alcohólica citada no parágrafo anterior, reducirase a axuda en función da porcentaxe de exceso. O Fondo Español de Garantía Agraria fixará a porcentaxe de redución, de modo que se garanta que non se supera o volume máximo de alcohol que pode percibir axuda. Así mesmo, en caso necesario, a Dirección Xeral de Producións e Mercados Agrarios establecerá unha porcentaxe de redución para asegurar que non se supera o límite da dispoñibilidade orzamentaria establecido para a medida.

4. Unha vez establecida a contía definitiva da axuda, a autoridade competente pagará a axuda correspondente ou, se for o caso, o saldo antes do 16 de outubro da campaña seguinte.

5. Antes de efectuarse o dito pagamento, deberase comprobar que o destilador autorizado realizou, se for o caso, o aboamento ao produtor da totalidade do gasto de transporte que lle corresponda, reducida, se corresponde, en idéntica proporción á minoración global da axuda establecida no segundo parágrafo do número 3.

En caso de non xustificar o dito aboamento, o destilador autorizado deberá devolver as cantidades anticipadas ou executarase a garantía presentada pola dita contía.

6. Se no momento do pagamento do saldo da axuda non foi presentado o xustificante do destino do alcohol por parte do destilador, deberase ampliar a garantía polo importe pendente de pagamento incrementado nun 20 por cento.

7. En caso de que non se presente a dita ampliación de garantía, o destilador autorizado deberá devolver as cantidades anticipadas ou executarase a garantía presentada pola dita contía.

8. En calquera caso, o destilador autorizado deberá enviar os xustificantes do destino do alcohol obtido á autoridade competente antes do 31 de xaneiro da campaña seguinte; en caso contrario, o destilador autorizado deberá reintegrar as cantidades recibidas ás partidas cuxo destino non se xustificou ou executarase a garantía presentada pola dita contía. O Ministerio de Agricultura e Pesca, Alimentación e Medio Ambiente poderá ampliar a data indicada cando a situación do mercado o exixa.

9. Non obstante o anterior, para efectos de cálculo do alcohol que debe chegar a destino, deberanse ter en conta as porcentaxes de perda de acordo co indicado no artigo 59.

Artigo 59. *Xustificación do destino do alcohol obtido.*

1. O alcohol que resulte da destilación a que se concedeu axuda deberase utilizar unicamente con fins industriais ou enerxéticos para evitar distorsións á libre competencia.

O destilador autorizado deberá presentar como xustificante deste destino ante a autoridade competente, no prazo máximo de vinte días hábiles desde que finalice a saída de cada lote, un certificado de saídas diarias do alcohol, mencionando, polo menos, a cantidade e o grao volumétrico do alcohol que saíu e a identificación do produtor, así como unha copia do documento administrativo electrónico previsto no artigo 22 do Regulamento dos impostos especiais, aprobado polo Real decreto 1165/1995, do 7 de xullo, co selo do destinatario aceptando o produto e o compromiso escrito do destinatario de utilizar o dito alcohol exclusivamente con estes fins.

2. Na xustificación do destino do alcohol que resulte da destilación a que se concedeu axuda admitiranse as seguintes porcentaxes de perda, incluídas nas letras e) e g) do artigo 90.1 e nas letras d) e e) do artigo 90.2 do Regulamento dos impostos especiais, aprobado mediante o Real decreto 1165/1995, do 7 de xullo:

a) 0,50 por cento das cantidades de alcohol almacenadas por trimestre de almacenamento como perda de alcohol debida á evaporación.

b) 0,50 por cento das cantidades de alcohol retiradas dos almacéns como perda de alcohol debida a un ou varios transportes terrestres.

3. Poderase considerar que o alcohol obtido tivo un uso industrial ou enerxético se foi desnaturalizado, de acordo co establecido no Regulamento dos impostos especiais, aprobado mediante o Real decreto 1165/1995, do 7 de xullo, cun produto que impida a súa utilización para usos distintos ao industrial ou enerxético.

En calquera caso, a autoridade competente deberá solicitar do destilador autorizado información sobre o destino final deste alcohol desnaturalizado.

Sección 4.^a Investimentos

Artigo 60. *Ámbito de aplicación.*

Co obxecto de mellorar o rendemento global das empresas do sector vitivinícola e a súa adaptación ás demandas do mercado, así como de aumentar a súa competitividade, concederase apoio financeiro aos investimentos tanxibles ou intanxibles en instalacións de transformación e infraestrutura vinícola, así como estruturas e instrumentos de comercialización, mesmo co fin de mellorar o aforro de enerxía, a eficiencia enerxética global e os procesos sustentables.

Os ditos investimentos referiranse á produción, comercialización ou ambas dos produtos vitivinícolas mencionados no anexo VII, parte II, do Regulamento (UE) n.º 1308/2013 do Parlamento Europeo e do Consello, do 17 de decembro de 2013, e que se producen en territorio español.

Artigo 61. *Beneficiarios.*

Podrán ser beneficiarias da medida de investimentos:

a) As empresas vitivinícolas que no momento da solicitude produzan ou comercialicen os produtos recollidos no anexo VII, parte II, do Regulamento (UE) 1308/2013 do Parlamento Europeo e do Consello, do 17 de decembro de 2013, ou que, como consecuencia da execución da operación obxecto da solicitude de axuda, comecen esa produción ou comercialización. As empresas deberán estar constituídas con anterioridade á data de presentación da solicitude.

b) As organizacións de produtores vitivinícolas, recoñecidas de acordo co artigo 152 do Regulamento (UE) n.º 1308/2013 do Parlamento Europeo e do Consello, do 17 de decembro de 2013.

c) As asociacións de dous ou máis produtores, con personalidade xurídica, dos produtos mencionados no anexo VII, parte II, do dito regulamento. As asociacións deberán estar constituídas con anterioridade á data de presentación da solicitude.

d) As organizacións interprofesionais.

Non obstante, cando se trate de empresas cuxa actividade sexa unicamente a comercialización, polo menos un 80 por cento da súa facturación do último exercicio pechado deberá proceder da comercialización dos produtos do anexo VII, parte II, do Regulamento (UE) n.º 1308/2013 do Parlamento Europeo e do Consello, do 17 de decembro de 2013.

Non se concederá a axuda ás empresas en dificultade, segundo se definen na Comunicación 2014/C-249/01 da Comisión, do 31 de xullo de 2014, sobre axudas estatais de salvamento e de reestruturación de empresas en crise.

Artigo 62. *Durabilidade.*

De acordo co previsto no artigo 50, número 5, do Regulamento (UE) n.º 1308/2013 do Parlamento Europeo e do Consello, do 17 de decembro de 2013, que establece a aplicación *mutatis mutandis* do artigo 71 do Regulamento (UE) n.º 1303/2013 do Parlamento Europeo e do Consello, do 17 de decembro de 2013, deberase reembolsar a axuda, máis os correspondentes xuros de demora, nos cinco anos seguintes ao pagamento final ao beneficiario, en caso de que se produza algunha das circunstancias indicadas no mencionado artigo 71.

Así mesmo, a durabilidade será exigible aos adquirentes, nos supostos de transmisión da actividade produtiva e das infraestruturas ligadas a esta, obxecto da axuda, e deberase acreditar fidedignamente ante a autoridade competente que esta circunstancia é coñecida e aceptada polos adquirentes. En caso contrario, calquera suposto de reintegro será exigible sobre o beneficiario orixinal da axuda.

Artigo 63. *Obxectivos das operacións.*

As operacións obxecto de axuda deberán contribuír, polo menos, a un dos obxectivos estratéxicos previstos no anexo XVI.

Para a consecución dos ditos obxectivos estratéxicos, en cada operación deberán identificarse un ou varios obxectivos xerais cuxa relación non exhaustiva se presenta no anexo XVII. No suposto de que algún dos obxectivos xerais dunha operación concreta non se encontre recollido nesta relación, o dito obxectivo deberá ser especificado polo solicitante.

Artigo 64. *Características das operacións.*

As operacións deberán afectar orzamentariamente, como máximo, dous exercicios Feaga consecutivos inmediatamente seguintes ao exercicio Feaga en que peche o prazo de presentación das solicitudes de axuda. A execución das operacións poderá ter lugar desde a data de presentación da solicitude e, se for o caso, tras a redacción da acta de non inicio correspondente.

Só serán admisibles solicitudes por operacións anuais no caso de que os conceptos de gasto se limiten ao primeiro exercicio Feaga inmediatamente seguinte ao exercicio Feaga en que peche o prazo de presentación das solicitudes de axuda obxecto da convocatoria.

As operacións obxecto de pagamento en dous exercicios Feaga deberán ter un mínimo do 50% do importe dos conceptos de gasto aprobados incluídos no primeiro exercicio inmediatamente seguinte ao exercicio Feaga en que peche o prazo de presentación das solicitudes de axuda obxecto da convocatoria.

Artigo 65. *Criterios de admisibilidade das solicitudes.*

Examinaranse as solicitudes baseándose nos criterios seguintes:

1. As operacións de investimento estarán claramente definidas especificando as accións e a súa duración e detallando os conceptos de gasto que compoñen cada acción e os custos estimados de cada unha delas.

Igualmente, especificarase o obxectivo, ou obxectivos, estratéxicos e xerais a que cada acción pretende contribuír.

2. Garantías de que os custos da operación proposta non superan os prezos normais de mercado e se cumpre a moderación de custos.

Os importes máximos subvencionables recollidos no anexo XVII non eximen da obriga de avaliar a moderación dos custos.

En caso de que as autoridades competentes consideren que os custos superan os prezos normais de mercado, ou que non se cumpre a moderación de custos, requirirán ao solicitante a emenda da solicitude ou que o xustifique debidamente.

A moderación de custos avaliarase mediante, polo menos, un dos seguintes sistemas ou unha combinación deles:

a) Comparación de diferentes ofertas.

Con carácter xeral, o solicitante deberá achegar, como mínimo, tres ofertas de diferentes provedores, con carácter previo á prestación do servizo ou á entrega do ben,

Deberase avaliar, polo menos, a independencia das ofertas, que os elementos das ofertas sexan comparables e a claridade e o detalle da descrición das ofertas.

A elección entre as ofertas presentadas realizarase conforme criterios de eficacia e economía e deberase xustificar expresamente a elección cando non recaia na proposta económica máis vantaxosa, así como, se for o caso, a inexistencia de suficientes provedores. Este aspecto será igualmente aplicado cando o finalmente executado non coincida co aprobado.

b) Custos de referencia.

A autoridade competente establece ou utiliza unha base de datos de prezos de referencia. Esta base de datos deberá ser completa, estar suficientemente detallada, actualizarse periodicamente e garantir que os prezos reflectan os prezos de mercado.

c) Comité de avaliación.

Se se establece un comité de avaliación ou se leva a cabo un estudo de mercado, deberase ter en conta a experiencia dos membros do comité na área correspondente. O traballo do comité deberase documentar correctamente.

3. O solicitante demostra que ten acceso a recursos técnicos e financeiros suficientes para garantir que se execute a operación correctamente e que a empresa non está en situación de crise, tal como se recolle no artigo 50, número 2, parágrafo terceiro, do Regulamento 1308/2013 do Parlamento Europeo e do Consello, do 17 de decembro.

O solicitante deberá demostrar a viabilidade económica da empresa, excepto cando sexa estatutariamente unha organización sen ánimo de lucro.

Cando o solicitante sexa unha asociación de dous ou máis produtores, con personalidade xurídica, dos produtos mencionados no anexo VII, parte II, do Regulamento (UE) n.º 1308/2013 do Parlamento Europeo e do Consello, do 17 de decembro, cada un dos integrantes deberá demostrar a capacidade de acceso aos recursos técnicos e financeiros necesarios de forma independente de acordo coa súa participación no investimento, ou ben, alternativamente, que a dita asociación conta con esa capacidade de acceso aos recursos técnicos e financeiros necesarios.

Entenderase que estes aspectos non quedan demostrados e, por tanto, o solicitante non poderá ser beneficiario da subvención en calquera das seguintes circunstancias:

a) Cando se encontre en situación de crise, segundo se define nas directrices sobre axudas estatais de salvamento e de reestruturación de empresas non financeiras en crise (Comunicación 2014/C 249/01 da Comisión, do 31 de xullo de 2014).

b) Cando se encontre en proceso de solicitar a declaración de concurso voluntario, ser declarado insolvente en calquera procedemento, acharse declarado en concurso, salvo que neste adquirise a eficacia un convenio, estar suxeito a intervención xudicial ou ser inhabilitado conforme a Lei 22/2003, do 9 de xullo, concursal, sen que concluíse o período de inhabilitación fixado na sentenza de cualificación do concurso.

c) Cando non quede acreditado o cumprimento das súas obrigacións tributarias e fronte á Seguridade Social nos termos previstos polo Regulamento da Lei 38/2003, do 17 de novembro, xeral de subvencións.

4. Coherencia das estratexias propostas polo solicitante cos obxectivos fixados por este e o probable efecto e éxito da operación na mellora do rendemento xeral da transformación ou comercialización, nas instalacións do solicitante e a súa adaptación ás demandas do mercado e o aumento da súa competitividade.

Non se concederá axuda ningunha naqueles casos en que sexan detectadas situacións de incoherencia dentro das solicitudes de axuda ou que reflectan expectativas non suficientemente documentadas.

Artigo 66. *Gastos subvencionables.*

Consideraranse subvencionables os custos das seguintes accións:

a) Construción, adquisición ou mellora de bens inmobles,
b) Compra de nova maquinaria e equipamento ata o valor de mercado do produto,
c) Custos xerais vinculados aos gastos recollidos nas letras a) e b), tales como honorarios de arquitectos, enxeñeiros e asesores, así como estudos de viabilidade, co límite do 8% do orzamento aprobado para a operación de investimento.

d) A adquisición ou o desenvolvemento de soportes lóxicos de ordenador e a adquisición de patentes, licenzas, dereitos de autor e o rexistro de marcas colectivas.

Os importes máximos subvencionables dentro das operacións de investimento, para os conceptos sinalados no anexo XVIII, ateranse aos límites que se indican no dito anexo, de maneira que, cando nunha operación concreta se superen eses límites, o exceso será considerado gasto non subvencionable.

Non terán a consideración de subvencionables os gastos establecidos no anexo XIX.

Artigo 67. Presentación de solicitudes.

As solicitudes correspondentes á primeira convocatoria deberán presentarse dentro dos 3 meses seguintes á entrada en vigor do presente real decreto. Para o resto de convocatorias as solicitudes deberán presentarse antes do 1 de febreiro de cada ano, sen prexuízo de que as comunidades autónomas poidan considerar outros prazos máis restritivos.

Os interesados que queiran acollerse a unha axuda para unha operación de investimento obxecto de financiamento comunitario deberán presentar a correspondente solicitude ante o órgano competente da comunidade autónoma en que se encontre localizado o establecemento en que se vaia realizar o investimento.

Nos casos de operacións de comercialización desvinculadas fisicamente da adegua e en todos os casos de operacións de comercialización noutros Estados membros, os interesados deberán presentar a correspondente solicitude ante o órgano competente da comunidade autónoma en que se encontre localizado o domicilio fiscal do solicitante.

Deberán achegar, xunto coa solicitude, o proxecto da operación de investimento e os formularios que para o obxecto se prevegan, que deberán conter, polo menos, información do solicitante: xeral, económica, financeira, social, comercial e técnica.

Artigo 68. Tramitación das solicitudes.

1. As comunidades autónomas serán as competentes para avaliar e resolver as solicitudes de investimentos en establecementos localizados no seu territorio.

2. Nos casos de operacións de comercialización desvinculadas fisicamente da adegua e en todos os casos de operacións de comercialización noutros Estados membros, a comunidade autónoma competente para avaliar e resolver será a comunidade en que o solicitante teña o domicilio fiscal.

3. As comunidades autónomas examinarán as solicitudes en canto á súa conformidade con este real decreto e requirirán ao solicitante, se for o caso, a presentación da documentación ou información que debe emendar ou da adicional pertinente.

4. As eventuais alegacións que puidesen presentar os solicitantes tras a presentación da solicitude e antes da emisión da resolución da axuda deberán ser valoradas polas autoridades competentes das comunidades autónomas antes da remisión da lista provisional de solicitudes priorizadas ao MAPAMA.

5. As comunidades autónomas elaborarán unha lista provisional coas solicitudes seleccionadas e priorizadas de acordo cos criterios de priorización establecidos a nivel nacional, segundo o anexo XX, e a ponderación dos criterios establecida a nivel autonómico, segundo o anexo XXI, e remitirana ao Ministerio de Agricultura e Pesca, Alimentación e Medio Ambiente antes do 1 de maio de cada ano, en formato electrónico, de conformidade coa parte A do anexo XXII do presente real decreto. A dita data non será de aplicación para a primeira convocatoria e a lista provisional deberase remitir dentro dos 3 meses seguintes á data de peche de presentación de solicitudes.

6. En caso de empate, darase prioridade ás solicitudes que teñan maior puntuación na valoración da operación. Se persiste o empate, darase prioridade ás solicitudes que teñan maior puntuación na suma das valoracións dos criterios 2.1, 2.2 e 2.3. Se aínda persiste o empate, darase prioridade ás solicitudes que teñan maior puntuación no seguinte criterio que máis puntuación teña na comunidade autónoma ou na suma dos seguintes criterios que maior puntuación teñan, en caso de existiren varios criterios coa mesma puntuación na comunidade autónoma, e así sucesivamente.

7. A partir das listas provisionais das solicitudes seleccionadas polas comunidades autónomas, a Dirección Xeral da Industria Alimentaria elaborará a proposta de lista definitiva e someteraa ao informe vinculante da Conferencia Sectorial de Agricultura e Desenvolvemento Rural.

8. Non se incluírán na proposta de lista definitiva aquelas solicitudes que na fase de valoración non alcancen un mínimo de 20 sobre 100 puntos.

9. En calquera caso, nas operacións obxecto de pagamento en dous exercicios Feaga, os fondos do segundo exercicio da convocatoria liberados por desistencias, renuncias ou modificacións pasarán a aumentar o orzamento dispoñible da medida de investimentos no dito exercicio para o conxunto das solicitudes de todas as comunidades autónomas na seguinte convocatoria.

10. A lista definitiva de solicitudes aprobada en cada convocatoria xerárase para o conxunto das comunidades autónomas mediante a aprobación das mellores solicitudes de cada comunidade autónoma.

11. Os fondos dispoñibles para cada convocatoria asignaranse ás mellores solicitudes de cada comunidade autónoma proporcionalmente ao importe da axuda demandada para as solicitudes de cada comunidade autónoma no primeiro exercicio Feaga obxecto da convocatoria.

12. Respecto ao segundo exercicio Feaga obxecto da convocatoria, asignárase a contía correspondente á segunda anualidade das operacións bianuais que fosen aprobadas de acordo co parágrafo anterior.

13. No caso da solicitude que marca o corte da lista provisional entre as solicitudes aprobadas e non aprobadas en cada comunidade autónoma, asignárase a parte da axuda ás mellores solicitudes desa comunidade autónoma ata esgotar os fondos asignados. Á parte da axuda que non se pode cubrir con orzamento do exercicio financeiro en cuestión seralle asignado orzamento do exercicio financeiro seguinte.

14. A Conferencia Sectorial poderá diminuír os tipos de axuda establecidos no artigo 72 nun máximo do 10 puntos, ata esgotar o orzamento da ficha financeira, exclusivamente no caso de que non se chegue a alcanzar un mínimo de cobertura do 50% do número total de solicitudes a nivel estatal que alcancen o mínimo de puntuación.

Artigo 69. *Resolución.*

Unha vez que a Conferencia Sectorial de Agricultura e Desenvolvemento Rural emita informe sobre a lista definitiva das solicitudes seleccionadas, as comunidades autónomas ditarán as resolucións correspondentes e notificaranas aos beneficiarios.

O prazo máximo para a resolución e notificación do procedemento será de seis meses contados a partir do día seguinte ao da finalización do prazo de presentación das solicitudes.

A comunidade autónoma emitirá as correspondentes resolucións denegatorias motivadas para aqueles casos en que se desestime a solicitude de axuda e os recursos que, se for o caso, procedan.

Transcorrido o prazo de seis meses sen notificarse aos interesados ningunha resolución, estes poderán entender desestimada a súa solicitude, de acordo co disposto no artigo 25.5 da Lei 38/2003, do 17 de novembro.

Nas resolucións indícarase, polo menos, o seguinte: o importe dos investimentos considerados subvencionables, a axuda concedida e o calendario de execución aprobado.

No caso de resolución positiva, nos dez días seguintes á notificación da resolución de concesión, o beneficiario deberá achegar ante o órgano competente da comunidade autónoma correspondente unha aceptación expresa dos termos da concesión de subvención.

A comunidade autónoma deberá comunicar ao Ministerio de Agricultura e Pesca, Alimentación e Medio Ambiente, antes do 1 de outubro de cada ano, as aceptacións, renuncias ou desistencias que se producen dentro do procedemento, para o efecto de poder dispor dos fondos que se liberen, se for o caso.

Cando a resolución estimatoria dun recurso poida implicar a concesión dunha subvención, ou o seu incremento, e/ou a modificación do calendario de xustificación e pagamento da axuda, será preceptivo o acordo favorable previo da Conferencia Sectorial de Agricultura e Desenvolvemento Rural, excepto cando sexa derivada dunha sentenza xudicial firme.

Artigo 70. Modificación das operacións.

1. De acordo co previsto no artigo 53, número 1, do Regulamento delegado (UE) n.º 2016/1149 da Comisión, do 15 de abril de 2016, o beneficiario poderá solicitar a modificación da operación de investimento inicialmente aprobada. Calquera modificación da operación deberá comunicarse ao órgano competente da comunidade autónoma para a súa autorización previa á execución.

2. As solicitudes de modificación deberanse comunicar ao órgano competente da comunidade autónoma antes do 1 de febreiro do exercicio Feaga en que se debe solicitar o pagamento dos investimentos obxecto de modificación.

3. Para a autorización das modificacións, teranse en conta as condicións e limitacións sinaladas a continuación:

a) Non se autorizarán modificacións que alteren os obxectivos estratéxicos ou xerais con que foi aprobada a operación.

b) Non se autorizarán modificacións que alteren as condicións de elixibilidade nin a puntuación dos criterios de priorización.

c) Non se autorizarán modificacións que non estean debidamente xustificadas.

d) Non se autorizarán modificacións que supoñan un cambio de beneficiario, salvo que o novo sexa resultante dun proceso de fusión, de compravenda ou unha transformación do tipo de sociedade ou personalidade xurídica, e non se alteren as condicións tidas en conta para a concesión da axuda.

e) Non se autorizarán modificacións que supoñan un traslado de pagamentos dun exercicio Feaga a outro.

f) Non se autorizarán modificacións que supoñan unha redución do investimento obxecto de axuda superior ao 40% da inicialmente aprobada.

4. Independentemente do citado neste artigo, o órgano competente da comunidade autónoma poderá, excepcionalmente, autorizar modificacións que non se axusten ás condicións indicadas nos números anteriores, nos casos de forza maior ou circunstancias excepcionais na acepción do artigo 2.2 do Regulamento (UE) n.º 1306/2013 do Parlamento Europeo e do Consello, do 17 de decembro de 2013.

5. As modificacións que supoñan unha diminución dos orzamentos aprobados suporán a redución proporcional da subvención concedida.

6. As modificacións que supoñan un incremento dos orzamentos aprobados non suporán incremento da subvención concedida.

Artigo 71. Excepcións ao artigo 70.

1. De acordo co previsto no artigo 53, número 2, do Regulamento delegado (UE) n.º 2016/1149 da Comisión, do 15 de abril de 2016, poderanse efectuar sen autorización previa á solicitude de pagamento transferencias financeiras entre as accións dunha operación xa aprobada ata un máximo do 20% do importe inicialmente aprobado para cada acción, sempre que non se supere o importe total da axuda aprobada para a operación, así como cambios que supoñan un aforro global de ata o 20% do importe inicialmente aprobado para cada acción, sempre que:

a) Non afecten a admisibilidade de calquera parte da operación e os seus obxectivos estratéxicos e xerais.

b) Estean debidamente xustificadas.

c) Non supoñan un traslado de pagamentos dun exercicio Feaga a outro.

2. Así mesmo, poderanse efectuar sen aprobación previa á solicitude de pagamento as modificacións previstas na parte B do anexo XXII.

Artigo 72. Financiamento.

1. O tipo de axuda en relación cos custos de investimento admisibles a que se refire o artigo 50.4 do Regulamento (UE) n.º 1308/2013 aplicarase da seguinte forma:

- a) 50 por cento nas comunidades autónomas clasificadas como rexións menos desenvolvidas.
- b) 40 por cento nas comunidades autónomas distintas das rexións menos desenvolvidas.
- c) 75 por cento na Comunidade Autónoma de Canarias e outras rexións ultraperiféricas.

Para os investimentos noutros países da Unión Europea, terase en conta a súa localización para determinar a porcentaxe de axuda, de acordo cos tipos de axuda establecidos nos números anteriores.

2. Adicionalmente, ao tipo de axuda aplicaráselle as seguintes consideracións:

- a) Os tipos de axuda establecidos no número 1 aplicaranse:
 - Ás microempresas e pequenas e medianas empresas, segundo se definen na Recomendación 2003/361/CE da Comisión, do 6 de maio de 2003.
 - A todas as empresas, no caso da Comunidade Autónoma de Canarias.
- b) Para as empresas que non están cubertas polo título I, artigo 2, número 1, da Recomendación 2003/361/CE, con menos de 750 empregados ou cuxo volume de negocios sexa inferior a 200 millóns de euros, a intensidade de axuda será o 50% do tipo de axuda a que se refire o número 1.
- c) Para as empresas que non están cubertas polo título I, artigo 2, número 1, da Recomendación 2003/361/CE con 750 ou máis empregados e cuxo volume de negocios sexa igual ou superior a 200 millóns de euros, a intensidade de axuda será o 25% do tipo de axuda a que se refire o número 1.

3. En todos os casos, incluídos os supostos de grandes empresas, para determinar o número de empregados e o volume de negocios dos solicitantes utilizaranse os criterios de cálculo establecidos na Recomendación 2003/361/CE da Comisión.

4. Cando o solicitante sexa unha asociación de dous ou máis produtores, con personalidade xurídica, dos produtos mencionados no anexo VII, parte II, do Regulamento (UE) n.º 1308/2013 do Parlamento Europeo e do Consello, do 17 de decembro de 2013, sen actividade económica, calcularase a axuda proporcionalmente á participación de cada un dos produtores no investimento, de acordo co tipo de axuda que tería cada produtor de forma independente.

5. Para os investimentos noutros países da Unión Europea, terase en conta a súa localización para determinar a porcentaxe de axuda, de acordo cos tipos de axuda establecidos nos números anteriores.

Artigo 73. Pagamentos.

1. O investimento deberá ser xustificado e pagado, como máximo, en dous exercicios Feaga.

A xustificación por parte do beneficiario ante a Administración competente deberá realizarse antes do 30 de abril de cada exercicio Feaga, ben que a autoridade competente da comunidade autónoma poderá considerar outros prazos máis restritivos.

De acordo co calendario de execución, o beneficiario deberá presentar a solicitude de pagamento da axuda ante as autoridades competentes, que deberán emitir unha resolución de pagamento unha vez que se certifique que se executaron as accións previstas na operación de investimento, e estas deberán realizar o pagamento ao beneficiario nun prazo máximo de 12 meses desde a data da solicitude de pagamento.

A solicitude de pagamento irá acompañada, polo menos, da seguinte documentación:

- a) Memoria de execución valorada, coa relación de gastos, facturas e xustificantes de pagamento. Ademais, a memoria de execución incluírá a relación das diferenzas existente entre os traballos previstos e os realizados e, se for o caso, a xustificación das causas excepcionais ou de forza maior.
- b) Declaración do beneficiario de que non solicitou nin percibiu ningunha outra axuda para o mesmo investimento nin se encontra inmerso nun proceso de reintegro de subvencións.
- c) Declaración responsable referida á titularidade da conta bancaria en que se solicita o ingreso da subvención.
- d) No caso de adquisición de edificacións deberase achegar, ademais, un certificado dun taxador independente debidamente acreditado, ou dun órgano ou organismo público debidamente autorizado, en que se acredite que o prezo de compra non excede o valor de mercado, desagregando o valor do solo a prezos de mercado.
- e) Facturas ou documentos contables de valor probatorio equivalente, respecto do gasto, e acreditación dos pagamentos.
- f) Acreditación de que o beneficiario está ao día respecto das súas obrigacións tributarias e fronte á Seguridade Social, así como polo reintegro de subvencións.
- g) Calquera outra documentación exixida por unha normativa de obrigado cumprimento, así como a indicada na resolución de concesión, co obxecto de acreditar algunha das circunstancias ou requisitos necesarios para conceder a axuda.

O pagamento da axuda estará supeditado á presentación das contas xustificativas do investimento, verificadas por un auditor de contas ou sociedade de auditoría inscritos no Rexistro Oficial de Auditores de Contas ou, na súa falta, á verificación por parte da comunidade autónoma das facturas e dos documentos mencionados anteriormente. Esta comprobación incluírá, como mínimo, unha inspección *in situ* para cada expediente de axuda.

2. Cando a operación se executase totalmente pero non quede acreditado un investimento subvencionable equivalente, polo menos, ao 60% do inicialmente aprobado, non se aboará axuda ningunha.

3. A axuda correspondente ao pagamento final pagarase unha vez que se confirmase que todas as accións que formen parte da operación global cuberta pola solicitude de axuda, aprobada ou modificada, se executaron totalmente e foron obxecto de controis administrativos e sobre o terreo, excepto nos casos de forza maior ou circunstancias excepcionais na acepción do artigo 2.2 do Regulamento (UE) n.º 1306/2013 do Parlamento Europeo e do Consello, do 17 de decembro de 2013.

Se se comproba nos controis que a operación global cuberta pola solicitude de axuda, aprobada ou modificada, non se executou totalmente por causas que non sexan de forza maior ou circunstancias excepcionais na acepción do artigo 2.2 do Regulamento (UE) n.º 1306/2013 do Parlamento Europeo e do Consello, do 17 de decembro de 2013, e se aboaron axudas por accións individuais que formen parte da operación global recollida na solicitude de axuda, exixírase o reintegro das cantidades aboadas máis os xuros correspondentes e iniciárase o procedemento sancionador correspondente, se for o caso.

Artigo 74. *Infraccións e sancións.*

O feito de que o beneficiario execute todas as accións que formen parte da operación global cuberta pola solicitude de axuda, aprobada ou modificada, pero incumpra as obrigacións formais que son asumidas como consecuencia da concesión da subvención será considerado infracción leve segundo o previsto no artigo 56, letra c), da Lei 38/2003, do 17 de novembro, e será sancionado de conformidade co previsto no artigo 61 da dita lei, salvo causas de forza maior ou circunstancias excepcionais.

O feito de que o beneficiario non execute todas as accións que formen parte da operación global cuberta pola solicitude de axuda, aprobada ou modificada, será considerado infracción grave segundo o previsto no artigo 57, letra b), da Lei 38/2003, do 17 de novembro, e será sancionado de conformidade co previsto no artigo 62 da dita lei, salvo causas de forza maior ou circunstancias excepcionais.

Artigo 75. *Avaliación e seguimento da medida.*

1. O Ministerio de Agricultura e Pesca, Alimentación e Medio Ambiente intercambiará información, por vía electrónica, coas comunidades autónomas e co sector para garantir o seguimento da medida.

2. As comunidades autónomas remitirán ao Ministerio de Agricultura e Pesca, Alimentación e Medio Ambiente, antes do 1 de novembro de cada ano, e referido ao exercicio financeiro precedente, un informe anual do resultado das operacións de investimento.

Para estes efectos, constituirase unha base de datos que incluíra os datos das solicitudes sobrantes nos órganos competentes das comunidades autónomas que se relacionan no anexo XXIII.

3. O Ministerio de Agricultura e Pesca, Alimentación e Medio Ambiente, coa información facilitada polas comunidades autónomas a través da base de datos mencionada no número anterior e dos informes anuais do parágrafo anterior, realizará anualmente un informe xeral de avaliación da medida, acompañado, se for o caso, de propostas de modificación.

4. As comunidades autónomas facilitarán anualmente ao Ministerio de Agricultura e Pesca, Alimentación e Medio Ambiente información sobre os custos das operacións executadas polas cales se pagou a axuda, sobre a base dunha mostra de xustificantes de pagamento, co fin de revisar e, se for o caso, actualizar os importes fixados no anexo XXIV.

Sección 5.^a Colleita en verde

Artigo 76. *Ámbito de aplicación.*

1. Co fin de evitar crise de mercado e recobrar o equilibrio da oferta e a demanda no mercado vitivinícola, o Ministerio de Agricultura e Pesca, Alimentación e Medio Ambiente poderá decidir, antes do 15 de abril de cada ano, logo de solicitude debidamente xustificada dunha ou varias comunidades autónomas, conceder unha axuda á colleita en verde prevista no artigo 47 do Regulamento (UE) n.º 1308/2013 do Parlamento Europeo e do Consello, do 17 de decembro, nunha ou en parte da totalidade do territorio nacional.

O Ministerio de Agricultura e Pesca, Alimentación e Medio Ambiente, en función dunha análise da situación de mercado, fixará, entre outros, a superficie máxima que poderá ter dereito á axuda á colleita en verde para retirar do mercado un volume de produción con base nun rendemento medio por hectárea, así como o coeficiente previsto no último parágrafo do artigo 83.3, que non poderá ser superior ao 50 por cento.

2. Entenderase por colleita en verde a destrución ou eliminación total dos acios de uvas cando aínda están inmaduros, de maneira que se reduza a cero o rendemento da parcela, sen que poidan existir uvas sen vendimar na parcela de viña obxecto da axuda.

Artigo 77. *Beneficiarios.*

1. Poderanse acoller á axuda á colleita en verde os viticultores cuxas viñas se destinen á produción de uva para vinificación.

2. Non poderán ser beneficiarios aqueles que contraveñan a normativa vixente tanto en materia de plantacións de viña para calquera das superficies de viña da súa explotación como en materia das declaracións obrigatorias, segundo o artigo 18 do Regulamento (CE) n.º 436/2009 da Comisión, do 26 de maio de 2009.

Artigo 78. *Requisitos de admisibilidade.*

1. Só se poderán acoller á axuda á colleita en verde as solicitudes de parcelas completas que se destinen á produción de uva para vinificación. As solicitudes realizaranse por unha superficie mínima igual ou superior a 0,3 hectáreas.

2. Non poderá recibir axuda á colleita en verde unha mesma superficie en dúas campañas consecutivas nin parcelas de viña plantadas nas tres campañas anteriores a aquela en que se solicita a axuda para a colleita en verde.

3. A colleita en verde poderase realizar de forma manual, mecánica e química.

Artigo 79. *Presentación de solicitudes de axuda.*

1. Cando se adopte a decisión segundo o artigo 76.1, a solicitude de axuda deberase presentar, entre o 15 de abril e o 15 de maio, ante o órgano competente da comunidade autónoma en que estean situadas as parcelas de viña onde se solicite realizar a colleita en verde, de maneira electrónica no caso de persoas xurídicas, a través de calquera dos rexistros e medios previstos no artigo 16 da Lei 39/2015, do 1 de outubro.

Así mesmo, e en aplicación do previsto no segundo parágrafo do número 5 do artigo 16 da Lei 39/2015, do 1 de outubro, os solicitantes persoas físicas presentarán as súas solicitudes na mesma forma prevista no parágrafo anterior.

2. Os viticultores deberán achegar, xunto coa solicitude de axuda, como mínimo, a seguinte información:

- a) Localización e parcela sobre a cal se queira realizar a colleita en verde.
- b) Rendemento medio da parcela sobre a cal se queira efectuar a colleita en verde, considerando a media das tres últimas campañas. No caso de non se coñeceren as producións específicas das parcelas obxecto da solicitude de axuda, o rendemento medio calcularase tendo en conta a produción total declarada segundo o tipo de viño en que se encontra a parcela obxecto de solicitude de axuda, dividido entre a superficie total declarada para ese tipo de viño. Esta produción total segundo tipo de viños corresponde á declarada segundo a desagregación de datos de viña recollida no cadro B do anexo I b) do Real decreto 739/2015, do 31 de xullo, sobre declaracións obrigatorias no sector vitivinícola.
- c) Variedade de uva e tipo de viño producido segundo a declaración de colleita da campaña anterior.
- d) Forma de realización (medios propios ou por empresa) e método da colleita en verde.

3. O órgano competente da comunidade autónoma remitirá ao Ministerio de Agricultura e Pesca, Alimentación e Medio Ambiente, antes do 1 de xuño de cada ano, a información sobre as solicitudes presentadas unha vez comprobadas as condicións de elixibilidade, de acordo co número 1 do artigo 23 do Regulamento de execución (UE) 2016/1150 da Comisión, do 15 de abril de 2016. Para cada solicitude deberanse remitir os datos mínimos do anexo XXIV.

Ás solicitudes que non cumpran os requisitos de admisibilidade do número 1 aplicaráselles o previsto no número 6 do artigo 23 do Regulamento de execución (UE) 2016/1150 da Comisión, do 15 de abril de 2016.

Artigo 80. *Criterios de prioridade.*

No caso en que a superficie solicitada total ou o volume de viño estimado de retirada supere as estimacións fixadas polo Ministerio de Agricultura e Pesca, Alimentación e Medio Ambiente, recollidas no artigo 76, darase prioridade ás solicitudes que impliquen unha maior retirada potencial de viño, e ás que proveñan de explotacións de titularidade compartida, de acordo coa Lei 35/2011, do 4 de outubro.

Artigo 81. *Aceptación de solicitudes.*

1. Unha vez acordada pola Conferencia Sectorial de Agricultura e Desenvolvemento Rural a dispoñibilidade orzamentaria para un exercicio Feaga concreto, para a medida da colleita en verde, o Ministerio de Agricultura e Pesca, Alimentación e Medio Ambiente comunicará ás comunidades autónomas, antes do 1 de xullo, as solicitudes para as cales existe dispoñibilidade orzamentaria.

2. As comunidades autónomas resolverán as solicitudes e notificaránlles aos interesados.

Contra a resolución da comunidade autónoma poderase interpor o correspondente recurso en vía administrativa ou contencioso-administrativa, en función de que non esgote ou esgote a vía administrativa.

3. Co fin de que se poidan efectuar os controis oportunos, os beneficiarios comunicarán á autoridade competente a data de execución da colleita en verde e a dita comunicación poderase considerar como solicitude de pagamento da axuda. A execución da colleita en verde por parte do beneficiario deberase realizar antes do 20 de xullo.

Artigo 82. *Controis.*

1. De acordo co artigo 43 do Regulamento de execución (UE) 2016/1150 da Comisión, do 15 de abril de 2016, os controis realizaranse antes do 31 de xullo de cada ano.

2. Para os efectos do cumprimento do artigo 18 do Regulamento delegado (UE) 2016/1149 da Comisión, do 15 de abril de 2016, as comunidades autónomas deberán garantir que as superficies consideradas se manteñan en boas condicións vexetativas e que se cumpran as disposicións ambientais e as fitosanitarias.

Artigo 83. *Cálculo da axuda.*

1. A axuda á colleita en verde calcularase sumando unha compensación polos custos directos de destrución ou eliminación dos acios de uvas e outra pola perda de ingresos vinculada á destrución ou á eliminación dos acios de uva, e deberase axustar ao establecido no artigo 9 do Regulamento de execución (UE) 2016/1150 da Comisión, do 15 de abril de 2016.

2. As comunidades autónomas que prevexan solicitar esta axuda, de conformidade co número 1 do artigo 76 do presente real decreto, fixarán unha compensación pola perda de ingresos, que se calculará como o 25 por cento do valor medio da uva das tres últimas campañas no ámbito territorial onde se localice a parcela de viña obxecto da vendima en verde, que a comunidade autónoma deberá definir.

3. As comunidades autónomas que prevexan solicitar esta axuda fixarán un importe máximo por hectárea dos custos directos de destrución ou eliminación dos acios de uva para cada unha das formas de eliminación, manual, mecánica ou química. No caso de que se utilice máis dun método de colleita en verde nunha mesma superficie, a compensación basearase no método menos custoso.

4. Segundo o establecido no artigo 45 do Regulamento delegado (UE) 2016/1149 da Comisión, do 15 de abril de 2016, as contribucións en especie en forma de provisión de traballo que non fose obxecto de ningún pagamento en efectivo xustificadas con facturas ou documentos de valor probatorio equivalente poderán optar á axuda sempre que a comunidade autónoma o prevexa e o comunique ao Ministerio de Agricultura e Pesca, Alimentación e Medio Ambiente para a súa comunicación á Comisión no Programa de apoio.

Para efectos do cálculo do importe da axuda correspondente ás contribucións en especie, teranse en conta os números 2.b), 3.b) e 3.c) do artigo 45 do Regulamento delegado (UE) 2016/1149 da Comisión, do 15 de abril de 2016.

Co fin de cumprir co establecido no artigo 3.a).vi) do Regulamento de execución (UE) 2016/1150 da Comisión, do 15 de abril de 2016, o método de cálculo aplicado por cada

comunidade autónoma para determinar o valor do traballo propio e a súa adaptación anual deberase comunicar á Dirección Xeral de Producións e Mercados Agrarios do Ministerio de Agricultura e Pesca, Alimentación e Medio Ambiente, antes do 1 de febreiro de cada ano.

A compensación polos custos directos de destrución ou eliminación dos acios de uvas será o resultado de aplicar o coeficiente que fixará o Ministerio de Agricultura e Pesca, Alimentación e Medio Ambiente ao importe máximo establecido pola comunidade autónoma. O montante percibido en ningún caso poderá ser superior ao que resulte da aplicación do dito coeficiente sobre o gasto efectivamente realizado e acreditado mediante factura e xustificante de pagamento cando a colleita en verde non fose executada polo propio beneficiario.

5. As comunidades autónomas que prevexan solicitar a axuda enviarán ao Ministerio de Agricultura e Pesca, Alimentación e Medio Ambiente, xunto coa solicitude mencionada no dito número, as cantidades fixadas nos números 2 e 3 do presente artigo.

6. Para determinar o importe da axuda pola colleita en verde dunha superficie de viña, as comunidades autónomas realizarán unha medición da parcela en que se realizou a colleita en verde seguindo o método recollido no 44 do Regulamento de execución (UE) 2016/1150 da Comisión, do 15 de abril de 2016.

7. Non se pagará a axuda en caso de perda total ou parcial da produción antes da data de colleita en verde como consecuencia dun desastre natural.

Para efectos do cumprimento do parágrafo anterior, considerarase que existiu un desastre natural cando, por condicións meteorolóxicas como as xeadas, a sarabia, as chuvias ou a seca, se destrúa máis do 30% da produción calculada como a media anual dun agricultor determinado durante o trienio precedente ou dunha media trienal baseada nos cinco anos anteriores que exclúa a cifra máis elevada e a cifra máis baixa.

Artigo 84. *Pagamento da axuda aos beneficiarios.*

1. A axuda pagarase polo importe calculado segundo o artigo 83, e unha vez que se comprobouse sobre o terreo que se executou correctamente a operación.

2. Se o viticultor non executa a operación na superficie total para a cal se aprobou a axuda, terase en conta a diferenza entre a superficie aprobada ou modificada segundo o artigo 83, e a superficie realmente executada determinada polos controis sobre o terreo. Se esta diferenza non é maior do 20%, calcularase sobre a base da superficie determinada polos controis sobre o terreo. Se a diferenza é maior ou igual ao 20% e inferior ao 50%, calcularase sobre a base da superficie determinada polos controis sobre o terreo e reducida no dobre da diferenza comprobada. Non obstante, non terá dereito á axuda en caso de que esta diferenza de superficies supere o 50%.

3. A comunidade autónoma deberá emitir unha resolución de pagamento e realizar o pagamento ao beneficiario o antes posible e, como máis tarde, nun prazo máximo de doce meses desde a data da presentación da solicitude de pagamento válida e completa.

Artigo 85. *Sancións.*

O feito de que un viticultor non execute a colleita en verde nas parcelas aprobadas será considerado infracción leve segundo o previsto no artigo 38.1.g) da Lei 24/2003, do 10 de xullo, e será sancionado de conformidade co establecido no artigo 42.1 da citada lei, salvo causas de forza maior ou circunstancias excepcionais.

Artigo 86. *Condicionalidade.*

Se se constata que un beneficiario, en calquera momento durante un ano, a partir do 1 de xaneiro do ano natural en que se producise o primeiro pagamento en virtude da presente sección, non respectou na súa explotación os requisitos legais de xestión e as boas condicións agrarias e ambientais a que se refiren os artigos 91, 92, 93, 94 e 95 do Regulamento (UE) n.º 1306/2013 do Parlamento Europeo e do Consello, do 17 de decembro de 2013, o importe da axuda, en caso de que o incumprimento se deba a unha

acción ou omisión atribuible directamente ao beneficiario, reducirase ou cancelarse, parcial ou totalmente, dependendo da gravidade, alcance, persistencia e repetición do incumprimento, e o beneficiario deberá reintegrala, se procede, conforme o establecido nas citadas disposicións. Para efectos deste control de condicionalidade, as comunidades autónomas deberán dispor de información actualizada sobre as referencias alfanuméricas Sixpac de todas as parcelas que forman parte da explotación do beneficiario.

CAPÍTULO III

Controis e pagamento

Artigo 87. *Controis.*

1. As actuacións de control serán realizadas conforme o establecido no presente real decreto e, en especial, aplicaranse as disposicións en materia de control fixadas no capítulo IV do Regulamento de execución (UE) 2016/1150 da Comisión, do 15 de abril de 2016.

2. As comunidades autónomas articularán as medidas de control necesarias para garantir o cumprimento das actuacións previstas nun plan xeral de control elaborado polo Fondo Español de Garantía Agraria en coordinación con estas. No caso da reestruturación e reconversión de viña, o plan xeral citado terá en conta o rexistro vitícola da comunidade autónoma correspondente.

3. Como complemento ao plan xeral de control que se estableza, as autoridades competentes poderán desenvolver cantas actuacións de control consideren precisas.

4. Para aquelas axudas relacionadas coa superficie, os controis administrativos e sobre o terreo estableceranse tendo en conta os principios xerais do sistema integrado de xestión e control previstos no Regulamento (UE) n.º 1307/2013 do Parlamento Europeo e do Consello, do 17 de decembro de 2013.

5. Antes do 15 de xaneiro de cada ano, as comunidades autónomas remitirán ao Fondo Español de Garantía Agraria un informe anual sobre os controis executados durante o exercicio financeiro anterior respecto a cada medida do programa de apoio, utilizando os modelos que figuran no anexo IX.

Artigo 88. *Pagamento.*

O outorgamento e pagamento ou denegación das axudas a que se refire este real decreto corresponde á autoridade competente da comunidade autónoma onde se presente a axuda.

As axudas reguladas neste real decreto financiaranse con cargo ao Fondo Europeo Agrícola de Garantía.

Artigo 89. *Pagamentos indebidos e sancións.*

1. O beneficiario deberá reintegrar os pagamentos indebidos xunto cos xuros, segundo o establecido no artigo 40 do Regulamento de execución (UE) 2016/1150 da Comisión, do 15 de abril de 2016. O tipo de xuro que se aplicará será o de demora establecido na correspondente Lei de orzamentos xerais do Estado de cada exercicio.

2. O incumprimento do disposto neste real decreto será sancionado, logo de instrución do procedemento sancionador, segundo o disposto nos artigos 37 a 45 da Lei 24/2003, do 10 de xullo, e nos artigos 52 a 69 da Lei 38/2003, do 17 de novembro.

Artigo 90. *Comunicación relativa aos anticipos.*

1. Para os anticipos concedidos na medida de promoción en mercados de terceiros países segundo o artigo 14, o beneficiario deberá presentar cada ano ao organismo pagador, antes do 31 de xullo, xunto coa solicitude do pagamento do saldo da anualidade correspondente, unha declaración dos gastos que xustifiquen o uso dos anticipos na anualidade correspondente e a confirmación do saldo restante do anticipo non utilizado.

2. Para os anticipos concedidos á medida de reestruturación e reconversión de viñas, segundo o artigo 38, os beneficiarios deberán comunicar cada ano ao organismo pagador, antes do 31 de outubro, unha declaración dos gastos que xustifique o uso dos anticipos ata o 15 de outubro correspondente e a confirmación do saldo restante dos anticipos non utilizados en 15 de outubro.

3. Para os anticipos concedidos na medida de destilación de subprodutos segundo o artigo 58, o beneficiario deberá presentar cada ano ao organismo pagador, antes do 20 de xullo, xunto coa solicitude do pagamento do saldo, unha declaración dos gastos que xustifiquen o uso dos anticipos no exercicio Feaga correspondente e a confirmación do saldo restante do anticipo non utilizado.

4. Os beneficiarios de operacións para os cales a contribución da Unión sexa inferior a 5.000.000 de euros non estarán obrigados á comunicación relativa aos anticipos establecida nos números 1, 2 e 3 do presente artigo.

5. Os organismos pagadores de cada comunidade autónoma deberán incluír nas súas contas anuais do exercicio Feaga en curso a información relacionada coa utilización dos anticipos nos prazos fixados.

6. Para os efectos do artigo 27.2 do Regulamento delegado (UE) n.º 907/2014 da Comisión, do 11 de marzo de 2014, sobre liberación da garantía, as probas do dereito á concesión definitiva que deberán presentarse serán a última declaración de gastos e a confirmación do saldo a que se fai referencia nos números 1 a 3 do presente artigo. No caso dos anticipos concedidos para operacións relacionadas coa medida de reestruturación e reconversión de viña, a última declaración de gastos e a confirmación do saldo facilitaranse ao final do segundo exercicio financeiro posterior ao pagamento.

Artigo 91. *Compatibilidade das axudas.*

1. Non se financiarán cos fondos do Programa nacional de apoio as medidas que están recollidas nos programas de desenvolvemento rural ao abeiro do Regulamento (UE) n.º 1305/2013, relativos á axuda ao desenvolvemento rural, e as medidas que están recollidas no Regulamento (CE) n.º 1040/2002 da Comisión, do 14 de xuño de 2002, polo que se establecen normas particulares de execución das disposicións relativas á asignación dunha participación financeira da Comunidade para a loita fitosanitaria e se derroga o Regulamento (CE) n.º 2051/97, nin outras medidas financiadas por instrumentos financeiros da Unión Europea.

Non obstante, para a medida de investimentos, os compromisos de investimento aprobados a partir do 1 de xullo de 2018 para os produtos mencionados no anexo VII, parte II, do Regulamento (UE) n.º 1308/2013 do Parlamento Europeo e do Consello, do 17 de decembro de 2013, financiaranse exclusivamente cos fondos do Programa de apoio ao sector vitivinícola español. Neste sentido, considerarase incompatible coa axuda a percepción de financiamento, para o mesmo investimento, derivado do uso de instrumentos financeiros apoiados pola Unión Europea, en especial do Banco Europeo de Investimentos.

Tampouco se financiarán cos fondos do Programa nacional de apoio os programas simples de información e de promoción de viño asociado a outros produtos agroalimentarios ou os programas múltiples de información e promoción de viño, regulados ao abeiro do Regulamento (UE) n.º 1144/2014 do Parlamento Europeo e do Consello, sobre accións de información e de promoción relativas a produtos agrícolas no mercado interior e en terceiros países, e polo que se derroga o Regulamento (CE) n.º 3/2008 do Consello.

2. A percepción das subvencións previstas neste real decreto para financiar a operación presentada será incompatible con calquera outra que, para a mesma finalidade e obxecto, poidan establecer outras administracións públicas ou outros entes públicos ou privados, nacionais ou internacionais.

3. Para os efectos do artigo 27 do Regulamento de execución 2016/1150 da Comisión, do 15 de abril de 2016, as comunidades autónomas garantirán a existencia dun sistema de control eficaz para evitar o dobre financiamento das medidas recollidas no presente real decreto.

Artigo 92. *Erro manifesto.*

Calquera comunicación, solicitude ou petición cursada ás autoridades competentes, en virtude das axudas recollidas neste real decreto, incluída unha solicitude de axuda, poderá corrixirse en calquera momento despois da súa presentación en caso de erros manifestos materiais, de feito ou aritméticos, recoñecidos pola autoridade competente.

Disposición adicional primeira. *Non incremento do gasto público.*

A constitución e o funcionamento da Comisión prevista no artigo 10, e do Comité regulado no artigo 23, non suporán incremento de gasto e serán atendidos cos medios persoais e materiais existentes na Dirección Xeral da Industria Alimentaria do Ministerio de Agricultura e Pesca, Alimentación e Medio Ambiente.

Así mesmo, o resto das medidas previstas neste real decreto non poderán supor incremento de dotacións, nin de retribucións nin doutros gastos de persoal.

Disposición adicional segunda. *Condición suspensiva.*

A concesión das axudas previstas neste real decreto, cuxo pagamento se deba efectuar, total ou parcialmente, a partir do 15 de outubro de 2020, queda condicionada á existencia de crédito adecuado e suficiente nos fondos do Feaga e nas correspondentes aplicacións orzamentarias do FEAGA ou das comunidades autónomas, vinculadas ao Programa de apoio 2019-2023 ao sector vitivinícola español.

Para estes efectos, se os fondos existentes non son suficientes para atender o pagamento das axudas concedidas e executadas, procederase por rigorosa orde de presentación da solicitude completa de pagamento das actividades subvencionadas.

Disposición transitoria primeira. *Promoción en mercados de terceiros países.*

Non obstante o previsto na disposición derogatoria única, as comunidades autónomas poderán realizar resolucións complementarias, de acordo co previsto no número 2 do artigo 11, para as solicitudes presentadas antes do 15 de febreiro de 2017 e aprobadas con base no artigo 10.4.b).2.º do Real decreto 597/2016, do 5 de decembro, para a aplicación das medidas do Programa de apoio 2014-2018 ao sector vitivinícola.

Disposición transitoria segunda. *Reestruturación e reconversión de viña.*

Non obstante o previsto na disposición derogatoria única respecto da reestruturación e reconversión de viña, aboaranse con cargo aos exercicios Feaga 2019 a 2023 as operacións finalizadas en 31 de xullo de 2018 e que non puidesen ser pagadas antes do 15 de outubro de 2018, para cuxo efecto os requisitos e condicións serán os establecidos no Real decreto 597/2016, do 5 de decembro, para a aplicación das medidas do Programa de apoio 2014-2018 ao sector vitivinícola.

As medidas aprobadas e non finalizadas en 31 de xullo de 2018 por causas de forza maior ou circunstancias excepcionais, segundo se recollen no segundo punto do artigo 2 do Regulamento (UE) n.º 1306/2013 do Parlamento Europeo e do Consello, do 17 de decembro de 2013, ou segundo estableza a correspondente comunidade autónoma na súa normativa, serán liquidadas ou pagadas con cargo aos exercicios Feaga 2019 a 2023, conforme os importes e accións recollidos no artigo 37 do presente real decreto. As comunidades autónomas poderán determinar que sexan executadas conforme os requisitos e condicións previstos neste real decreto.

Disposición transitoria terceira. *Investimentos.*

A sección cuarta do Real decreto 548/2013, do 19 de xullo, para a aplicación das medidas do Programa de apoio 2014-2018 ao sector vitivinícola español, seguirá sendo de aplicación para as solicitudes da medida de investimentos presentadas ata o 1 de febreiro de 2015.

Disposición transitoria cuarta. *Aplicación normativa.*

Non obstante o previsto na disposición derogatoria única, as axudas concedidas conforme o Real decreto 597/2016, do 5 de decembro, para a aplicación das medidas do Programa de apoio 2014-2018 ao sector vitivinícola, e que se encontren en execución ou non fosen aboadas no momento da entrada en vigor deste real decreto, ou que estean vinculadas ao mantemento durante un período determinado das condicións en función das cales se outorgaron, rexeranse polo previsto no dito Real decreto 597/2016, do 5 de decembro.

Disposición derogatoria única. *Derogación normativa.*

Queda derogado o Real decreto 597/2016, do 5 de decembro, para a aplicación das medidas do Programa de apoio 2014-2018 ao sector vitivinícola.

Disposición derradeira primeira. *Título competencial.*

Este real decreto dítase ao abeiro do disposto no artigo 149.1.13.^a da Constitución, que atribúe ao Estado a competencia exclusiva en materia de bases e coordinación da planificación xeral da actividade económica, salvo a sección primeira do capítulo II, que se dita ao abeiro do disposto no artigo 149.1.10.^a da Constitución, que atribúe ao Estado a competencia exclusiva en materia de comercio exterior.

Disposición derradeira segunda. *Facultade de modificación.*

Facúltase o ministro de Agricultura e Pesca, Alimentación e Medio Ambiente para modificar o contido dos anexos do presente real decreto, cando as ditas modificacións sexan exixidas como consecuencia da normativa da Unión Europea. Ademais, poderá modificar as datas e os prazos contidos na presente disposición.

Disposición derradeira terceira. *Deber de información.*

O Ministerio de Agricultura e Pesca, Alimentación e Medio Ambiente e as comunidades autónomas proporcionaranse, preferentemente por vía electrónica, a información necesaria para facilitar o seguimento das disposicións recollidas neste real decreto.

Disposición derradeira cuarta. *Entrada en vigor.*

O presente real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 12 de xaneiro de 2018.

FELIPE R.

A ministra de Agricultura e Pesca, Alimentación e Medio Ambiente,
ISABEL GARCÍA TEJERINA

ANEXO I

Accións e actividades de promoción

Accións	Actividades
a) Relacións públicas e medidas de promoción e publicidade que destaquen en particular as vantaxes dos produtos da Unión Europea en termos de calidade, seguridade alimentaria e respecto ao ambiente.	Misións comerciais. Campañas publicitarias de natureza diversa (TV, radio, prensa, eventos, etc.). Promocións en puntos de venda. Portais web para promoción exterior, redes sociais. Misións inversas. Oficinas de información. Gabinete de prensa. Presentacións de produto, catas.
b) Participación en manifestacións, feiras e exposicións de importancia internacional.	Feiras e exposicións internacionais, etc., sectoriais ou xerais, profesionais e de consumidores. Catas.
c) Campañas de información, en particular sobre os sistemas da Unión Europea de denominacións de orixe, indicacións xeográficas e produción ecolóxicas.	Encontros empresariais, profesionais, líderes de opinión e consumidores. Xornadas, seminarios, catas, degustacións, etc.
d) Estudos de novos mercados, necesarios para a busca de novas saídas comerciais.	Estudos e informes de mercado.
e) Avaliación dos resultados das medidas de promoción e información.	Estudos de avaliación de resultados das medidas de promoción.

ANEXO II

Lista de produtos

Os produtos mencionados no artigo 6 son os seguintes:

1. Viño.
2. Viño de licor.
3. Viño espumoso.
4. Viño espumoso de calidade.
5. Viño espumoso aromático de calidade.
6. Viño de agulla.
7. Viño de agulla gasificado.
8. Viño de uvas pasificadas.
9. Viño de uvas sobremaduras.
10. Viños ecolóxicos.

ANEXO III

Lista de países prioritarios

Grupo 1:

Estados Unidos.
Canadá.
Xapón.
China (incluídos Hong Kong e Taiwán).
Suíza.
Rusia.
México.

Grupo 2:

Corea do Sur.
Brasil.
Noruega.
Australia.
Perú.
Colombia.
Singapur.
República Dominicana.
Cuba.
Costa Rica.
Panamá.

Grupo 3:

India.
Malaisia.
Filipinas.
Vietnam.
Porto Rico.
Tailandia.

ANEXO IV

I. Formulario de beneficiario

Débase cubrir un único formulario por beneficiario

- | | |
|-----|--|
| 1 | BENEFICIARIO. |
| 1.1 | Presentación:
Nome, enderezo, enderezo de correo electrónico, teléfono, fax, persoa de contacto responsable do programa. |
| 1.2 | Tipo de beneficiario (de acordo co artigo 5 do presente real decreto). |
| 1.3 | Trátase dun novo beneficiario? SI/NON. |
| 1.4 | Características da organización ou empresa proponentes.
Representatividade, importancia no sector, volume de comercialización global e respecto á DOP/IXP a que pertence. |
| 1.5 | Tipo da empresa:
– Especificíquese se se trata dunha entidade asociativa prioritaria ou dunha entidade de base dela, ou unha cooperativa ou outra entidade asociativa agroalimentaria.
– Especificíquese se se trata dunha entidade resultante dun proceso de integración acollida ao Real decreto 1009/2015, do 6 de novembro, nos dous últimos anos anteriores á solicitude. |
| 1.6 | Trátase dunha empresa/grupo empresarial? SI/NON
En caso afirmativo, especificíquese diagrama do grupo empresarial (indicando porcentaxes) cales son as adegas do grupo que participan no programa. |
| 2. | Acreditación da DISPOÑIBILIDADE DE RECURSOS SUFICIENTES. |
| 2.1 | Balance de contas.
Copia das declaracións financeiras e/ou informes anuais dos 3 últimos anos. |
| 2.2 | Xustificación da dispoñibilidade de fondos suficientes para atender a parte do orzamento para a cal se solicita cofinanciamento. |
| 3 | Acreditación da CAPACIDADE TÉCNICA. |
| 3.1 | Descrición dos recursos para a execución do programa (persoal e medios).
Defínase estrutura interna/externa (departamentos e funcións).
Especificíquese se os recursos son propios ou alleos.
Se se seleccionaron varios organismos de execución, indíquense as actuacións que aplicará cada un deles. |
| 3.2 | Xustificación da capacidade para executar o programa (experiencia en actuacións de promoción). |
| 4. | Capacidade DE RESPONSA COMERCIAL. |
| 4.1 | Diversidade de tipos de viño e zonas xeográficas en que está presente. Indíquense as marcas comerciais dos diferentes tipos de viños. |
| 4.2 | Volume de comercialización e volume exportado dos tres últimos anos (detallando o volume para os países obxecto do programa). |
| 4.3 | Volume de comercialización dispoñible para posible resposta comercial. |
-

II. Formulario de programa

1	CARACTERÍSTICAS DO PROGRAMA.
1.1	Produto(s). Especifíquense os produtos obxecto de promoción dos recollidos no anexo II.
1.2	Destino dos programas. Especifíquense os países ou mercados de terceiro país de destino e detalle os motivos polos que foron seleccionados e as posibilidades de comercialización dos produtos nos destinos elixidos.
1.3	Trátase dun programa dirixido a un novo destino? SI/NON. En caso afirmativo, especifíquese o novo(s) país(es) ou rexión(s) de terceiro(s) país(es) de destino.
1.4	Duración: 12-24-36 meses.
1.5	É continuación dun programa presentado no exercicio Feaga anterior? SI/NON.
1.6	Trátase dunha prórroga? SI/NON.
2	OBXECTIVO. En termos de obxectivos concretos e, se for posible, cuantificados.
3	ESTRATEGIA. Especifíquese que instrumentos de márketing e comunicación se utilizarán para alcanzar os obxectivos do programa.
4	ACCIÓNNS.
4.1	Descrición detallada cada unha das accións e actividades por país ou mercado.
4.2	Calendario previsto. Lugares e datas onde se levarán a cabo as actividades (menciónese a cidade ou, en casos excepcionais, a rexión; por exemplo, «os Estados Unidos» non é suficientemente preciso).
5	PÚBLICO OBXECTIVO. Especifique se vai dirixido a consumidor, a distribuidores (supermercados, grosistas, retallistas especializados, abastecedores, restaurantes) a importadores, a líderes de opinión (xornalistas e expertos gastronómicos), a escolas de gastronomía e restauración ...
6	MENSAXES. Sobre as calidades intrínsecas dos produtos ou, en caso de tratarse de viños que contan cunha IXP/DOP, a orixe do produto.
7	REPERCUSIÓN PREVISIBLE E MÉTODO PARA MEDILA. Polo que se refire á evolución da demanda, a notoriedade e a imaxe do produto ou calquera outro aspecto vinculado aos obxectivos.
7.1	Especifíquese e cuantifíquese a repercusión previsible en termos de resultados realistas.
7.2	Especifíquese o método (cuantitativo e/ou cualitativo) e os indicadores que se utilizarán para medir os resultados ou repercusións.
8	INTERESE NACIONAL E COMUNITARIO DO PROGRAMA.
9	ORZAMENTO.
9.1	Cadro recapitulativo. Elabore un cadro recapitulativo para cada país de destino e exercicio Feaga. A presentación do orzamento debe aterse á mesma estrutura e á mesma orde que a descrición das actividades. Véxase o modelo do punto VI do anexo IV orzamento recapitulativo.
9.2	Xustificación de que os custos propostos non superan os prezos normais de mercado. Cando proceda, a través da comparación de diferentes ofertas.
10	OUTROS DATOS PERTINENTES.

III. Diferenzas novo mercado

Deberanse sinalar unicamente no cadro as diferenzas respecto ao programa anterior desenvolvido no mesmo país.

	Programa executado	Programa que se executará
Actividades		
Público obxectivo		

IV. Declaracións obrigatorias

a) Compromiso da organización ou empresa propoñentes de garantir o seu financiamento para toda a duración do programa.

b) Declaración da organización ou empresa propoñentes de non ter solicitado nin recibido axudas incompatibles.

IV. Orzamento recapitulativo

Acción	Actividade	Exercicio I Anualidade I	Exercicio II Anualidade II	Exercicio III Anualidade III	Total
a)					
b)					
c)					
d)					
e)					
Gastos administrativos* (max. 4% do total de accións subvencionables).					
Custos de persoal (13%).					

* Poderán incluír os custos do certificado dos estados financeiros.

ANEXO V

I. Criterios de priorización

	Puntuación máxima
i) Características do propoñente:	45 puntos
a) Programas presentados por novos beneficiarios	20 puntos
b) Entidades asociativas prioritarias ou as súas entidades de base, ou cooperativas e outras entidades asociativas agroalimentarias (SAT, sociedades mercantís, sempre que máis do 50% do seu capital social pertenza a cooperativas ou SAT)	7 puntos
Órganos de xestión e de representación das indicacións xeográficas protexidas e denominacións de orixe protexidas vínicas, así como as súas asociacións	6 puntos
Organizacións de produtores vitivinícolas recoñecidas para os produtos mencionados no punto iv. No caso de que sexa unha forma recoñecida no punto anterior, non será acumulativo	5 puntos
Asociacións, con personalidade xurídica propia, participadas maioritariamente (máis dun 50%) por produtores dos produtos mencionados no punto iv, sexa directamente ou a través de sociedades, e non recollidas no primeiro punto desta epígrafe	3 puntos
a) Certificacións ambientais.	3 puntos
d) Beneficiarios que sexan produtores vitivinícolas.	15 puntos
ii) Características do programa:	45 puntos
a) Programas que teñan como obxectivo un novo país ou un novo mercado dun terceiro país.	20 puntos
b) Mercado de destino dos programas	10 puntos
c) Alcance e cobertura do programa	15 puntos
iii) Interese para a comunidade autónoma:	10 puntos
a) Criterio que decidirá cada comunidade autónoma segundo as súas prioridades rexionais	10 puntos
Valoración total xeral	100 puntos

1.º Características do propoñente.

I) Programas presentados por novos beneficiarios (20 puntos), entendendo como tales aqueles que non participasen nunca ou cuxos programas nunca formasen parte da lista de selección proposta pola Comisión Nacional de Selección de Programas, do artigo 10, desde o exercicio Feaga 2014.

II) Priorización dos solicitantes (máximo 7 puntos).

Entidades asociativas prioritarias recoñecidas para o sector do viño (incluídas multisectoriais) de acordo co Real decreto 550/2014, do 27 de xuño, polo que se desenvolven os requisitos e o procedemento para o recoñecemento das entidades asociativas prioritarias e para a súa inscrición e baixa no Rexistro Nacional de Entidades Asociativas Prioritarias, previsto na Lei 13/2013, do 2 de agosto, de fomento da integración de cooperativas e doutras entidades asociativas de carácter agroalimentario. Así mesmo, serán priorizadas as súas entidades de base. Tamén serán priorizadas as entidades asociativas prioritarias rexionais ou figuras análogas reguladas a nivel autonómico, así como as súas entidades de base (recoñecidas tamén para o sector do viño), (7 puntos). Cooperativas e outras entidades asociativas agroalimentarias (SAT, sociedades mercantís, sempre que máis do 50% do seu capital social pertenza a cooperativas ou SAT), (7 puntos).

Órganos de xestión e representación das indicacións xeográficas protexidas e denominacións de orixe protexidas vínicas, así como as súas asociacións (6 puntos).

Organizacións de produtores vitivinícolas recoñecidas para os produtos mencionados no punto iv. No caso de que sexa unha forma recoñecida no punto anterior, non será acumulativo (5 puntos).

Asociacións, con personalidade xurídica propia, participadas maioritariamente (máis dun 50%) por produtores dos produtos mencionados no punto iv, sexa directamente ou a través de sociedades, e non recollidas no primeiro punto desta epígrafe (3 puntos).

III) Certificacións ambientais. Priorizaranse aqueles solicitantes cuxas instalacións dispoñen de certificación ambiental (máximo 3 puntos):

Segundo o Regulamento comunitario EMAS (Regulamento (CE) n.º 1221/2009) ou a Norma ISO 14.001 (2 puntos).

Certificado Wineries for Climate Protection (1 punto).

As ditas certificacións deberán ser acreditadas e achegadas xunto coa solicitude.

IV) Beneficiarios que sexan produtores vitivinícolas: entendendo como tales aqueles que, independentemente da súa forma xurídica, sexan elaboradores de viño (comercialicen ou non) (15 puntos).

2.º Características do programa.

I) Programas que teñan como obxectivo un novo terceiro país ou un novo mercado dun terceiro país (máximo 20 puntos): entendendo como tales aqueles programas que nunca formasen parte da lista de selección proposta pola Comisión Nacional de Selección de Programas, do artigo 10, desde o exercicio Feaga 2014.

Considerarase que o programa se realiza nun novo mercado dun terceiro país cando existan, polo menos, tres diferenzas nas actividades e/ou no público obxectivo a que van dirixidas, con respecto a un programa anterior desenvolvido no mesmo país. As diferenzas deberán reflectirse no cadro III «Diferenzas novo mercado» do anexo IV.

Puntuaranse unicamente os programas ou a parte dos programas dirixidos a terceiros países ou mercados de terceiros países que nunca antes fosen seleccionados para un determinado beneficiario. A puntuación repartirase de forma proporcional á porcentaxe de orzamento destinado aos novos países ou mercados e os 20 puntos só corresponderán aos programas en que estes destinos supoñan o 100% do orzamento.

II) Destino dos programas (máximo 10 puntos):

Os 10 puntos repartiranse segundo o grupo ou grupos de países do anexo III a que pertencen os destinos elixidos para desenvolver os programas. A repartición da puntuación farase con base na porcentaxe de orzamento destinado aos ditos grupos de países prioritarios e a puntuación asignarase da seguinte maneira, segundo proceda:

En función do orzamento dirixido a países do grupo 1:

- Menos do 75%: 5 puntos.
- Entre 75 e menos do 80%: 6 puntos.
- Entre 80 e menos do 85%: 7 puntos.
- Entre 85 e menos do 90%: 8 puntos.
- Entre 90 e menos do 95%: 9 puntos.
- Entre 95 e 100%: 10 puntos.

En función do orzamento dirixido a países do grupo 2 ou a combinacións de países do grupo 2 e países do grupo 1:

- Menos do 75%: 2,5 puntos.
- Entre 75 e menos do 80%: 3 puntos.
- Entre 80 e menos do 85%: 3,5 puntos.

- Entre 85 e menos do 90%: 4 puntos.
- Entre 90 e menos do 95%: 4,5 puntos.
- Entre 95 e 100%: 5 puntos.

En función do orzamento dirixido a países do grupo 3 ou a combinacións de países do grupo 3 con países dos outros dous grupos:

- Menos do 50%: 1 punto.
- Entre o 50% e menos do 75%: 2 puntos.
- Polo menos o 75%: 2,5 puntos.

III) Alcance e cobertura do programa (máximo 15 puntos):

A puntuación concederáse da seguinte forma:

- 7,5 puntos en función do alcance e cobertura en termos de actividades previstas. Outorgaranse as seguintes puntuacións: dúas actividades = 2,5 puntos, tres actividades = 5 puntos, catro ou máis actividades = 7,5 puntos,
- 7,5 puntos en función do alcance e cobertura en termos de grupo destinatario (número de contactos previstos, etc.), entendendo por grupo destinatario: distribución, restauración, consumidor final, distribuidor, importador e líderes de opinión. Outorgaranse as seguintes puntuacións: dous destinatarios = 2,5 puntos, tres destinatarios = 5 puntos, catro ou máis destinatarios = 7,5 puntos.

3.º Interese para a comunidade autónoma. Criterio que deberá decidir a comunidade autónoma (máximo 10 puntos).

Só serán de aplicación aqueles criterios que estean baseados nunha estratexia territorial para o sector do viño, compatible coa estratexia e cos obxectivos previstos no Programa nacional de apoio presentado por España á Comisión Europea. Ademais, deberán cumprir o establecido no artigo 11.2 do Regulamento delegado (UE) 2016/1149 da Comisión, do 15 de abril de 2016; en particular, deberán ser obxectivos e non discriminatorios e non poderán estar vinculados coa localización territorial do beneficiario ou coas súas instalacións nin ir en contra das prioridades establecidas pola Comisión para a medida de promoción.

No caso dos organismos públicos de ámbito nacional, o criterio que deberá decidir a comunidade autónoma non será de aplicación.

ANEXO VI

Lista

Lista provisional de programas de promoción do viño en países terceiros seleccionados pola comunidade autónoma										PUNTUACIÓN									
Comunidade Autónoma:										Criterios de priorización									
N.º de programa	Total puntos	NIF	Beneficiario	Acción subvencionable (anexo I do presente real decreto)	Actividade (anexo I do presente real decreto)	Mercado	Orzamento total exercicio Feaga XXX	Orzamento total exercicio Feaga XXX	Orzamento total exercicio Feaga XXX	Propoñente				Programa			CCAA		
										a)	b)	c)	d)	a)	b)	c)		a)	

ANEXO VII

Condicións para a subvencionabilidade dos custos de persoal, gastos administrativos e outros

a) Custos de persoal propio dedicado en exclusiva ás actividades de promoción. Deberán demostrar a relación contractual coa empresa, mediante os datos do contrato, cotización á Seguridade Social a cargo da empresa, e os impostos persoais á renda (IRPF). Tanto se é persoal técnico como administrativo deberase demostrar a dedicación en exclusiva ás actividades de promoción establecidas no programa aprobado.

b) Custos de persoal propio non dedicado en exclusiva ás actividades de promoción: deberán demostrar a relación contractual coa empresa mediante os datos do contrato, cotización á Seguridade Social e o IRPF. Ademais, deberán achegar as correspondentes táboas horarias onde se indique categoría profesional, número de horas de dedicación, custo horario e custo total, así como certificación do responsable de persoal da empresa que acredite a relación do traballador co programa aprobado. Avaliarase a coherencia das ditas táboas co programa e subvencionarase unicamente o importe xustificado mediante as ditas táboas.

c) Custos de persoal autónomo. Deberán achegar copia do contrato que acredite a relación coa empresa, así como as facturas xustificativas do gasto.

A suma das alíneas a), b) e c) (custos de persoal) non poderá superar o 13% do total dos custos subvencionables das accións executadas; por este motivo, os ditos gastos deberán figurar convenientemente desagregados no orzamento recapitulativo do programa que se presente.

O beneficiario deberá presentar xustificantes que expoñan os detalles do traballo realmente efectuado en relación coa operación concreta ou con cada medida acción subxacente, se procede.

Para efectos da determinación dos custos de persoal relacionados coa execución dunha operación por parte do persoal permanente do beneficiario, poderá calcularse a tarifa horaria aplicable dividindo entre 1.720 horas os últimos custos salariais anuais brutos documentados dos empregados concretos que traballasen na execución da operación.

d) Gastos administrativos: serán subvencionables ata un límite dun 4 por cento dos custos subvencionables totais de execución das actividades promocionais e incluírán, se for o caso, os gastos correspondentes ao certificado dos estados financeiros, recollidos no artigo 15.7. Estes gastos, para seren subvencionables, deberán estar recollidos como unha partida específica no orzamento recapitulativo do programa. Xustificaranse mediante un certificado do beneficiario que acredite eses gastos de administración e xestión do programa aprobado.

e) Aloxamento, manutención e comidas colectivas.

- Aboarase unha axuda de custo máxima polo aloxamento: 120 euros/día en España e 180 euros/día en terceiros países, logo da presentación das facturas pagadas.

- Aboarase unha axuda de custo a tanto global por estancia de 80 euros ao día en España e de 90 euros ao día en terceiros países para cubrir todos os demais gastos (comidas, transporte local, teléfono, etc.).

- Estas axudas de custo aboaranse pola participación en eventos fóra do lugar de traballo e cubrirán o número de días necesario para a realización da actividade. Para comidas colectivas aboarase un importe máximo de 60 euros/persoa en España e 70 euros/persoa en terceiros países logo da presentación de facturas.

f) Viño que se empregará como material promocional: no caso de catas, misións inversas e similares será dun máximo dunha botella por cada 6 participantes.

ANEXO VIII

Relación de gastos non subvencionables

- Provisións para futuras posibles perdas ou débedas.
- Gastos de transporte en taxi ou transporte público, cubertos polas axudas de custo diarias.
 - Gastos bancarios, xuros bancarios ou primas das pólizas de seguros. Entre os ditos gastos encóntranse, en particular, os gastos de constitución e mantemento dos avais bancarios que responden como garantía.
 - Perdas por cambio de divisas.
 - No caso de que se repita ou solicite unha prórroga para realizar o programa de promoción no mesmo país, non se poderán incluír gastos de actividades promocionais xa solicitadas no programa anterior (ex. custos de creación de páxinas web, anuncios de televisión e radio, elaboración de material audiovisual, estudos de mercado, etc.).
 - Gastos que estean fóra do obxecto do programa.
 - Creación e rexistro de marcas.
 - Gastos equivalentes a descontos comerciais, nin os asimilables a axudas directas ao produtor.
 - Con carácter xeral, os tributos só poderán considerarse gastos subvencionables, sempre que o beneficiario os aboe efectivamente. En ningún caso se considerarán gastos subvencionables os impostos indirectos cando sexan susceptibles de recuperación ou compensación. Queda, por tanto, excluído o financiamento do imposto sobre o valor engadido (IVE) así como o imposto xeral indirecto canario (IXIC) na medida en que sexan deducibles.

2. Resultados dos controis

Organismo pagador	RESULTADOS DOS CONTROIS										Contía da redución da axuda Regulamento (UE) nº 1306/2013 Art. 64		
	Controis administrativos					Controis sobre o terreo							
	Número de solicitudes de axuda con irregularidades (2) detectadas polo control administrativo	Importe das irregularidades detectadas polo control administrativo (3)	Porcentaxe de erro por importe	Número de solicitudes de axuda con irregularidades		Importe das irregularidades		Porcentaxe de erro		Tras controis administrativos	Tras controis sobre o terreo	Redución total da axuda tras os controis administrativos e sobre o terreo	
				Detectado na mostra baseada no risco	Detectado na mostra aleatoria	Detectado na mostra baseada no risco	Detectado na mostra aleatoria	En función do risco	Aleatoria				
número	EUR	%	número	número	EUR	EUR	%	%	EUR	EUR	EUR		
O	P	Q=P/J	R	S	T	U	V=T/L	W=U/N	X=P	Y=T+U	α=X+Y		
Total													

(*) Prazo de notificación ao FEGA: 15 de xaneiro.

(**) Deberá cubrirse unha notificación para cada unha das medidas do programa de apoio.

- (1) O termo «unidades» refírese, segundo proceda, ao número de operacións, hectáreas, toneladas, litros, etc. en función da medida/operación/acción.
- (2) Neste contexto enténdese que o termo «irregularidade» inclúe calquera constatación, anomalía ou diverxencia que dea lugar a un cambio no importe aboado ou que se aboaria antes da aplicación de penalizacións.
- (3) • Se o control administrativo detecta unha irregularidade e a mesma solicitude de axuda tamén é obxecto dun CST que non detecta ningunha outra irregularidade, a irregularidade debe atribuírse ao control administrativo.
 - Se un control administrativo detecta unha presunta irregularidade e, para afondar na investigación, se programa a seguir un CST que confirma a presunta irregularidade, esta débese atribuír ao control administrativo.
 - Se un control administrativo detecta unha irregularidade e un CST da mesma solicitude de axuda detecta unha nova irregularidade, as dúas irregularidades deben contabilizarse por separado.
- (4) En caso de controis do 100%, prégase que se consigne todo nos CST «en función do risco».

ANEXO X**Necesidades de financiamento para a reestruturación e reconversión de viña para o exercicio Feaga orzamentario: 20.....**

Comunidade autónoma:
Data de comunicación:
Necesidades financeiras para o exercicio seguinte
Importe total (€)

Comunicación de acordo co número 1 do artigo 33 do presente real decreto.

ANEXO XI**Previsións financeiras ata o 15 de outubro**

Comunidade autónoma:
Data de comunicación:
Previsións financeiras ata o 15 de outubro*
Importe total (€)

* Previsións de fondos totais que se poderán gastar ata o 15 de outubro: indicaranse as necesidades para todo o exercicio financeiro.

Comunicación de acordo co artigo 35 do presente real decreto.

ANEXO XII

Accións subvencionables en reestruturación e reconversión de viñas

Actividade	Acción	Importe máximo subvencionable
A) Reimplantación de viñas.	• Arrinca (incluída a recolla de cepas)	430 €/ha
	• Preparación do solo	1.400 €/ha
	• Preparación do solo para a plantación en covas («hoyos») na illa de Lanzarote ¹	4.200 €/ha
	• Preparación do solo para a plantación en gabias («zanjas») na illa de Lanzarote ²	2.350 €/ha
	• Reposición de cinza volcánica («picón») ³	5.100 €/ha
	• Desinfección	2.000 €/ha
	• Eliminación de pedras	400 €/ha
	• Nivelación do terreo	800 €/ha
	• Socalcamento	19.000 €/ha
	• Socalcamento con muros de pedra en pendentes maiores do 30%.	30.000 €/ha
	• Planta e plantación	1,69 €/planta
	• Tubos de plástico que rodean a planta para protección contra coellos no momento da plantación (incluída a colocación)	0,5 €/unidade
	• Sistemas de condución (incluída colocación)	
	• Espaller	3.400 €/ha
	• Estacada	5.000 €/ha
	• Parra ou similares	15.000 €/ha
	• Parra baixa Canarias.	8.300 €/ha
• Elevación individualizada ⁴	1€/unidade	
B) Reconversión de viñas.	• Sobreexertía	0,9 €/unidade
C) Mellora de técnicas de xestión de viñas.	• Cambio de vaso a espaller ou a outro sistema de condución.	600 €/ha + sistema de condución.

¹ É excluínte coa operación de preparación do solo.

² É excluínte coa operación de preparación do solo.

³ Operación ligada exclusivamente ás operacións 1 e 2.

⁴ Exclusivamente Comunidade Autónoma de Galicia, País Vasco, Canarias e aquelas comunidades autónomas que apliquen baremos estándar unitarios e inclúan a acción.

ANEXO XIII

Necesidades de financiamento para a replantación por motivos sanitarios ou fitosanitarios para o exercicio Feaga: 20.....

Comunidade autónoma: Data de comunicación:	
Superficie afectada (ha)	Importe total (€)

ANEXO XIV

Información mínima do informe anual de aplicación da medida de reestruturación e reconversión de viñas:

- Gasto total da Unión.
- Gasto total do beneficiario.
- Contribución media da Unión por operación superficie total cuberta (ha).
- Contribución media da Unión en euros/ha.
- Orzamento executado.
- Superficie afectada.
- Beneficiarios.
- Solicitudes.
- Solicitantes.
- Actividades.
- Operacións.
- Accións.
- Variedades.
- Compensación por perda de ingresos.

ANEXO XV

Solicitud de axuda á destilación de subprodutos

(Art. 52 do Regulamento (UE) n.º 1308/2013)

DESTILADOR (cubrir ou pór etiquetas)	PRODUTOR (cubrir ou pór etiquetas)
APELIDOS E NOME e/ou RAZÓN SOCIAL	APELIDOS e NOME e/ou RAZÓN SOCIAL
DNI / CIF	DNI / CIF R.I.A
DOMICILIO: RÚA	DOMICILIO: RÚA
LOCALIDADE e/ou MUNICIPIO	LOCALIDADE e/ou MUNICIPIO
PROVINCIA C.P.	PROVINCIA C.P.
CÓDIGO DE ACTIVIDADE E ESTABLECEMENTO (CAE) DO DESTILADOR	ADEGA (de elaboración) DE ACTIVIDADE E ESTABLECEMENTO (CAE) N.I.D.P.B. ZONA VITÍCOLA

..... con NIF/CIF
 en calidade de (1) do destilador sinalado, realizou a destilación de subprodutos do artigo 52 do Regulamento (UE) n.º 1308/2013 correspondente ao produtor identificado no recadro superior, que entregou para a súa destilación os produtos que se xustifican na relación que se xunta, e obtívose o alcohol que se detalla no recadro inferior.

Por todo iso,

SOLICITA:

- Percibir a axuda que lle poida corresponder para as citadas cantidades de alcohol obtido da destilación indicada, unha vez realizada a destilación conforme o regulamentariamente establecido, e presenta xunto con esta solicitude a documentación disposta no número 2 do artigo 57 do presente real decreto.

ALCOHOL OBTIDO	
MATERIA PRIMA	HECTÓGRADOS
BAGAZO	
BORRAS	
VIÑO	
TOTAL	

- Que se lle aboe o importe correspondente ao anticipo previsto (80% do importe inicial da axuda) pola destilación realizada, presentando xustificante de depósito dunha garantía correspondente ao 100% do valor do dito anticipo, e comprométese a comunicar e xustificar o destino do citado alcohol e, se for o caso, o aboamento dos gastos de transporte ao produtor. Así mesmo, comprométese a reintegrar a axuda se o alcohol non se utiliza exclusivamente con fins industriais ou enerxéticos, que será ingresada na conta e entidade sinalada máis adiante.

En o de de

O DESTILADOR,

Asdo.:

SR. DIRECTOR XERAL

ANEXO XVI

Obxectivos estratéxicos das operacións da medida de investimentos

1. Fomentar a agrupación dos primeiros elos da cadea alimentaria mediante a integración das entidades asociativas e o asociacionismo agrario.
2. Fomentar a sustentabilidade integral das industrias nos seus ámbitos económico, social e ambiental.
3. Fomentar os procesos sustentables desde o punto de vista ambiental a través do aforro de enerxía, da eficiencia enerxética global, da utilización de enerxías renovables e da valorización e tratamento dos residuos.
4. Fomentar a certificación ambiental das instalacións das empresas vitivinícolas.
5. Fomentar a produción ecolóxica.
6. Fomentar os produtos acollidos a réximes de calidade e os pagamentos de uva por calidade.
7. Favorecer o incremento da dimensión empresarial.
8. Favorecer a participación dos viticultores e elaboradores na cadea de valor.
9. Fomentar os investimentos en comercialización.
10. Fomentar a innovación e a implantación de novos produtos e novas presentacións.
11. Impulsar a introdución das tecnoloxías dixitais nas empresas (industria conectada 4.0).

ANEXO XVII

Relación non exhaustiva de obxectivos xerais das operacións da medida de investimentos

1. Investimentos directamente destinados á produción de produtos vitivinícolas (desde a transformación da uva ata o embotellado, ou envasado, e etiquetaxe do produto vitivinícola na adega):
 - a. Investimentos en cámaras de almacenamento frigorífico.
 - b. Investimentos noutras instalacións da adega.
 - c. Investimentos en obra civil:
 - i. Construción de novos inmobles.
 - ii. Mellora de inmobles.
 - iii. Adquisición de inmobles.
 - d. Investimentos en compra de maquinaria e/ou equipamentos:
 - i. Maquinaria e/ou equipamentos para a transformación da uva (pesaxe, prensado, etc.).
 - ii. Maquinaria e/ou equipamentos de fermentación e/ou vinificación.
 - iii. Maquinaria e/ou equipamentos de tratamento de viños e mostos (filtración, sedimentación, clarificación, etc.).
 - iv. Maquinaria e/ou equipamentos de control de temperatura.
 - v. Equipamentos para o movemento e tratamento do viño na adega.
 - vi. Equipamentos para almacenamento, mestura, coidado posterior e envellecemento do viño.
 - vii. Equipamentos xerais para o embotellado, envasado, etiquetaxe e embalaxe.
 - viii. Equipamentos específicos para a produción, almacenamento, embotellado e acondicionamento de viños espumosos.
 - ix. Software para a xestión da adega.
 - x. Equipamentos para a xestión de augas residuais e outros residuos.
 - e. Custos xerais relacionados cos investimentos descritos nesta epígrafe 1.

2. Investimentos directamente relacionados co control de calidade:
 - a. Investimentos en construción de laboratorios e dotación.
 - b. Investimentos en maquinaria e equipamentos, incluído o software para o control de calidade das materias primas, dos produtos e das condicións de produción e conservación.
 - c. Investimentos en equipamentos destinados a introducir normas de calidade ou sistemas de rastrexabilidade voluntarios, mesmo no caso de viños ecolóxicos.
 - d. Custos xerais relacionados cos investimentos descritos nesta epígrafe 2.
3. Investimentos directamente relacionados coa comercialización de produtos vitivinícolas:
 - a. Investimentos en establecementos de presentación e venda:
 - i. Obra civil, incluída a urbanización exterior (construción de novos inmobles, mellora de inmobles ou adquisición de inmobles).
 - ii. Maquinaria e equipamentos, incluído software.
 - b. Investimentos en almacéns, centros loxísticos e oficinas comerciais:
 - i. Obra civil, incluída a urbanización exterior (construción de novos inmobles, mellora de inmobles ou adquisición de inmobles).
 - ii. Maquinaria e equipamentos, incluído software.
 - c. Investimentos en equipamentos para a loxística e a comercialización dos produtos vitivinícolas.
 - d. Hardware, software e/ou plataformas web para comercio electrónico destinadas exclusivamente aos produtos vitivinícolas.
 - e. Rexistro de marcas colectivas.
 - f. Custos xerais relacionados cos investimentos descritos nesta epígrafe 3.
4. Investimentos directamente relacionados con usos administrativos e/ou xerais:
 - a. Investimentos en obra civil, incluída a urbanización exterior:
 - i. Construción de novos inmobles.
 - ii. Mellora de inmobles.
 - iii. Adquisición de inmobles.
 - b. Investimentos en subministracións enerxéticas e acometidas de servizos (xeradores, transformadores, liñas eléctricas, subministración de auga, etc.).
 - c. Investimentos noutras instalacións e equipamentos, incluído software:
 - i. De uso administrativo.
 - ii. De xestión empresarial.
 - d. Custos xerais relacionados cos investimentos descritos nesta epígrafe 4.

ANEXO XVIII

Límites máximos

O importe destes límites máximos aplicarase tamén como investimento máximo subvencionable para a adquisición de edificacións, incluído o seu acondicionamento ou reforma.

I. Urbanización.

Soamente se admitirán investimentos en pechamento da parcela, explanacións e firmes, coas seguintes limitacións en todo caso:

– Pechamentos perimetrais de predios. O importe máximo subvencionable ascenderá a 35 euros por metro lineal, incluídos todos os elementos singulares distintos ás portas.

O número de metros lineais máximo subvencionable será igual, en valor absoluto, á suma do número de metros cadrados construídos e/ou que se pretenden construír dentro do establecemento obxecto da operación de investimento.

– Explanación e urbanización, incluída a dotación de firme. O importe máximo subvencionable ascenderá a 30 euros por metro cadrado obxecto de actuación.

O número de metros cadrados máximo subvencionable será igual ao dobre da superficie nova construída.

II. Edificacións.

O importe máximo subvencionable ascenderá a:

– 450 euros por metro cadrado construído, cando o investimento se execute en España.

– 500 euros metro cadrado cando o investimento se execute noutros países da Unión Europea.

Para a aplicación deste límite teranse en conta tanto os gastos de adquisición como os de obra civil en edificación nova ou reformada, incluídas as súas divisións interiores. Para este fin, os ditos límites non poderán ser superados mesmo nos supostos en que sobre unha mesma superficie se dean de forma simultánea máis dun deses gastos.

Neste límite non serán tidos en conta os gastos relativos a instalacións como saneamento, fontanaría, electricidade, telecomunicacións, climatización, ventilación ou outras similares.

III. Outras limitacións aplicables a zonas e equipamentos específicos.

No caso de superficies dedicadas a salas de catas ou dedicadas especificamente dentro da adega á exposición e venda a retallo dos produtos, a superficie máxima subvencionable será do 15% da superficie da adega resultante tras a execución da operación.

V. Outras limitacións ao importe do investimento auxiliabile e á súa clasificación.

Os investimentos en estudos de viabilidade técnica e económica, así como a avaliación de impacto ambiental, serán admisibles sempre que o estudo se presente coa solicitude e, en todo caso, o importe máximo admisible será de 1.700 euros por cada un dos dous conceptos.

Os investimentos relativos á creación de tendas en liña limitaranse a 3.000 euros.

Cando entre os investimentos obxecto da axuda se inclúan barricas de madeira de entre 210 e 230 litros de capacidade, ás veces denominadas como bordelesas, estas deberán cuantificarse e orzarse de maneira diferenciada, en función da orixe da súa madeira, de acordo coa seguinte clasificación:

- De carballo francés.
- De carballo americano.
- De carballo mixto ou doutras orixes, para calquera outro tipo de barrica que non pertenza ás dúas anteriores.

ANEXO XIX

Gastos non subvencionables

Non terán a consideración de subvencionables os custos das seguintes accións:

1. Os investimentos de mera substitución.
2. A investigación.
3. Os investimentos que figuren na contabilidade como gastos.
4. Os gastos de constitución e primeiro establecemento.
5. A compra de terreos e os gastos relacionados con esta (honorarios de notario, impostos e similares).
6. A compra de edificios que vaian ser derribados. Se a compra dun edificio é obxecto de axuda, o valor do terreo construído e o do que rodea o edificio, valorado por un técnico competente, non se considera subvencionable.
7. A compra de edificios ou locais, se estes foron subvencionados nos últimos dez anos. Para isto xuntarase declaración das subvencións recibidas polo edificio ou local durante os últimos dez anos. Tampouco serán subvencionables os investimentos en reformas de locais que fosen subvencionados anteriormente polas administracións públicas e non transcorresen cinco anos. En ambos os casos, o inicio do cómputo destes prazos comezará a partir da data máis tardía entre as de xustificación desa subvención ante a Administración competente ou o cobramento da dita axuda.
8. Traballos ou investimentos empezados ou realizados, con anterioridade á data de solicitude de axuda, salvo os seguintes gastos, sempre que estean realizados dentro do ano anterior á data de solicitude de axuda:
 - a) Honorarios técnicos, estudos de viabilidade económica, técnica, xeotectónica, de mercado, avaliación de impacto ambiental e similares, adquisición de patentes e licenzas, e permisos e seguros de construción.
 - b) Provisión de materiais de construción e encarga ou compra de maquinaria, mesmo a subministración, pero non a montaxe, instalación e proba.
9. A compra de material amortizable normalmente nun ano (botellas, embalaxes, material funxible de laboratorio e similares).
10. Obras de ornamentación e equipamentos de lecer.
11. As tarimas, caixóns tarima e caixas de campo.
12. A compra e instalación de maquinaria e equipamentos de segunda man.
13. A compra de barricas, toneis e ámboas de madeira de calquera capacidade, excepto cando derive dun aumento da capacidade produtiva da adega, sexan de nova adquisición e teñan unha vida útil igual ou superior á durabilidade prevista no artigo 62. Ademais, para que estes elementos poidan ser subvencionados, deberanse cumprir simultaneamente as seguintes condicións:
 - a) Cada un dos elementos obxecto de axuda deberá contar cun código alfanumérico, ou matrícula, individualizado, en que se incluírá o código asignado polo órgano xestor da solicitude de axuda. Este código deberá estar marcado de forma indeleble e facilmente accesible aos controladores da subvención.

b) Ao longo do período de durabilidade, estes elementos non poderán destinarse ao almacenamento de produtos distintos dos produtos vitivinícolas, nin almacenarse en espazos distintos dos dedicados á elaboración ou crianza.

c) Se, na data de presentación da solicitude de axuda, o establecemento conta con elementos deste tipo, os ditos elementos deberán estar inventariados ou ben o solicitante deberá demostrar documentalmente o número destes elementos de que dispón e a súa capacidade total na data de presentación da solicitude.

d) Con independencia do anterior, á hora de avaliar a capacidade de barricas, toneis e/ou ámboas instalados nun establecemento, non se terán en conta aqueles presentes no establecemento pero que non sexan propiedade da empresa solicitante, ou doutras coas que manteña vínculos de asociación ou vinculación.

e) En todo caso, ao longo do período de durabilidade, o número neto de elementos en uso produtivo desta natureza propiedade do solicitante no establecemento, independentemente de estaren subvencionados, non poderá ser obxecto de diminución.

14. Os gastos relativos ao traslado de maquinaria xa existente ata o local ou lugar en que se vai realizar a operación de investimento.

15. As reparacións e obras de mantemento. Non teñen a consideración de reparacións as operacións realizadas sobre maquinaria instalada para ampliar a súa capacidade ou mellorar as súas prestacións.

16. Os debidos á aplicación do imposto sobre o valor engadido (IVE).

17. As taxas, as contribucións ou outros impostos.

18. As edificacións destinadas a vivenda.

19. Os vehículos relativos a transporte exterior e vehículos que requiran de matriculación, incluídos remolques e carrozados especiais.

20. Os gastos de alugamento de equipamentos de produción e os investimentos financiados mediante arrendamento financeiro.

21. A man de obra propia nin os materiais de igual procedencia. Neste sentido non serán subvencionables os honorarios de proxecto, dirección de obra ou asesoramento técnico cando no provedor dos ditos servizos conorra algunha das seguintes circunstancias:

a) Que estea vinculado laboralmente coa empresa solicitante ou beneficiaria da axuda.

b) Que teña a condición de socio da empresa solicitante ou beneficiaria da axuda.

c) Que teña facultades de administración e/ou representación sobre a empresa solicitante ou beneficiaria da axuda.

22. Os gastos por transaccións financeiras, xuros debedores ou de demora, as comisións por cambio de divisas e as perdas, así como outros gastos puramente financeiros.

23. As multas, sancións financeiras e gastos de procedementos legais.

24. Os rótulos ou indicadores en vías públicas ou noutros espazos públicos ou privados que non se encontren no establecemento, tenda, instalación, predio ou recinto do solicitante.

25. Os investimentos en enoturismo.

26. Os gastos de asesoramento ou elaboración da solicitude de axuda.

27. A compra de edificios ou instalacións que estean alugados ou noutro réxime de tenza polo solicitante na data da solicitude.

28. A adquisición de mobiliario, salvo os seguintes:

a) O específico para laboratorios.

b) O correspondente a zonas de cata e exposición de produtos, excepto cando nese establecemento se desenvolvan actividades de enoturismo.

29. Os gastos relativos á promoción (casetas, conferencias, folletos, catálogos, publicidade, etc.)

Os gastos pagados polo beneficiario en especie ou en metálico.

ANEXO XX

Criterios de prioridade

1. Priorización de solicitantes. Máximo 30 puntos			Rango de puntuación
1	1.	Priorización das entidades asociativas prioritarias recoñecidas para o sector do viño (incluídas multisectoriais) de acordo co Real decreto 550/2014, do 27 de xuño, polo que se desenvolven os requisitos e o procedemento para o recoñecemento das entidades asociativas prioritarias e para a súa inscrición e baixa no Rexistro Nacional de Entidades Asociativas Prioritarias, previsto na Lei 13/2013, do 2 de agosto, de fomento da integración de cooperativas e doutras entidades asociativas de carácter agroalimentario. Así mesmo, serán priorizadas as súas entidades de base (recoñecidas tamén para o sector do viño). Tamén serán priorizadas as entidades asociativas prioritarias rexionais ou figuras análogas reguladas a nivel autonómico, así como as súas entidades de base (recoñecidas tamén para o sector do viño).	1-8
1	2.	Priorización dos solicitantes asociativos (non acumulativos).	
1	2.	1 Cooperativas e outras entidades asociativas agroalimentarias (SAT, sociedades mercantís, sempre que máis do 50% do seu capital social pertenza a cooperativas ou SAT).	1-7
1	2.	2 Asociacións, con personalidade xurídica propia, participadas maioritariamente (máis dun 50%) por produtores dos produtos mencionados no anexo VII, parte II, do Regulamento 1308/2013, sexa directamente ou a través de sociedades e non recollidas no punto 1.2.1.	1-7
1	3.	Priorización de empresas que cumpren o decálogo para a sustentabilidade integral da industria agroalimentaria e que están inscritas na lista de adhesión do MAPAMA.	1-2
1	4.	Priorización de solicitantes cuxas instalacións dispoñen de certificación ambiental, que deberá ser achegada xunto coa solicitude.	
1	4.	1 Segundo o Regulamento comunitario EMAS (Regulamento (CE) n.º 1221/2009) ou a Norma ISO 14.001.	1-5
1	4.	2 Certificado Wineries for Climate Protection.	1-2
1	5.	Priorización de empresas que teñan implantados sistemas de pagamento de uva por calidade para a totalidade dos pagamentos, como mínimo, durante os tres anos anteriores á data da solicitude. Será acreditado mediante a achega de normas de vendima aprobadas por acordo de asemblea, xunta reitora ou órganos da empresa.	1-11
1	6.	Priorización de operadores de produtos vitivinícolas ecolóxicos.	1-4
1	7.	Priorización de operadores acollidos a DOP ou IXP.	1-4
1	8.	Priorización de microempresas, pequenas e medianas empresas.	1-6
1	9.	Priorización de solicitantes que sexan elaboradores de viño e embottellen máis do 51% do viño elaborado; para tal fin tomaranse como referencia as elaboracións da campaña vitícola inmediatamente anterior á data de rexistro da solicitude de axuda.	1-4
Priorización de operacións. Máximo 70 puntos			Puntuación
2	1.	Priorización das operacións con investimentos orientados ao incremento da eficiencia enerxética, sempre que isto supere 30% do importe do investimento no momento da solicitude. No caso de mellora de instalacións, o solicitante deberá achegar un certificado emitido por un experto independente que acredite un aforro enerxético mínimo do 15% nos conceptos afectados polo investimento. Para efectos da valoración deste criterio, entenderanse incluídos exclusivamente os conceptos que se detallan no subnúmero II deste número.	1-15
2	2.	Priorización das operacións con investimentos en uso de enerxías renovables exclusivamente para o seu propio consumo, sempre que isto supere o 20% do importe do investimento no momento da solicitude. Para efectos da valoración deste criterio, entenderanse incluídos exclusivamente os conceptos que se detallan no subnúmero III deste número.	1-15
2	3.	Priorización das operacións con investimentos en valorización, tratamento e/ou xestión de residuos e/ou depuración de efluentes líquidos, sempre que isto supere 20% do importe do investimento no momento da solicitude.	1-15
2	4.	Priorización das operacións con investimentos destinados á transformación da totalidade da produción de uva propia do solicitante. Para tal efecto, o solicitante non deberá ter a titularidade dunha instalación de elaboración dos produtos acollidos ao presente real decreto e deberá achegar a titularidade dunha viña.	1-5
2	5.	Priorización das operacións que se orientan en todo ou en parte á obtención de produtos ecolóxicos.	1-6
2	6.	Priorización das operacións que se orientan en todo ou en parte aos produtos acollidos a réximes de calidade: (non acumulativos).	
2	6.	1 Denominación de orixe protexida.	1-15
2	6.	2 Indicación xeográfica protexida.	1-10
2	6.	3 Viño sen indicación xeográfica con indicación de anada ou variedade.	1-3
2	7.	Priorización das operacións que se orientan á comercialización nunha porcentaxe orzamentaria maior ou igual ao 30%. Para efectos da valoración deste criterio, entenderanse incluídos exclusivamente os conceptos que se detallan no subnúmero I deste número.	1-15
2	8.	Priorización das operacións destinadas á implantación da industria 4.0 (industria conectada). Para efectos da valoración deste criterio, entenderanse incluídos exclusivamente os conceptos que se detallan no subnúmero IV deste número. Ademais, o solicitante deberá presentar o informe da análise da madurez dixital da empresa a través da Ferramenta de autodiagnóstico dixital avanzada I (FADA).	1-6
2	9.	Priorización de operacións de investimento provenientes do resultado dun grupo operativo de innovación da Asociación Europea para a Innovación.	1-6
2	10.	Priorización de investimentos tanxibles orientados á implantación no seo da empresa de novos produtos e novas presentacións. Non se considerará unha ampliación ou mellora de algo xa existente nas instalacións do solicitante.	1-10

I. Priorización das operacións que se orienten á comercialización nunha porcentaxe orzamentaria maior ou igual ao 30%.

Entenderanse incluídos exclusivamente os seguintes conceptos para efectos de comercialización:

(a) A construción, adquisición ou mellora de bens inmobles.

– Establecementos de presentación e venda: adquisición / construción / renovación / modernización da infraestrutura de venda e instalacións de presentación,

a.1. Sempre que o establecemento non compaxine a súa actividade co enoturismo:

- Viñotecas.
- Salas de exhibición (exposición de produtos vitivinícolas).

a.2. Sempre que a actividade de venda se limite aos produtos recollidos no anexo VII parte II do Regulamento (UE) 1308/2013.

- Salas de venda.
- Punto fixo de venda (a retallo) fóra das instalacións da empresa, no territorio nacional e noutros Estados membros da UE.
- Punto de venda nas instalacións da empresa (pero fóra das unidades de produción) (puntos de venda directa).

– Almacéns, centros loxísticos e oficinas comerciais:

Establecemento de almacéns, centros loxísticos ou oficinas comerciais noutro Estado membro da UE que non sexa o Estado membro onde radican as instalacións produtoras do solicitante e sempre que a actividade de venda se limite aos produtos recollidos no anexo VII, parte II, do Regulamento (UE) 1308/2013.

- Adquisición.
- Construción.
- Acondicionamento de edificios.

(b) A compra de nova maquinaria e equipamentos, incluídos os programas informáticos.

– Maquinaria e equipamentos para os establecementos de presentación e venda: maquinaria e equipamentos para as infraestruturas de venda e instalacións de presentación, sempre que a actividade de venda se limite aos produtos recollidos no anexo VII, parte II, do Regulamento (UE) e non se compaxine o seu emprego con actividades de enoturismo:

- Viñotecas.
- Salas de exhibición (exposición de produtos vitivinícolas).
- Salas de venda.
- Punto fixo de venda (a retallo) fóra das instalacións da empresa, no territorio nacional e noutros Estados membros da UE.
- Punto de venda nas instalacións da empresa (pero fóra das unidades de produción) (puntos de venda directa).

– Almacéns, centros de loxística e oficinas comerciais:

Establecemento de almacéns, centros loxísticos ou oficinas comerciais noutro Estado membro da UE que non sexa o Estado membro onde radican as instalacións produtoras do solicitante e sempre que a actividade de venda se limite aos produtos recollidos no anexo VII, parte II, do Regulamento (UE) 1308/2018:

- Maquinaria e equipamentos.
- Instalacións tecnolóxicas.
- Software.

– Equipamentos para a loxística e a comercialización do viño e sempre que a actividade de venda se limite aos produtos recollidos no anexo VII, parte II, do Regulamento (UE) 1308/2013:

- Creación, desenvolvemento ou adaptación de plataformas loxísticas para racionalizar e mellorar a organización da cadea de transporte no mercado nacional e internacional.
- Máquinas, instalacións tecnolóxicas ou equipamentos que inclúan software para ser utilizado no marco da distribución, loxística ou comercialización dos produtos.

– Hardware, software, plataformas web para comercio electrónico e sempre que este se limite aos produtos recollidos no anexo VII, parte II, do Regulamento (UE) 1308/2013.

- Hardware e software para o comercio electrónico.

c) Rexistro de marcas colectivas.

II. Priorización das operacións con investimentos orientados ao incremento da eficiencia enerxética, sempre que isto supere o 30% do importe do investimento no momento da solicitude.

No caso de mellora de instalacións, o solicitante deberá achegar un certificado emitido por un experto independente que acredite un aforro enerxético mínimo do 15%.

Entenderanse incluídos exclusivamente os seguintes conceptos para efectos de incremento da eficiencia enerxética:

- Illamentos térmicos e ventás que melloren a eficiencia enerxética.
- Iluminación de baixo consumo e LED en edificios.
- Equipamentos de climatización e arrefriadoras de auga de alta eficiencia enerxética.
- Caldeiras de alta eficiencia enerxética.
- Radiadores por auga a baixa temperatura e pisos/teitos radiantes.
- Ascensores e elevadores de alta eficiencia enerxética.
- Sistemas de xestión, control e regulación da iluminación e climatización en edificación.
- Illamentos de equipamentos e tubaxes en industria.
- Arrefriadoras de auga de alta eficiencia enerxética.
- Caldeiras industriais de alta eficiencia enerxética.
- Motores eléctricos de alta eficiencia enerxética.
- Variadores de velocidade electrónicos de motores eléctricos.
- Máquinas de absorción.
- Rehabilitación enerxética da envolvente térmica dos edificios existentes.
- Mellora da eficiencia enerxética das instalacións térmicas dos edificios existentes.
- Mellora da eficiencia enerxética das instalacións de iluminación interior nos edificios existentes.
- Construción de novos edificios e rehabilitación de existentes con alta cualificación enerxética.
- Mellora da eficiencia enerxética das instalacións de frío comercial.
- Construción ou rehabilitación de edificios de consumo de enerxía case nulo.
- Auditorías enerxéticas.
- Implantación de sistemas de xestión enerxética.

III. Priorización das operacións con investimentos en uso de enerxías renovables exclusivamente para o seu propio consumo, sempre que isto supere o 20% do importe do investimento no momento da solicitude.

Entenderanse incluídos exclusivamente os seguintes conceptos para efectos de uso de enerxías renovables:

- Enerxía solar:
 - Térmica.
 - Fotovoltaica.

- Bioenerxía:
- Biomasa.
- Enerxía xeotérmica.
- Enerxía eólica.

IV. Priorización das operacións de investimento destinadas á implantación da industria 4.0 (industria conectada).

Entenderanse incluídos exclusivamente os seguintes conceptos para efectos de implantación da industria 4.0.

1. Solucións de negocio e plataformas colaborativas:

a) Aplicacións innovadoras de xestión, que procesen e dean uso á información obtida das actividades da cadea de produción vitivinícola, actividades de subministración e comerciais, de forma conxunta en toda ou a maior parte da cadea de valor do solicitante.

b) Solucións de negocio interempresa que utilicen sistemas ou elementos físicos, virtuais ou ciberfísicos que permitan a interacción entre a empresa solicitante cun ecosistema determinado xa establecido (empresas, clientes, provedores e centros de investigación).

2. Tratamento masivo de datos, orientado a proxectos de innovación en materia de organización e procesos, e que deben enfocarse cara a solucións para a industria vitivinícola que traten sobre métodos, ferramentas de desenvolvemento para sistemas de datos intensivos e/ou aplicacións altamente distribuídas, sistema de visualización de datos e integración.

3. Robótica avanzada enfocada cara a solucións avanzadas de robótica para o sector industrial, entre outras, aumentar a capacidade cognitiva, robótica colaborativa persoa-máquina, percepción, configurabilidade, monitorización, capacidade de manipulación, navegación ou outras similares dos robots, así como nas súas aplicacións concretas aos procesos produtivos da empresa.

4. Sensores e sistemas embebidos.

ANEXO XXI

Ponderación de criterios de prioridade

Comunidade Autónoma	Criterios de prioridade																						
	Priorización de solicitantes										Priorización de operacións												
	1.1	1.2		1.3	1.4		1.5	1.6	1.7	1.8	1.9	2.1	2.2	2.3	2.4	2.5	2.6			2.7	2.8	2.9	2.10
		1.2.1	1.2.2		1.4.1	1.4.2											2.6.1	2.6.2	2.6.3				
Andalucía	7	6	2	1	2	1	1	3	3	5	1	9	9	9	3	6	9	9	3	9	5	3	8
Aragón	1	7	3	1	1	1	10	1	3	3	2	10	10	10	1	4	10	10	3	10	6	2	7
Asturias	1	7	4	1	1	1	4	2	4	6	3	13	13	13	3	5	13	10	3	2	2	1	5
Balears (Illes)	1	5	1	1	3	1	5	3	2	5	4	12	12	11	5	6	10	8	3	8	4	1	1
Canarias	1	6	6	1	1	1	4	2	4	6	4	15	15	15	5	1	15	10	3	1	1	1	1
Cantabria	1	6	1	1	1	1	4	2	4	6	4	13	13	11	5	5	11	10	3	3	2	1	6
Castilla - La Mancha	8	7	6	1	1	1	3	2	1	4	2	11	11	12	2	6	11	5	3	10	1	1	5
Castilla y León	1	7	7	1	1	1	4	1	4	6	4	15	15	15	3	1	15	10	3	3	1	1	1
Cataluña	1	7	1	1	1	1	6	2	3	5	3	11	11	11	5	3	11	1	1	11	2	1	4
Comunitat Valenciana	1	7	1	1	1	1	3	3	4	6	3	13	13	13	5	6	13	10	3	2	1	1	3
Extremadura	3	7	1	1	1	1	1	3	4	5	4	9	9	9	5	6	9	7	2	9	2	6	6
Galicia	1	7	4	1	1	1	4	2	4	6	3	13	13	13	3	5	13	10	3	2	2	1	5
Madrid (Comunidade de)	1	7	1	1	1	1	1	4	4	6	4	15	15	15	2	4	15	1	3	1	1	1	1
Murcia (Rexión de)	1	6	6	1	4	1	1	2	4	6	4	15	10	10	5	5	10	10	3	3	5	1	6
Navarra (Comunidade Foral de)	1	5	5	1	1	1	4	3	4	6	4	11	11	13	5	6	11	10	3	1	1	1	10
País Vasco	1	2	1	1	3	1	6	2	4	6	4	11	11	11	5	5	11	7	3	11	1	1	3
Rioja (La)	1	4	4	1	1	1	10	2	4	2	4	13	14	15	1	1	13	1	1	10	1	1	1

ANEXO XXII

PARTE A. Lista provisional

Lista provisional de operacións seleccionadas							Puntuación																									
Comunidade autónoma:																																
Código de solicitude	NIF/NIE	Nome e apelidos ou razón social do beneficiario	Tipo de beneficiario			Orzamento total Feaga	Orzamento total Feaga																									

PARTE B. OUTROS CAMBIOS MENORES

Entenderanse como outros cambios menores os seguintes:

1. Cambio de marca ou de provedor dunha máquina ou instalación, sempre e cando se manteñan ou melloren as súas características técnicas, considerando aspectos como rendimento, consumos enerxéticos e mantemento.
2. Cambio no número de barricas, sempre e cando se manteñan a capacidade total e as súas características de acordo coa tipoloxía prevista na epígrafe V do anexo XVIII.

Estes cambios menores poderán ser efectuados sen aprobación previa; non obstante, o importe de investimento considerado subvencionable para estes conceptos nunca poderá ser superior ao previsto na concesión de subvención.

ANEXO XXIII

Datos para avaliación e seguimento da medida de investimentos

Solicitante / Beneficiario

TIPO	<ul style="list-style-type: none"> - PERSOA FÍSICA. - SOCIEDADES CIVÍS PARTICULARES. - COMUNIDADE DE BENS. - PERSOA XURÍDICA: <ul style="list-style-type: none"> • COOPERATIVA. • OUTRAS: SAT, S.A., S.L., outras.
TAMAÑO DO BENEFICIARIO	<ul style="list-style-type: none"> - TAMAÑO DO BENEFICIARIO: <ul style="list-style-type: none"> • PEME. • Grandes «intermedias». • Grandes «non intermedias». - VITICULTOR: <ul style="list-style-type: none"> • Si. • Non.
IDENTIFICACIÓN	<ul style="list-style-type: none"> - NIF. - Domicilio social. - Domicilio fiscal.
SOLICITUDE	<ul style="list-style-type: none"> - DATA DE PRESENTACIÓN. - DATA DE RESOLUCIÓN. - DATA DE ACEPTACIÓN, RENUNCIA OU DESISTENCIA. - DATA DE PAGAMENTO POR ANUALIDADE. <ul style="list-style-type: none"> - Pagamento parcial. - Pagamento final. - MODIFICACIÓNS.
OPERACIÓN	<ul style="list-style-type: none"> - ANUAL OU BIANUAL. - ORZAMENTO POR ANUALIDADE. - AXUDA POR ANUALIDADE.
OBXECTIVOS ESTRATÉXICOS	<ul style="list-style-type: none"> - 1 A 11 SEGUNDO O ANEXO XVI.
OBXECTIVOS XERAIS	<ul style="list-style-type: none"> - SEGUNDO ANEXO XVII OU OUTROS QUE SE ESPECIFICARÁ.
ACCIÓNS	<ul style="list-style-type: none"> - NÚMERO DE ACCIÓNS. - DESCRICIÓN DAS ACCIÓNS. - CUSTO DE CADA ACCIÓN.
CARACTERÍSTICAS DO INVESTIMENTO	<ul style="list-style-type: none"> - TIPO DE INVESTIMENTO: <ul style="list-style-type: none"> • Nova instalación. • Ampliación. • Mellora. • Traslado. - CARACTERÍSTICAS DA COMERCIALIZACIÓN. <ul style="list-style-type: none"> • Individual/ conxunta. • Nacional/ internacional. - PRODUTOS: SEGUNDO ANEXO VII, PARTE II. - N.º DE EMPREGADOS ANTES DO INVESTIMENTO. - N.º DE EMPREGADOS DESPOIS DO INVESTIMENTO.

ANEXO XXIV

Datos mínimos que debe remitir a comunidade autónoma

Comunidade autónoma:				
Exercicio financeiro:				
Data de comunicación:				
NIF	Superficie solicitada	Volume de viño estimado de retirada	Axuda estimada (€/ha)	Axuda estimada total (€)